

**NATIONAL ASSEMBLY OF
SEYCHELLES**

Wednesday 15th November 2023

The Assembly met at 09 am

National Anthem

Moment of Reflection

Mr Speaker in the Chair

DEPARTMENT **OF**
EMPLOYMENT

MR SPEAKER

Bonzour Manm Onorab. Bonzour nou zofisye Lasanble, nou piblik ki swiv nou e byenveni ankor pour nou travay. Nou dan Staz Komite - nou a pas dan Staz Komite. Madanm raporter i ava apel Minis e son delegasyon silvouple.

Mon a dir bonzour Minis pour Lanplwa e Zafer Sosyal Patricia Francourt e son delegasyon zofisye. Lo kote Minister Finans Ms Astride Tamatave *Comptroller General*, Mrs Ruth Pool *Principal Finance Analyst*. E pour Lanplwa Ms Veronique Bresson *PS* pour Lanplwa e Mrs Chantal

Jules *Senior Accountant*. Byenveni zot tou dan Lasanble.

Nou pe pran Bidze 2 departman dan Minister Lanplwa Zafer Sosyal, Departman Lanplwa. Avan mon demann Minis, mon le zis fer Manm remarke nou ler, en letan tre sere e i neser ki nou servi li byen.

Alors sa ki mon pe – sa ki mon'n deside pour premye *round*. nou pour pran en kestyon kot sak Manm, e ler nou'n fini sa *round* nou pour rebran pour otan kestyon, otan letan ki nou annan. E mon rapel bann Manm ki nou la pour egzamin Bidze, e alor si zot kapab *focus* lo kestyon ki pour eklersi Bidze.

Avek sa, mon demann Minis Francourt, pou fer en prezantasyon lo departman – Bidze Departman Lanplwa ki lo paz 487 ziska 493, pour en total R45 milyon 429 mil. Minis, silvouple, prezantasyon.

MINISTER **PATRICIA**
FRANCOURT

Mersi Mr Speaker. Bonzour Mr Chairman, bonzour tou Manm Onorab e bonzour tou dimoun ki a lekout. Pour komanse, permet mwan fer enn pti revi lo rol Departman Lanplwa e nou bann aki par sa lannen ziska prezan.

Mr Chairman, rol Departman Lanplwa i vremen enportan, pour ki pei i kontinyen annan krwasans ekonomik. I nou rol pour asire ki marse lanplwa i reste stab, atraver bann norm ki'n ganny etablir, pour permet ki tou partener dan sa proze, i annan proteksyon nesese e fonksyon dan en latmosfer ki konvenab.

Sa lannen, i enn kot nou'n komans vwar serten sanzman pozitiv kot marse lanplwa i konsernen, apre sa detrwa lannen difisil ki pei in pas ladan.

An premye lye, to mank lanplwa in desann pour ariv 3.9poursan konpare avek enn to 4.2poursan an 2020. Sa in vin atraver bokou zefor ki'n ganny aplike par nou zofisyse pour fasilite plasman *job seekers* dan lanplwa, en aktivite ki nou fer toulezour an partenarya avek lorganizasyon travay ki pe rod dimoun pour travay, osi byen ki nou bann *job and recruitment fairs* ki nou'n fer lo Mahe, Praslin e La Digue diran lannen antye.

Nou bann program ki target zenn tel ki *My First Job*, e *Skill Development* pe kontinyen fer bokou sikse. Atraver lasistans saler – lasistans saler par Gouvernman, *training* ki ganny fer *on the job* e kour term

avek bann lenstitisyon skoler, nou pe kapab asiste zenn ki pare e anvi pran lanplwa formel pour retrouv enn.

Osi lakantite aplikasyon *redundancy* ki anplwayer in soumet kot Departman, in redwir signifkaman, e sa i montre bann siny pozitiv nou lekonomi ki lendistri ki endik stabilite lo marse lanplwa.

Lannen 2023 i enn ki'n byen sarze pour sa departman e nou ekspekte ki lannen 2024 pour osi parey. Mr Chairman, mon pou prezan koz briyevman lo Bidze.

Departman Lanplwa in ganny en Bidze R45.429 milyon pour lannen 2024, konpare avek R42.484 milyon pour lannen 2023. Sa i reprezant en diferans R2.945 milyon. Sa logmantasyon ki konpri R2.830 milyon anba *wages and salaries*, e R115 mil anba *goods and services*.

Pour sa logmantasyon 2.830 milyon ki nou'n resevwar anba, *wages and salaries* poudir ki dan son vre sans nou'n selman ganny en ogmantasyon R530 mil pour rezon ki sa balans R2.3 milyon ti deza dan nou Bidze pour 2023, me ki in ganny koupe pandan lannen pour rezon ki nou pa ti ankor *recruit staff* dan post.

Logmantasyon pour *wages and salaries*, i enkli logmantasyon dan *scheme of service* pour *staff HR*, administrasyon, e *IT*.

Larestan i lazisteman lo saler *staff*, tel ki logmantasyon dan *package* saler apre ki zot in konplet zot formasyon.

Kot i konsern logmantasyon anba *goods and services* apard sa R115milyon ki nou'n resevwar, nou annan serten program kot in annan logmantasyon me sa nou'n plito ankor – enkorpor li dan *ceiling* nou Bidze apre ki nou, nou'n revwar serten nou aktivite ki'n permet nou priyoritiz dan lezot laspe nou travay.

Pli gran logmantasyon i dan *transportation and travel cost* R1.3 milyon, ki enkli *local travel*, pour permet nou ranforsi lo nou aktivite *enforcement*, la ki nou pe al *digitalized* nou servis, pou permet ki i annan *ease of doing business* e osi *overseas travel* pour *training* nou *staff*.

Mr Chairman, mon remerci Lasanble pour zot latansyon, e propoz sa Bidze Departman Lanplwa pour lannen 2024, pour zot konsiderasyon. Mersi Mr Chairman.

MR SPEAKER

Mersi Minis. Bon, nou a pran en kestyon, oubyen en komanter, la pour komanse. Premye Onorab Vidot.

HON AUDREY VIDOT

Mersi Mr Chair. Bonzour Minis avek ou delegasyon, reprezantan Finans, tou Manm Onorab e zabitan Roche Caiman e tou manm piblik ki pe swiv nou.

Mr Chairman, mon premye kestyon pour Minis; Minis in fer resorti ki provizyon sa Bidze i pour annan pour get dan *welfare* bann travayer Lanplwa.

Eski Minis, i kapab klarifye avek nou, si i annan serten departman spesifik - mon konnen ou'n mansyonn pour lo kote *HR* - me eski i annan bann lezot departman ki zot *scheme* ki pe ganny kouver? *Which one?*

E dan laliny, nou pe koz lo *Scheme* ek benefis pour bann travayer, avek sa Bidze, eski i annan provizyon ki i kouver bann travayer ki'n deza arete kot Lanplwa, pour zot kapab *ensure* ki Minister Lanplwa, i deza annan ase zofisye ki permet zot kapab travay, pour fasilite demars pour ed bann dimoun ki pe rod lanplwa? Mersi.

MR SPEAKER

Mersi Onorab. Minis? Wi, Madanm Bresson ki'n lev lanmen? E mon remarke ki nou annan en lekipe totalman madanm ozordi, so felisitasyon pour sa departman ki pe siport madanm dan *management*.

PS VERONIQUE BRESSON

Mersi Mr Speaker. Premyèman, mersi pour sa - Mr Chairman, pour sa konpliman. Bonzour Mr Chairman, tou Manm Onorab. Onorab konsènan - mon mazine mon konpran byen ou kestyon, ou pe demann - parske i annan *increase* pour dan Bidze, pour lannen prosenn. Gouvernman pe *donn increase HR*, admin avek *IT*.

Me selman pour lezot *staff* loperasyon pour lezot *staff* teknik dan departman, napa provizyon ki'n ganny fer pour fer - pour annan ogmantasyon dan *scheme of service*.

Mon krwar zot pour rapel byen, ler Gouvernman ti anons sa 10poursan *increase*, ki ti ganny fer sa lannen, tou travayer in ganny sa *increase 10percent*, prezan an se moman nou an preparasyon pour nou *review* nou *scheme of service* ki ti la - ki la depi 2019, pour nou kapab revwar nou bann *package* ki nou ofer nou *staff*.

Sa mon mazine nou pour bezwen swiv gidans Gouvernman, akòz in fek donn sa ogmantasyon e mon pe vwar ki toudswit nou pour kapab al rod en tro gro kantite sonm larzan pour nou met dan nou *scheme of service*.

Me selman i annan serten konponan ladan ki nou santi i enportan, akòz pour nou kapab *attract* bokou plis dimoun pour vin travay avek Departman Lanplwa.

Parey Minis in dir, lannen pase nou ti annan en pe *savings* dan nou Bidze, akòz nou fer rekritman, nou *advertise post*, me selman *response* pa toultan - pa toultan pozitiv akòz i annan konpetisyon *out there*.

Si ou *package* pa *attractive*. Parey ou konnen Seselwa i annan opsyon, nou annan bokou - en kantite louveraz dan pei. Seselwa i annan opsyon.

So, in ariv ler pour nou revwar me, selman parey mon pe dir nou pour bezwen swiv gidans Gouvernman. Mersi.

MR SPEAKER

Mersi PS. *Sorry*, mon -

HON AUDREY VIDOT

I annan en morso ki pa ti'n reponn.

MR SPEAKER

Wi, wi, wi, wi, bann Onorab zot bezwen regarde ki nou pa prolonz zot. Madanm Bresson, ti annan son dezyenm pwen lo dimoun ki'n kit lanplwa, si i annan keksoz ki mannyer i kapab retenir dimoun pour pli long. Mon krwar sa ou kestyon. Ou kapab adres sa silvouple?

PS VERONIQUE BRESSON

Wi, parey mon'n fek eksplike i koz pour li menm si nou annan e *package* ki – akoz sekter prive i *attractive* konmela, dimoun i ale. E kot Departman Lanplwa nou bann travayer i ekspoze avek *private sector*. Akoz sa i nou louvraz ki nou fer.

Ki nou fer, nou travay avek *private sector*, so i fasil pour zot kapab ganny *poached*, pour al travay ek *private sector*.

E ler nou pour revwar nou *scheme of service*, ladan ki nou pour kapab revwar bann serten *incentives*, pour nou kapab fer sir ki nou kapab annan plis *retention* avek nou *staff*. Mersi.

MR SPEAKER

Mersi Ms Bresson Onorab Samynadin?

HON KELLY SAMYNADIN

Mersi Mr Speaker. Bonzour Minis avek ou delegasyon e tou dimoun a lekout. Minis, an vi ki

laplipar dimoun ki pe rod en lanplwa, zot kalifikasyon i ziska nivo segonder, sa i dan zot *current challenges*, swa zot in arete lo *Apprentice Scheme*, swa zot pa'n swiv okenn formasyon post segonder.

E vi ki dan zot priyorite stratezik, zot pe mazin pour ogmant kantite Seselwa ki dan lanplwa, eski Departman Lanplwa pe mazin entrodwir en *sort of* en fer en *Learn On The Job Scheme* atraver Bidze 2024, oubyen dan lefitir pour kapab *cater* pour sa group dimoun, avek bi pour zot kapab *acquire* bann *skills* nesaser pour zot fer sa louvraz ki dan zot lentere? Mersi.

MR SPEAKER

Mersi. Minis?

MINISTER**PATRICIA****FRANCOURT**

Mersi Mr Speaker. Mersi Onorab pour ou kestyon. Onorab, wi, nou annan *The Skills Development Program*, ki i en sikse. Nou annan en kantite formasyon ki nou donnen lo diferan topik, ki nou krwar i relevan pour bann zenn.

E mazin en poudir i annan sa bann zenn kekfwa i 15-17 an *and then of course reskilling is the one above that*, e nou vwar i annan lentere. Me solman i

toultan reste - nou, nou met sa bann provizyon an plas, *but retaining the young people in the job that's another matter.*

Me solman, *definitely* lannen antye, nou annan *ongoing programs.* Mersi.

MR SPEAKER

Mersi, Minis. Onorab Gill?

HON CHURCHILL GILL

Mersi Mr Chair. Bonzour Minis, ek ou delegasyon. Mon annan zis en kestyon. mon kestyon se eski dan sa Bidze i annan provizyon pour bann zenn lo Praslin ki dezabilite, me selman zot anvi travay pour zot kapab ganny fer *reskilling?* Mersi.

MR SPEAKER

Mersi. Wi, Minis?

MINISTER PATRICIA FRANCOURT

Mersi Mr Chair. Mersi Onorab. Onorab, parey ou konnen, nou vremen proaktiv lo Praslin letan nou fer bann sesyon *Skills Development Programs* parey nou'n dir, oubyen bann *awareness sessions*, oubyen zis bann *soft skill training*, nou vremen proaktiv lo Praslin.

E nou pe kontinyelman kontinyen fer sa bann *training*, pour fer sir ki nou kapab donn sa bann zenn lo dezabilite.

Akoz nou annan apepre 5 kategori lo *inclusion* ki nou targete; dezabilite is *one*, nou osi regard bann *drug substance* bann dimoun ki lo *drug substance*, *but* Mahe, Praslin nou'n met *as many programs in place.* Sa swivi i enportan.

Apre ou konnen, i en group ki vremen *sometimes* frazil, alor nou bezwen kontinyen sa *monitoring*, pour fer sir poudir zot pe byen ganny ankadre. I pa fasil, me selman *giving opportunities we are doing that very well.* Mersi.

MR SPEAKER

Mersi. Onorab Uranie?

HON ROCKY URANIE

Mersi Mr Speaker. Bonzour Minis ek ou delegasyon, bonzour tou koleg Onorab, bonzour tou zabitan Zil Pros, ki a lekout.

Mwan mon kestyon, mon vwar i annan en gran logmantasyon dan *travel cost*, e osi mon vwar en *decrease* dan *training* selman.

Mwan mon ti a kontan konnen, konmsi ki longer *training* zot pe mazine sa bann travayer i ekspekte al gannyen? E si tou sa *training* pou ganny fer aletranze ou mazorite pour etranze oubyen lokal?

Aprè Minis mon ti a kontan...

MR SPEAKER

Onorab-Onorab, ou'n demann en kestyon. Rezerv ou dezyenm kestyon e fotespere nou ava ariv lo la apre. Mersi. Minis ou a reponn sa kestyon lo *training*. Ms Bresson ki pour pran.

PS VERONIQUE BRESSON

Mersi Mr Chair. Mersi Onorab. Pour konsernan *travel cost*, wi. Nou'n ganny en ogmantasyon *quite significant*, pour *travel cost*. Selman sa i *transportation and travel cost*, en?

I pa zis *transportation and travel overseas*, i lokal. Mazorite sa *amount* i pour nou bann *travel cost* lokal. Parey nou'n deza vin koz lo la dan Lasanble, nou pe ranforsi lo nou *enforcement process*.

Akoz Departman Lanplwa i sipoze *digitalized*. Ti sipoze sa lannen, me selman la mon pe vwar ki kekfwa lannen prosenn ki sa pour kapab arive e nou *focus* prezan i pour vin lo *enforcement*.

Akoz ler ou *digitalize* ou sistenm, ou bezwen - keksoz i al bokou pli vit, ou pa pou kapab fer bokou bann *scrutiny* ki ou abitye fer, ler nou ti nou avek nou sistenm konmela, so nou

pour bezwen *focus* en kantite lo *enforcement*.

I annan *increase* bokou ki nou'n fer. Nou pour *focus* enn pti pe plis lo Mahe, akoz la nou pe konsantre plis li Mahe, me selman nou bezwen al enn pti pe plis lo *Inner Islands* ek *Outer Islands*.

E sa i koute. Ler nou fer lenspeksyon i pa al zis en *staff*, si ou pour al *Inner Island*, *Outer Island* ou bezwen pey *airfares*, ou bezwen pey akomodasyon. Espesyalman bann *Outer Islands* konmela, bann anlwayer i enn pti pe retisan pour zot *provide* nou ek transpor.

So parey ou konnen poudir en *flight* pour al lo *Outer Islands i quiet* - i annan son kou ki vin avek. So sanmenm sa ki nou annan, nou annan bokou plis larzan ki nou'n entrodwir dan *travel cost*. Akoz nou bezwen *focus* lo *enforcement*.

MR SPEAKER

Wi, eskiz mwan, i ti'n poz kestyon lo *training* ansanm, ou'n al en kantite lo *travel cost*, me adres en *training* briyevman silvouple.

PS VERONIQUE BRESSON

Ok. Kot i konsern sa *training fees* ki ou vwar in redwir, sa i konsern nou *Skills Development*

Program avek *Reskilling*. Gouvernman ti donn 6 apepre R6 milyon lannen pase, avek bann lannen avan, pour nou kapab pey *allowance*, apre pour nou organiz bann *short courses* pour bann dimoun ki al lo *reskilling*.

Me selman nou'n vwar poudir avek – avek lefe *COVID* ki pe kontinyelman diminyen, lekonomi pe avanse, nou pe vwar nou pa bezwen sa kantite larzan R6 milyon ki prezan ki nou'n al atraver Gouvernman pou dir zot poudir –

Pour realize Onorab, nou pa'n ganny *increase* dan nou Bidze nou, tou nou keksoz nou'n reorganiz li dan nou *ceiling* ki Gouvernman in donn nou.

So nou'n al atraver Gouvernman, nou'n dir li poudir, nou ti a kontan servi sa pti gin larzan balans pour met lo sa *travel and training cost* parey nou pe dir, pour nou kapab *focus* nou *focus* lo bann lezot *areas* nou travay kot nou vwar i annan mank.

I pa vedir k nou bann zenn pa pour ganny *training*, zot pa pou ganny zot *allowance*. Prezan aköz sa Bidze ti enn pti pe gro, se aköz pandan letan *COVID* bann anplwayer ti enn pti pe, zot ti napa sa resours pour zot pey zot porsyon. Pour

fer rapel Gouvernman i pey 70poursan, anplwayer i pey zis 40poursan.

Me selman a en serten pwen Gouvernman ti pe bezwen dan serten sans pey antye 100poursan sa *allowance*.

So prezan la bann anplwayer in komans rebran, so zot pe pey zot posyon. So prezan nou'n kapab fer sa lazisteman dan sa balans, pour nou kapab met - *focus* li lo lezot landrwa, *area* ki nou bezwen.

MR SPEAKER

Mersi Ms Bresson. Mon a *remind panel* pour gard repons direkteman lo kestyon ki'n ganny demande silvouple. Mon pran kestyon Onorab Gabriel.

HON ROCKY URANIE

Ah, Mr Speaker!

MR SPEAKER

Onorab Gabriel.

HON CONRAD GABRIEL

Mersi Mr Speaker. Bonzour tou dimoun a lekout. Bonzour tou Manm Lasanble, bonzour, *panel*. Mr Speaker, solman ou bezwen remarke sa i en antite ase enportan, mon krwar si Manm i annan klarifikasyon ...

MR SPEAKER

Kestyon silvouple Onorab. Ale, ale!

HON CONRAD GABRIEL

Yes. Mersi mon kestyon pour Minis, depi ler nou'n zwenn sa Lasanble, mon krwar nou'n tonm lo en *module LMIS* sistenm, (*Labour Market Information System*). Zis petet ou kapab dir nou, ki kontrent zot pe rankontre avek sa, e ki annan dan sa Bidze egzaktaman pour kapab *finally* met sa an mars?

Apre nou annan lezot kestyon. Mersi.

MR SPEAKER

Mersi Onorab. *Panel* i ava adres sa silvouple. Annou gard repons, direktaman lo kestyon ki'n ganny demande.

PS VERONIQUE BRESSON

Ok. Mersi Mr Chair. Wi Onorab, i pe al byen *LMIS*. *LMIS* nou pe fer li an kolaborasyon avek *ILO*, tandis ki nou sistenm lanplwa li menm, ki *Employment Department Information System*, li nou pe fer li lokalman e nou pe *outsource* sa servis. *At the moment*, i kot *Procurement*. Mersi.

MR SPEAKER

Mersi. Onorab Aglae?

HON EGBERT AGLAE

Mersi Mr Speaker. Bonzour Minis ek ou *panel* e tou dimoun ki a lekout. Minis anba '*Employment Services*' ou annan ou R14 milyon pour lannen prosen, e letan mon pe get dan ou bann *challenges* ki ou'n mete, se ki i annan plis madanm ki pe vin devan, pour vin anrezistre pour en lanplwa, *ok?*

So eski dan sa larzan, sa sonm, zot annan program osi pour target nou bann garson? Akoz nou vwar poudir nou bann garson pe ganny kit deryer e dabor zot annan en lekip fanm ki pe travay - mon pa konnen si sa petet i transmet.

Eski zot annan larzan pour kapab fer sa bann *outreach program*, pour kapab target nou bann zenn garson ki pa pe dan lanplwa? E dan mon distrik i deza annan bokou zot sa bann garson.

MR SPEAKER

Mersi Onorab. *Panel?* Minis?

MINISTER PATRICIA FRANCOURT

Mersi Mr Speaker. Mersi Onorab. Onorab, letan nou pe fer konsiderasyon lo ki bann program, ki nou pour *run, it's right across the board*. *Of course*, nou'n get nou *targeted*

audience, ek nou targeted aplikan ki nou annan, baze lo statistics, pour regarde which are the courses ki pli atiran.

E nou annan sa statistik *internally* pour nou regarde, me solman osi nou bezwen relevan. Nou bezwen relevan avek bann *courses* ki pour atir bann *particular groups*.

I right across the board. Si i madanm, of course i annan en demann e they are coming forward and this is how we would know ki kalite group ki nou pe formen, e ki kalite course nou pe ofer.

Par egzanp nou pour ganny, bann kote fiy poudir ou mon le al dan *hairdressing*, mon le aprann koud, mon le fer *IT, whatever*. Be bann garson osi i annan parey ki vin devan, *but it's how many come forward* letan nou pe ofer sa bann *course* ki enportan.

Ou konnen Departman Lanplwa, nou kapab met tou sa bann loportinite lo devan, me solman *there is a great job to be done*, pour dimoun pran bann loportinite.

We try - you know that, because sak fwa nou zwenn nou koze, ki bann program ki nou pe fer pour entise bann zenn. Nou'n mete loportinite devan. I annan i komanse, i annan pa fini.

Me solman nou toultan balanse pour regarde ki bann *course* ki relevan, e ki bann *course* ki nou krwar bann zenn i kapab antre ladan. Sirtou sa kategori 15 an a 17 an. *Above that, nou still ofer pour reskilling program, nou still ofer.*

I annan en kantite, kantite *courses* e nou fer *advert* lo televizyon letan nou pe al fer *courses*. Nou met *advert* lo nou *Facebook page*, nou met *advert* partou.

Mon konnen poudir i annan de fwa, nou *share* lenformasyon avek zot osi. So nou *targeted group is very scrutinized*, depandan lo *needs that is required*. Mersi.

MR SPEAKER

Mersi. Onorab Loze.

HON JOHAN LOZE

Mersi Mr Speaker. Bonzour Minis, e delegasyon e tou dimoun a lekout. Minis *for the past* - depi ler kekyon in komanse, mon pe konsantre lo gouvèrnans *within the Ministries*. Ou Minister mon le al lo en keksoz spesifik, Minister Lanplwa, i *rely* bokou lo data e statistik.

Sa ki mon anvi konnen mwan, si i annan provizyon bidzeter ki'n ganny mete spesifikman pour validasyon

data, statistik ki Minister Lanplwa i *throw around*?

Akoz dimoun i bezwen annan lasirans ki ler Minister Lanplwa i vini i donn en statistik, i sanmenm.

So ki zot bann *internal governance structures* ki zot annan, e ki provizyon bidzeter zot in fer spesifikman pour sa size? Mersi Mr Speaker.

MR SPEAKER

Mersi Onorab. *Panel*. Silvouple sinyal mwan. Ms Bresson.

PS VERONIQUE BRESSON

Mersi Onorab pour kestyon. Wi, nou lenformasyon, *information system* i tre, tre enportan, pour Departman Lanplwa aköz sa ki *advise* nou, ki enform nou, ki pe pase lo *labour market*.

E parey mon'n dir pli boner, nou annan sa sistenm *Employment Department Information System*, ki nou pe met an plas. Pour sa lannen 2023, nou ti ganny nou R600 mil pour nou *outsource* sa servis, aköz pour *LMIS* ki avek *DICT*, so *DICT* in dir nou zot pa pour kapab pran tro bokou, aköz zot osi zot annan en kantite.

So nou pe *outsource* sa servis. Pour lemoman la, nou ti krwar i pour fini sa lannen, me selman bann prose in al enn pti

pe long. Pour lemoman la i avek *Procurement*.

E nou ekspekte sa, nou annan en sa balans Bidze, nou'n regannyen pour lannen prosenn, pour nou kapab enplimant li.

E pour fer ou konnen Onorab, nou sistenm pour lemoman la, i ase kredib. I kredib nou lenformasyon *out there*, i pa vedir ki nou lenformasyon pa bon.

Me selman pa dan tou ka ki nou annan tou lenformasyon ki nou bezwen, aköz nou pa - parey ou konnen *labour market* i *cross-cutting* i pa *rely* lo zis nou pour anmas lenformasyon. Nou annan bann lezot *stakeholders* ki bezwen *supply* nou avek lenformasyon.

Be nou vwar i annan serten lenstans petet bann *stakeholders* zot pa ankor ariv sa nivo ki nou, nou ete avek nou sistenm lenformasyon, so sa i kree enn pti pe *challenge*.

Me selman pour asir ou, nou annan larzan dan Bidze, pour nou *improve* e pour nou ogmant sirtou sistenm kot - ki bann - nou bann *clients* i kapab servi. Zot pa bezwen vin kot nou keksoz i kapab ganny fer *online*.

MR SPEAKER

Mersi. Minis, i le azoute?

MINISTER PATRICIA FRANCOURT

Mersi Mr Speaker. Mr Speaker, zis pour azout lo sa ki *PS* in dir, sirtou lo sa mo *credibility*, nou pour toultan vin devan pour nou *quote* bann *statistics* ki *credible*. Nou pa pour kapab vin devan kot bann *statistics* ki pa *credible*. I pa profesyonnel pour nou fer sa.

Nou bann *statistic* i *open* lo nou *website*, zot toultan *welcome* pour zot regarde, e nou bann *statistics* ki ganny mete lo nou *website*, i ganny *scrutinized very well*.

Nou annan en tim dan Polisi ki fer sa vreman byen e nou asize, nou pran letan pour nou kapab regard nou bann *statistics* e analize.

Alor letan nou vini nou dir *unemployment rate* in desann, in sorti 4.2 in ariv 3.9 zot bezwen krwar nou. *This is the actual fact*.

Alor nou bezwen realize poudir *if we are doing very well, it's because we are using our statistics to inform ourselves*, pour nou kapab regarde *how we move on*. So, *it is credible I must say. Thank you*.

MR SPEAKER

Mersi. Onorab Monthy?

HON PHILIP MONTHY

Mr Speaker, mersi. Bonzour Minis ek ou delegasyon. Mon kestyon i parsyelman ganny reponn ler *PS* in reponn kestyon Onorab Loze, lo sa *LMIS*. Me selman mon ti a zis demann *PS* oubyen Minis, pour dir nou ki mannyer sa pour ede lo kote *monitoring* pour elimin bann labi ki annan dan bann landrwa travay?

Parey annandler ou annan serten travayer ki plis ki 6mwan i pe travay dan en landrwa travay. Me selman i pa ankore ganny anploye. I annan menm plis ki 1 an, ki mon krwar dapre Lalwa, ou sipoze apre 6 mwan ganny mete lo en kontra permanan. So eksplik nou ki mannyer sa pour ede. Mersi.

MR SPEAKER

Mersi. *PS*, wi?

PS VERONIQUE BRESSON

Mersi Onorab. Parey mon'n eksplike oparavan, nou'n ganny Bidze adisyonnal, pour *enforcement*. Sa ki ou pe koz lo la i konsernan *enforcement*, kot nou pour kapab fer bokou plis vizit pour nou kapab detekte sa bann keksoz koumsa.

Apre nou'n ganny enn pti pe larzan osi pour nou fer en bon pe ledikasyon travayer avek anplwayer an menm tan, kot nou kapab pa *rely* selman lo

vizit, me nou ganny lenformasyon ki vin kot nou.

Akoz ler en anplwayer ek en travayer, zot byen enformen zot annan zot lenformasyon, zot kapab zot menm raport kot nou, pour nou kapab adres bann keksoz pli vit posib. Mersi.

MR SPEAKER

Mersi. *PS.* Onorab Pillay?

HON SEBASTIEN PILLAY

Mersi Mr Chairman. Bonzour Minis ek ou delegasyon e bonzour tou dimoun ki a lekout. Mr Chairman, mwan mon enn pti pe konsernen ek sa Bidze ki devan nou, aköz mon pa vwar sa Bidze pe kapab akonplir nanryen diferan avek sa ki pe pase ozordi.

Mon pe vwar par egzanz Bidze ki nou'n gannyen i zis 3 milyon an plis ki Bidze dan lepase, apre tou sa konplent ki annan, zot bann konsern. La nou konnen, nou'n tande poudir i annan en *high staff turnover* kot Departman Lanplwa.

Nou osi konnen poudir zot pa pe kapab adres bann konplent, bann *labor relation complaint* ki pe vini. E sa i kontinyen vini sirtou dan bann letablisman touristik, dan bann landrwa prive e travayer pe kontinyelman konplent.

Napa okenn larzan, pour fer okenn revizyon *scheme of service* pour bann travayer dan Departman Lanplwa.

So alor egzaktaman sey dir nou, ki mannyer zot pour akonplir sa bann keksoz sipoze akonplir ek sa Bidze e protez drwa travayer? Lefe ki nou'n menm vwar la *STC* fors travayer pour pey en *fine* ki li *STC* in gannyen atraver *FTC*.

Konmsi i paret poudir travayer i ganny lese lenzirditan e Departman Lanplwa i pe kontinyen *as business as usual*, *as if* tou keksoz i *ok!* Travayer ki la deor ki pe ekout mwan, i konn sa tre byen.

So, mon ti a kontan konnen kwa egzaktaman ki zot pe fer, pour zot *deal* avek sa bann sityasyon e eski zot pour revwar *scheme of service* pour bann travayer dan Departman Lanplwa? Mersi Mr Speaker.

MR SPEAKER

Mersi Onorab, i fer plizyer kritik, lo Minister. Me mon envit *panel*, pour adres son kestyon lo Bidze silvouple. *PS,* wi.

PS VERONIQUE BRESSON

Mersi Onorab, pour ou kestyon. Onorab, ou'n mansyonnen – mon pou pran en bout apre *Minister* pour pran larestan; ou'n mansyonnen ki poudir nou

departman nou pa pe kapab *address bann complaints*.

Mon krwar sa *statement* i pa - i pa rezonnab aköz nou annan nou bann *staff*, ki travay vreman dir, nou annan nou bann *staff* ki vreman profesyonnel...

(APPLAUSE)

PS VERONIQUE BRESSON

... konmsi mon santi mwan enn pti pe *saddened* pour mwan tann en keksoz koumsa. I pa - nou *staff* i anba en kantite presyon Onorab, sirtou nou bann *inspectors*.

Ou pa pour krwar sa kantite *issues* ki annan *out there*, ki zot bezwen *deal* avek *on a daily basis*, en?

So petet nou kapab *avoid* bann sa pour dekouraz nou bann *staff*, *avoid* bann *statement* koumsa. Nou rekonnet i annan-i annan - nou pa parfe. Nou rekonnet i annan *challenges* ki nou, anmezir nou ale nou a kapab adrese.

Parey mon'n dir pli boner, *scheme of service* i pa depan lo Departman Lanplwa. Si nou ti kapab fer en *scheme of service* pour nou kapab – pour nou kapab rekonnet, *reward* nou bann *staff* tre, tre byen, *willingly* nou ti pour fer.

Parey mon'n dir pli boner, nou bezwen pran gidans avek Gouvernman, an rekonesan poudir i annan, i annan lefe bidzeter. Mersi Mr Speaker.

MR SPEAKER

Mersi. Minis i ava azoute. Wi Minis?

MINISTER PATRICIA FRANCOURT

Mersi Mr Speaker. I paret ki Onorab pa kontan *good news* Mr Speaker. Letan nou vini nou dir bann keksoz ki realite e ki vre, ou toultan, *try to distort it* atraver ou Mr Speaker.

An realite la deor, *it's staring at us in the face*. Nou vini, nou dir konbyen dimoun ki anrezistre pour rod lanplwa. I annan, nou annan pres 2000 keksoz dimoun ki anrezistre. Anrezistre savedir nou fer *very good job*, pour fer dimoun vin devan, pour anrezistre. Tou le semenn nou pe fer *referrals; the numbers, look on the statistics*, get nou *website* Onorab, regard realite!

Ou konnen poudir dan 2000 keksoz dimoun ki vini, ki anrezistre, ki dir pe vin rod lanplwa, tou le mwan nou fer en *survey* pour nou regarde konbyen dimoun ki *actively looking for job*. You know how many there are? Five hundred.

Ou konnen konbyen louvraz nou annan dan pei pour ofer? 4 mil. *Do the math, do the math*, ou vwar?

So nou, Departman Lanplwa nou pa donn louvraz nou, nou *facilitate*, pour nou kapab fer sir sa dimoun - tou nou lenformasyon i lo *website*. *Don't distort information*. Pa *distort, you know*.

(APPLAUSE)

MR SPEAKER

Mersi.

MINISTER PATRICIA FRANCOURT

Si mon kapab azoute Mr Speaker, nou annan nou 14 mil biznes *if not more*, e nou tim sa tim ki *PS* in koz lo la, i *do a very good job*, pour zot kapab al lo teren, al vwar, al regarde ki mannyer travayer i ete.

Sa group dimoun ki nou annan *they do a very good job* e nou, nou believe dan *RBM – Result-based Management*, tou dimoun i vini i travay ansanm, pour regarde sa bout, sa bout, sa bout e nou'n fer en legzersis.

Sanmenm ou vwar nou Bidze nou pa'n vin demann en kantite, Nou'n regarde ki mannyer nou'. kapab servi resours ki nou annan.

And most of all, petet mon kapab dir *high turnover* i partou. Parey *PS* in dir tou bann *private sector* pe *compete* avek nou. Letan travayer i bezwen rod louvraz, i a l rod sa *package* ki pli bon pour li. I normal sa, ou pa kapab dir zis kot nou; tou Minister i parey!

Dimoun i bouze *because of a better salary*; dimoun i bouze *because better needs or whatever* lentere zot annan. *That's what they do*. So *don't try and distort* lenformasyon.

Apre i pa en *scheme* ki nou pe get zis Gouvernman, zis pou get pour Departman Lanplwa, *it has to look at it* dan Gouvernman, *in its entirety*. *You know that* Onorab. Mersi.

MR SPEAKER

Mersi Onorab. Onorab Henrie.

HON GERVAIS HENRIE

Mersi Mr Speaker. E Mr Speaker, nou ava profite pour felisit Minister Lanplwa pour zefor ki tou son bann travayer i kontinyen fer...

(APPLAUSE)

HON GERVAIS HENRIE

...e nou prezant nou leskiz pour sa bann kalite komanter e konportman. Nou prezant nou

leskiz lo lapar nou *Caucus* pour sa.

Mr Speaker, kekyon ki mon le demann Minis, dan zot dokiman Bidze, zot in *quote* e sif R8,204, sif dimoun dan Sekter Enformel. Mon ti pe sey vitman kalkil *percentage*, baze lo lakantite travayer ki i reprezante dan Sekter Lanplwa. I vin aparaman, son poursantaz i tonm 15poursan mon krwar, *of total*.

So si sa i en konsern, akoz i enpakte lo kontribisyon dan Fon Pansyon, i enpakte negativman dan koleksyon *tax* pour dan sekter pour Sekter Enformel.

Mon ti ava swete vwar enn zot target pour adres sa size. Me mon pa'n vwar. Si i la mon pa'n vwar, mwan eskize me mon anvi zot dir mwan ki zot stratezi pour adres sa size? Akoz a lonterm i enpakte negativman lo lagrandisman *GDP*. Mersi.

MR SPEAKER

Mersi. *Panel? PS.*

PS VERONIQUE BRESSON

Mersi Onorab. Pour - mon adres en bout apre Minister a dir. Mon ava *short*. Wi, Onorab, sa i en *issue* ki konsern nou en pe, nou - son nivo i enn pti pe tro o.

Me selman parey nou konnen, *informality* Sesel i diferan avek lezot pei. Lezot pei bann travayer i al dan *informal employment because of lack of opportunities* dan *formal employment*.

Pour nou Sesel i diferan. Pour nou Sesel, nou bann travayer i prefer sa fason fer, akoz i *very lucrative*. Larzan i bokou plis. Me selman nou'n vwar poudir i pe afekte nou *labour market*, ki i annan dimoun ki vreman, vreman *skilled*, kalifye ki pe fer sa kalite travay ki nou bezwen zot dan *formal employment*.

So, sa nou ti rekonnet en pe lannen pase e pour sa lannen nou'n komans en letid an kolaborasyon avek *ILO*. Ou pa'n vwar nanryen dan Bidze diferan, akoz i deza dan nou Bidze, pour *the few years*, nou'n komans en letid avek *ILO* ki la, sa mwan menm la, sa konsiltan pe vini sorti *overseas*, pour li fer *validation*.

I ti vin fer son bann konsiltasyon boner sa lannen, la i pe retournen pour li *meet* ankor ek sa bann *stakeholders*, pour li fer *validation* sa letid.

Once nou'n ganny rezilta sa letid, nou ava konnen ki stratezi Gouvernman i bezwen met an plas, pour nou adres sa. Akoz sa i pour diferan. Par

egzanp nou pour bezwen regarde bann sistenm ki an plas, *whether* nou kapab fer li pli fasil.

Akoz petet i annan dimoun i dan *informal* akoz li i pa kontan sa bann birokrasi, i pa kontan sa bann sistenm, al anrezistre isi, al anrezistre laba. So nou pour bezwen revwar tousala, pour regarde ki manner nou pour adrese. Mersi.

MR SPEAKER

Yes, mersi. Minis, i le azout en keksoz?

MINISTER PATRICIA FRANCCOURT

Mersi Mr Chair. *Very briefly* Onorab, pour sa 3 an osi ki nou pe travay i ankourazan poudir, poudir *National Bureau of Statistic* letan zot in fer zot dernyen *survey*, in montre en *increment of 4percent of* dimoun sorti dan *informal sector*.

La mon repete statistik ki kredib, sorti dan *informal sector* in vin dan *formal sector*.

E sa i bokou *awareness* e kanpanyi ki nou'n fer, pour dir ek dimoun,

“Yes, you have to be able to work, pour ou pey en pansyon.”

“You have to be able to work, pour ou ganny sickness benefits.”

“You have to be able to work, si oule fer ou karyer devlopman.”

So, i ankourazan; *4percent is encouraging, but we are going to continue the work.* Mersi.

MR SPEAKER

Mersi. Onorab Cosgrow?

HON WALLACE COSGROW

Mersi Mr Speaker. Bonzour Minis, bonzour *PS* avek *panel*. Mr Speaker, ler *Leader* Lopozisyon i koz lo *scheme of service*, *Leader* Lopozisyon i koz lo Bidze ki sa Bidze pe anmennen, pour ki i a kapab annan keksoz pour travayer e osi pour *foster* bon relasyon endistriyel dan landrwa travay; enkli dan Departman Lanplwa i koz lo *staff turnover*.

E la nou ti a kontan konnen konbyen *staff turnover* in ete pour 2023, zisteman se ki nou anvi konnen ki Departman Lanplwa pe fer avek sa Bidze, pour ki zisteman nou *reward* sa bann dimoun ki *PS* avek Minis i dir nou zot travay dir.

Nou rekonnet zot travay dir sa bann *staff*, be solman nou pe rode kwa dan sa Bidze ki rekonpans zot?

Par egzanp *labour relations, labour protection – (sorry)* mon pe gete i annan en *increment* apepre R2 milyon. So si zot kapab dir nou kote sa 2 milyon i pe ale, eski i pe al atraver peyman *staff*, peyman *schemes*, peyman *better employment conditions* pour ki sa bann dimoun pa ale, pa a kot ou bann *competitors* Minis!

Vre, i annan *competitors* partou, be nou, nou anvi ki zot reste la kot ou e fer sa travay.

Mon dezyenm kestyon Mr Speaker.

MR SPEAKER

Non, non, non.

HON WALLACE COSGROW

Mon annan de kestyon...

MR SPEAKER

En kestyon. En kestyon. Tou Manm, tou Manm in demann en kestyon e mon fer-mon fer Onorab Cosgrow –

(Interruptions)

MR SPEAKER

... *Order please!* Mon fer Onorab Cosgrow remarke ki kestyon lo *scheme of service*, ti ganny demande par Onorab Vidot premye e in annan en repons ki'n donner lo la. Me selman mon pour envit *panel* pour

regarde ki zot kapab azoute. Minis?

MINISTER PATRICIA FRANCAULT

Mersi Mr Speaker. Dan tou sa keksoz ki Departman Lanplwa i fer byen tou, i annan en kantite, zot pour kontinyelman demann menm kestyon lo *staff turnover*.

Onorab *staff turnover* i normal sa. I pa vedir i annan en problem, wi *have a big private sector...*

(Off-Mic)

MR SPEAKER

Onorab Pillay! Silvouple.

MINISTER PATRICIA FRANCAULT

... *we have a big private sector* ki atiran *for career development*. Mon a dir ou ki mon fer sak fwa mon *staff* pe kite; sak fwa mon *staff* pe kite, mon fer li en *must as much as I can* pour mwan vwar li, pour fer enn pti *interview* avek li, pour regarde aköz i pe ale.

I pa dir mwan aköz zis saler oubyen i pa kontan. I annan plizyer rezon i annan *greener grass* ki zot pe al ladan. Bokou zot, zot dir ou Minis i pa mon domenn ki mon ti *study*, alor mon pe al dan en lot domenn, *and most of the time*

nou *have a very good positive conversation.*

I pa zis kot Departman Lanplwa. Nou travayer ou le sif? I 116 travayer ki nou annan, nou annan 20 ki'n *exit within a year but* leres Minister i parey. *It's not abnormal*, fodre nou konpran sa.

So, there's strategies ki nou fer, se pour donn loportinite. *PS* in koz lo *training*, kot Departman Lanplwa, nou donn *overseas training* me pe *go right to the very end*, pour regarde tou *staff* i ganny sans *overseas training*.

Nou demande, i annan *staff* menm i dir ou poudir mwan mon pa oule ale *and so on, we are doing the outmost that we can*. Be *staff* i move. *People move with their feet wherever they want to go, we have no control over that*. Mersi.

(Off-Mic)

MR SPEAKER

Mersi.

(Off-Mic)

MR SPEAKER

Mersi, mon pou pran sa de Manm ki reste koman entervenans. Onorab Terence Mondon.

HON TERENCE MONDON

Mersi. Mersi Mr Speaker. Minis Oditer Zeneral ti fer resorti serten defayans dan lafason ki bann data pe ganny zere, ti pe *process* lenformasyon an relasyon avek travayer etranze e sa size ti ganny diskite avek – dan nou *Hearing FPAC*, pli boner sa lannen.

Mon anvi konnen dan sa Bidze, ki provizyon zot in fer, pour zot kapab adres sa problem an kolaborasyon avek *DICT*, e Minister Finans? E ki *timeline* zot mete pour zot kapab met an plas sa sistenm? Mersi.

MR SPEAKER

Mersi, Onorab. *Panel*, mon a ganny en *signal*? *PS*.

PS VERONIQUE BRESSON

Mersi Onorab. Onorab, si mon pa tronpe, ou pe dir konsernan travayer etranze? Sa bann kantite ki antre, kantite ki sorti, *is that what you mean?* Sa ki ou pe *mean?*

HON TERENCE MONDON

Mr Speaker, i sa bann defayans ki Oditer Zeneral ti fer resorti dan zot Rapor Lannen 2021, ki i annan pour fer ek bann travayer etranze ler zot fer aplikasyon *GOP, the whole*

process of managing sa bann lenformasyon...

PS VERONIQUE BRESSON

Bann peyman, petet? Kekfwa peyman.

HON TERENCE MONDON

...e sistenm pa ti annord pour zot kapab *capture* tou lenformasyon, pour zot kapab fer sir zot kolekte tou sa reveni ki zot sipoze kolekte. Mersi.

MR SPEAKER

Mersi.

PS VERONIQUE BRESSON

Ok. Onorab, mersi pour eksplik sa klarifikasyon.

Si mon rapel byen ler nou ti vin devan FPAC, nou ti dir nou'n fer en sistenm - sa i konsernan peyman, en? Akoz i annan serten peyman ki al dan sistenm Gouvernman, akoz dan 2021 - 2020/2021 ti annan bann peyman ki ti pe ganny fer *online*, akoz bann lofis ti fermen - avek bann kontak ki ti limite.

So ler i antre dan sistenm Gouvernman, i en pe difisil - ti en pe difisil pour detekte pour ki sa peyman ki pe antre. Mon mazine la Minister Finans pe adres sa. Me selman ler nou ti vini, mon rapel nou ti dir nou'n etabli en sistenm tanporer,

pour nou kapab anmas sa rezourd sa problem.

Me selman dan lefitir, parey mon pe dir, nou annan nou *Employment Department Information System*, ki nou pe met an plas, sa i pour enkli ladan.

Aprè nou annan sa, nou sistenm *digitalization* ki sa pour Gouvernman an zeneral, tousala pour ede, pour anmenn sa diferans, wi. I dan Bidze, wi. Mersi.

MR SPEAKER

Mersi PS. Onorab Naidu?

HON SATHYA NAIDU

Mersi Mr Chair. Bonzour Minis ek ou delegasyon, e tou koleg Onorab. Minis, pour plizyer lannen, in annan sa konversasyon vizavi Lalwa Lanplwa. Nou'n ganny dir poudir pour annan en revizyon konpreansiv.

Ozordi nou dan lannen 2023, kekyon si an 2024, nou pour finalman vwar sa Lalwa devan Lasanble, pour nou donn konsiderasyon nesese? Akoz mon ava donn zis en legzanp seksyon 66, par legzanp *retirement age* i pa reflekte sityasyon aktyel la ozordi deor. Mersi.

MR SPEAKER

Mersi. Minis?

MINISTER PATRICIA FRANCCOURT

Mersi Mr Speaker. Onorab, mon kontan ou'n demann sa kestyon, akoz en kantite louvraz in ganny fer, lo *Employment Act review, quite comprehensive on a weekly basis*. E mon kontan dir poudir lo kote Departman Lanplwa, nou'n fini - nou'n konplet sa louvraz, *so the next stage that we have to go through is consultation*.

Nou'n ganny enn pti pe retar akoz pour diferan rezon, me selman *the next stage i consultation* avek tou nou bann *partners*. Nou pe fer li lo Mahe, lo Praslin, lo La Digue, *so definitely 2024 the new Employment Act is coming*. Thank you.

DEPARTMENT OF SOCIAL AFFAIRS

MR SPEAKER

Mersi Minis. Avek sa, nou avans lo Bidze Departman *Social Affairs*. Minis, mon demann ou pour fer en lentroduksyon lo sa Bidze ki lo paz 494 ziskan 501 pour en total, R54 milyon 875 mil. Me Madanm Deputy Clerk in

remind mwan nou bezwen fer en *changeover* zofisye.

E mon remersye bann zofisye Departman Lanplwa, pour zot partisipasyon e mon swet zot bonn kontinyasyon.

HON ROCKY URANIE

(Off-Mic)

MR SPEAKER

Yes, mon a ekout ou *point of order* letan nou pe atann zofisye.

HON ROCKY URANIE

Mr Speaker, ou ti dir pour annan *second round of question*, akoz nou pa ankor fini demann bann kestyon ki neserer, ni klarifikasyon pa'n donn mwan. La mon vwar PS pe ale. Akoz PS in vini in dir mwan, poudir *local travel* i bokou plis, kan ler mon pe konte la, *overseas travel* ki R929 mil; *local travel* i zis R100 ekek mil!

(Interruption)

MR SPEAKER

Bon. Onorab, lord silvouple! Sa *schedule* - sa *schedule* lo komite ti ganny pase dan *Assembly Business Committee* e nou ti aksepte li koman *schedule* ki nou pour travay lo la.

I pa zis mwan ki'n desid lo sa *schedule*, bann *Leaders* ti la, ti napa - Nou ti aksepte ki nou pour gard menm program ki nou ti swiv lannen pase, akoz lannen pase nou ti arive desarz sa travay dan letan ki ti'n donnen. So, i ava koumsa. Mersi. Mersi.

HON SEBASTIEN PILLAY

(Off-Mic)

MR SPEAKER

Ou annan drwa, wi, me selman ou gat letan, letan ou *raise* ou *matter of privilege*. Ale, *raise*. Ale.

HON SEBASTIEN PILLAY

Me, mon bezwen leve. La ou dir nou poudir sa *schedule* ti agree dan *Assembly Business Committee*, be sa ki ou'n anvoye sa en *revised schedule* sa, *ok*?

E ou'n anvoy nou en *revised schedule*, apre ou dir nou *Assembly Business Committee*. Mwan sa ki mon vwar se ki ou pa oule nou demann kestyon!

MR SPEAKER

Non-non.

HON SEBASTIEN PILLAY

Se sa ki pe arive, ou pe anpes nou demann kestyon!

MR SPEAKER

Mersi. Mwan mon napa okenn problemm avek demann kestyon, mon –

(murmurings off-mic)

MR SPEAKER

Mwan mon responsabilite, se zis fer sir ki sa travay i mars annord e a tan, se tou! Delegasyon zot ava antre silvouple.

Bon, bonzour e byenveni Mrs Linda William-Melanie *Principal Secretary pour Social Affairs* e Ms Nichole Pool *Senior Accountant* ki'n zwenn Minis pour sa seksyon Bidze. Minis, prezan nou pare pour ekout pour prezantasyon.

MINISTER PATRICIA FRANCOURT

Mersi Mr Chair. Mr Chairman, parey nou konnen, Departman Zafer Sosyal i ofer servis pour fanmir, zanf an e bann lezot group ki fer fas avek bokou defi sosyal.

Bidze Departman Zafer Sosyal, i plizoumwenn reste parey eksepte pour *wages and salaries*, ki annan en logmantasyon ki reflekte saler bann *housekeepers*, ki avek *Cleaners Corporative*, logmantasyon 10poursan saler ki ti pran lefe sa lannen,

13mwan saler e osi revizyon *scheme of service* pour kad *HR* administrasyon ek *IT* ki pour pran lefe Zilyet 2024.

Lot sif signifikan dan nou Bidze, se en porsyon finansman ki anliny avek *M-Test*, pour komans konstriksyon sant pour nou bann zanfan, ki annan konportman difisil.

Parey nou'n koz lo la dan Lasanble dan lefase, sa lenfrastruktir i pour en konponan enportan pour anmenn en servis plis entegral ansanm avek lezot partener pour sa bann zanfan, e an soulazman pour edikater e paran.

Bidze total pour 2024 i R54 milyon 874 mil 681.09 ki reprezant en logmantasyon 51poursan, konpare avek lannen pour 2023 ki ti 45 milyon 925mil 572.29 ki Lasanble ti aprouve.

Repartisyon Bidze i *comme* swivan:-

Wages and salaries i R26 milyon 262 mil 865.12 ki reprezant en logmantasyon 13poursan, oubyen 2 milyon 975 mil 501.72 anplis ki pour lannen 2023 apre *Mid-year Review*.

Goods and services i 13 milyon 611 mil 815.98 ki reprezant en logmantasyon 5poursan - R673 mil 607.08

pour kouver logmantasyon *rent* pour bann lofis lo Mahe e Praslin.

Pli gro sonm i anba *non-financial asset* ki 15 milyon pour demar konstriksyon lo sa nouvo sant.

Mr Chairman, a sa pwen, i enportan pour mwan remet lanfaz lo travay difisil ki Departman Zafer Sosyal i fer, dan kad proteksyon zanfan e pour anmenn soutyen pour bann bokou fanmir.

Departman i travay dir avek resours ki a zot dispozisyon, me ki parfwa zot rankontre difikilte sirtou pour zot fer bokou plis travay lo teren ki zot ti a swete fer.

Mon oule profite poudir mersi tou bann Manm Onorab, ki kolabor avek mon Minister, afen ki ansanm nou kapab reponn bezwen bann fanmir pour ed zot, sirmont bann defi lavi.

Avek sa de mo Mr Chairman, mon prezant Bidze Departman Sosyal pour en montan R54 milyon 874 mil 681.09 pour laprouvasyon Lasanble. Mersi Mr Chairman.

MR SPEAKER

Mersi. Nou a pran entervansyon bann Manm, Onorab Labonte.

HON ANDY LABONTE

Mersi Mr Chair. Bonzour Minis avek *panel*. Mon kestyon i vize ver zot manda li menm li; ler mon pe get manda i se pour promot siport e anrisir fanmir Seselwa e endividi. Rekonnet konpleksite devlopman fanmir, e idantifye vre lakoz ou rasin ki enpakte lavi fanmir e anmenn sanzman pozitiv dan lavi pour fer lavi e sosyete pli meyer.

So, sa i fason ki mon pe vwar zot manda vreman. So anba sa Bidze R50 milyon 875 mil, eski Minis nenport ki endividi ki lo *panel* i kapab donn en pe plis leksplikasyon, dan ki fason ki sa Bidze i pour ede pou fer ladiferans, anvi bann difikilte ki zot pe fer fas avek aktyel?

Apré ler mon'n get anba '*major achievement...*'

MR SPEAKER

Mersi, ou'n demann en kestyon Onorab, i ava sifi pour lemoman. Minis, *panel*, mon a demann zot adres sa kestyon.

Remarke ki i en kestyon zeneral, selman mon pour *still* demann zot pour gard zot repons direk e lo kestyon e pour vey letan. Wi *PS*, Melanie?

PS LINDA WILLIAM-MELANIE

Mersi Mr Chairman. Bonzour tou - Mr Chairman e tou bann

Manm Onorab, Lasanble. Mersi Onorab pour ou kestyon.

Parey lentervansyon Minis, se ki nou Bidze i pa'n ranforsi sa kantite, me selman nou annan bann program ki nou pour kontinyen met anmars, pour nou kapab fer sir ki nou reponn bann bezwen bann fanmir e zanfan.

Me osi nou pa fer li nou tousel. I enportan ki bann *partner*, parey ou'n demande, idantifikasyon bann fanmir ki dan bezwen i enportan ki bann *partner* osi, i travay avek nou pour nou kapab fer ladiferans dan lavi bann fanmir. Mersi Mr Chairman.

MR SPEAKER

Mersi *PS*. Onorab Roucou.

HON MICHEL ROUCOU

Bonzour Mr Speaker. Mersi Minis. Minis, anba zot kot '*SP2*' la i annan '*night shelter*' nou vwar poudir i sorti lo 1.7 milyon in vin pour 1.8 milyon. Si ou ti kapab donn nou en pti pe detay lo la. Mersi.

MR SPEAKER

Mersi. *PS*?

PS LINDA WILLIAM- MELANIE

Mersi Mr Chair. Sa diferans, se akoz pour sa lannen nou ti annan larzan ki ti mete, pour

fer serten renovasyon lo *night shelter*, e vedir lannen prosenn, nou pa pour bezwen sa larzan. Se sa rezon ki i annan sa rediksyon. Mersi Mr Chair.

MR SPEAKER

Mersi. Onorab Esparon.

HON REGINA ESPARON

Mersi Mr Speaker. Bonzour Minis ek ou delegasyon. Mr Speaker, enn bann *current challenges* se “*limited service to identify vulnerable female who are homeless*”.

An vi ki sa lannen Minis Finans ti annons nou, ki annan 2 milyon ki pe ganny met akote pour komans sa *shelter* pour *domestic violence*.

Eski anba sa anba sa fasilite, zot pe pour osi pe mazin pour *shelter* bann madanm ki *homeless*?

MR SPEAKER

Mersi. *Panel PS*.

PS LINDA WILLIAM-MELANIE

Mersi Mr Chairman. Mr Chairman, sa kekyon ki Onorab in demande, i pa relye avek nou Minister. Pour sa *shelter*, i tonm anba Departman Lafanmir. Mersi Mr Chair.

MR SPEAKER

Mersi. Onorab, a mazin sa, pour ler i ganny sa Bidze devan li. Onorab Henrie.

HON GERVAIS HENRIE

Mersi Mr Speaker. Mon kekyon i pour vize lo zot ‘*Performance measures for program*’ latab 5 mon pe get bann *areas* ki'n ganny idantifye la avek bann sif, bann target, mon anvi demann zot ki mannyer zot in swazir sa bann *areas*?

Akoz letan mwan mon swiv medya, mon vwar bann lezot *areas of intervention* ki ti kapab ganny mete koman target. Par egzant lakantite zanfan ki sove kot lakour, ouswa dizon *bullying*, ouswa *homelessness* in ganny mansyonnen.

Me bann lezot *area* ki letan mwan mon regarde, mon tann dimoun pe koz lo la, e mon vwar medya pe raport lo la.

E zis an pasan Mr Speaker mon krwar pour *outreach programmes*, zot target ti kapab bokou plis - i 7 pour 2024, me mon krwar i ti merit omwen 12 *minimum* akoz enn par mwan, i rezonnab pour demann zot pour fer avek Bidze ki zot pe donneren. Mersi.

MR SPEAKER

Mersi. *PS*?

PS LINDA WILLIAM-MELANIE

Mersi Mr Chairman. Mersi Onorab pour ou kestyon. An term nou bann *indicators*, ler ou pe koz lo bann keksoz kouraman, ki pe arive, so nou met li global, akoz nou pa – *internally* nou annan sa bann *figures* ki montre, konbyen sityasyon kot nou ganny bann zanfan ki absant lakour zot paran.

Me selman bann gro *indicators*, nou bezwen met li an gro global, ki bann travay, lentervansyon ki Departman Servis Sosyal pe fer.

So se sa rezon ki ler nou ti pe diskit pour arive trouv bann *indicators*, nou pa ti fer li nou tousel. Letan nou ti pe komans fer sa travay, nou ti ler fer li avek PSD, ansanm avek Minister Finans, so nou ti bezwen *capture* an gro, travay ki pe ganny fer.

Me apre nou annan tou bann *sub indicators* ki nou kite *internally*, kot ler nou bezwen ganny demann donn *statistics*, nou annan sa *statistics* pour donner, *ok?*

Apre kot i konsern *outreach*; *outreach* nou bezwen fer nou bann travayer swa ki dan letan travay ansanm ek *partner*, nou al deor lo teren, pour nou kapab fer bann diferan aktivite.

Parey vizit ki nou dir *door-to-door*, kot bann fanmir, e pa tou letan dapre travay ki travayer in annan in programmen ki zot kapab arive pour zot fer li.

So dan nou statistik, sa ki nou'n ti'n mete nou bann *indicators*, nou ti a swete kapab fer plis. Me i annan bokou travay entervansyon ki anpes nou fer bann program *outreach*, e nou plan a lavenir se pour travay plis ek partner, pour nou kapab arive ogmant sa kantite ki nou fer. Mersi Mr Chair.

MR SPEAKER

Minis, i ava azoute?

MINISTER PATRICIA FRANCOURT

Mersi Mr Chair. Onorab, bann kriter ki ou'n dekrir *in terms of absconding*, bann zanfan *at risk*, *using drugs*, *teenage pregnancy and all of that*.

Zisteman *this is why the center, rational of the center is for this. Right?* So ki nou kapab *target* sa bann zanfan, *mostly at risks* ki nou konnen dan sosyete e nou *numbers* i montre en lendikasyon *at least a hundred* ki vreman *at risk*.

Maybe they are dropouts from schools, ki nou pa konnen, dan lazournen kot zot ete. E *for*

many years, for many years nou'n demann pour annan sa sant. Zot konnen ti pour fer en landrwa apre pa'n posib.

La prezan finalman, nou'n idantifye en landrwa, kot nou annan en komitman avek sa Gouvernman, poudir nou pour fer sa sant e nou, nou donn nou parol, poudir *will make sure the center happens*.

I zisteman sa bann *targeted groups* ki louvraz, *then* i kapab fer ek zot *whether* i pour konponan ledikasyon, ki *Alternative Education program*.

Savedir zot pa kapab reste dan lekol, me solman i annan en lot program pour zot e nou pe travay *in partnership or longer term* kot i en *residential*.

Savedir, zot pa kapab dan sosyete zis *loose, get all these difficulties*, me i ava annan en sant ki rezidansyel pour kapab pran zot, e fer sa *long-term work*. Mersi.

MR SPEAKER

Mersi. Onorab Vidot?

HON AUDREY VIDOT

Mersi Mr Chair. Mon kestyon pour Minis, pour *panel*, letan mon pe regarde dan zot bann *current challenges* avek zot *strategic plan* pour 2024, mon pa'n vwar logmantasyon ki montre ki bann travayer ki deza

pe fer zot mye posib pour ganny okenn benefis an plis,

Oubyen i annan nouvo *recruitment* ki pour permet zot kapab *meet* sa *main target* ki zot pe sey set pour sa *strategic 2024*.

Alors, mon anvi leklersisman ki Bidze egzakt ki zot ti prezant avek Minister Finans, kot i konsern pour zot adres sa lakantite travayer ki zot bezwen, pour zot *attract*, pli bon *package* ki permet zot kapab *achieve* sa *target*.

E byensir satisfere nou bann distrik ki bezwen plis sa vizibilite *outreach*, e osi vizilans nou bann zofisyse sosyal, pour ki i kapab ede, dan bann kontrent ki bann kominote i bezwen? Mersi.

MR SPEAKER

Mersi Onorab. Panel? PS.

PS LINDA WILLIAM-MELANIE

Mersi Mr Chair. Mersi Onorab, pour kestyon. Dan nou Bidze, i reflekte menm Bidze ki nou ti anmenn devan Minister Finans lannen pase e sa Bidze kot i konsern *staffing* in pa'n ganny koupe pour 2024. Malgre ti annan en *Revised Budget*.

MR SPEAKER

PS, eskiz mwan. Eskiz mwan, eski ou *micro* i byen plase, akoz mon tann ou en pe feb? Ale.

PS LINDA WILLIAM-MELANIE

Wi malgre in annan sa revizyon dan Bidze letan *Mid-year Review*, kot in annan serten *budget cut*, pour lannen 2024, nou'n ganny Bidze ki nou ti demande lannen pase par egzantp ti pour nou *recruit* ankor anviron 7 *social worker* an plis.

Me ki'n arive, se ki nou'n vwar ki *by the time* ki nou Bidze ler nou Bidze ti aprouve se *recruitment* ti pour pran lefe an *juillet* 2023, e sa bann lespas letan la manmay in fini lekol *NIHSS*.

Petet nou pa'n ganny bann *staff* ki nou ti a voudre, pour nou kapab *recruit* e in fer nou annan en dekalaz dan nou *staffing*.

So, pour sa lannen, lannen prosenn ki pe vini nou pe fer sir ki Desanm la, nou pe komans fer bann *interview* avek bann etidyan ki pe fini *NIHSS* ki an Zanvyé, nou a kapab *recruit* zot.

So an term bann *outreach*, parey mon'n dir travayer i annan son travay *core* ki i bezwen fer avek son bann kliyan, bann ka ek fanmir direkteman dan lazournen. *Outreach* nou met li plito enn

pti pe apre ler, ki fer sir ki zot kapab arive donn enn pti pe sipor an plis bann fanmir.

So an kad zot *package*, nou krwar poudir pour lemoman sa ki Minister Finans i kapab donn nou, nou pe pran li e nou pe kontinyen motiv nou bann *staff* pour zot kapab donn *the best* ki zot kapab donner, pour fer zot travay ki zot bezwen fer. Mersi Mr Chair.

MR SPEAKER

Mersi PS. Onorab Woodcock.

HON WAVEL WOODCOCK

Mersi Mr Chair. Bonzour Minis ek ou delegasyon. Mon kestyon i en *follow up* kestyon ki Onorab Henrie in demande regardan sa *Youth Hope Residential Center*, i en proze ki vreman, vreman enportan.

Anba '*total financing*', i annan en sonm R33.75 milyon me pour 2024 i pour annan R15 milyon pour sa lannen pour komans sa 15 milyon pour sa – *yah!* 15 milyon pour sa – pour sa proze.

Mon kestyon se ki si Minis i kapab donn nou en pe plis detay lo kote sa proze pour baze? *Time frame* ki pour konplete e en pe bann servis i pour ganny donner dan sa sant? Mersi.

MR SPEAKER

Mersi. *Panel?* Minis?

**MINISTER PATRICIA
FRANCOURT**

Mersi Mr Speaker. Onorab, zis pour fer kler, *the total budget cost is 33 but 15 million is for – yes! That’s the figure.* Ou konnen pour annan sa sant dan Sesel, pour nou Departman Sosyal avek nou bann *partners it's a dream come true.*

Akoz over the years, many, many years nou'n vwar ki mannyer nou bann zanfan ki *at risk*, i tonm dan bann defi, ki menm anmenn lanmor.

E nou'n konn bann *case* ki'n arive, en *particular case* ki sa letan nou ti pe demann en sant. E mon konnen *PS* lo son kote, in travay dir avek son tim *to bring this as a request forward.*

Mwan osi dan mon louvraz ki mon fer - mon'n travay en kantite ek bann zenn, ki *almost four thousand youth* ki *at risk* sa bann letan *over the years* e nou ti vwar poudir i annan en demann.

So letan nou'n anmenn nou lapel devan poudir avek Gouvernman, *listen to us because this is a urgency for the country* aköz si nou pa *get it right*, i pour en *vicious circle.*

I pour menm bann zenn ki demen pour tonm dan drog, i pour bann menm zenn ki pa pour pran lanplwa; i pour bann menm zenn ki nou pou vwar zot lo lans pour *hassle tourist and so on*, oubyen fer bann dezord dan *community.*

Bann menm zenn ki pour tonm dan lalkol, bann menm zenn ki paran in perdi kontrol. *So, it's a major* - nou tann sa toulezour nou, nou tann sa toulezour - *absconding and so on*, i port en kantite risk pour sa bann zanfan.

E alor pour annan en landrwa ki *safe*, ki i annan en landrwa ki nou kapab fer reabilitasyon, *nurturing*, terapi, me osi ed zot pour zot develop zot bann *skills development*, be osi zot *functional skills*, i vreman enportan.

Nou'n fer en kantite vizit *over the year or two*, pour nou kapab demann en landrwa, rod en landrwa ki apropiye. Nou'n mont en ta bann landrwa ki letan nou ale, nou dir sa landrwa i bon, me solman apre kekfwa i pa kapab servi li pour fer li vin en sant.

Finalman, nou'n ganny en sant kot Bonne Espoir e mon kontan sa non aköz *it's giving hope, right? And we are calling it Youth Hope Project.* Nou ganny en landrwa e nou'n

ganny en consensus, this is the place that's it's going to be. Nou bezwen met li debout.

E pour met li debout Minister Finans in agree, in donn nou tou son sipor e *the whole Cabinet* in donn nou tou son sipor, koman en priorite pour nou kapab fer sa sant arive.

So bann program, i toultan annan bann programm entervansyon avek bann *highly skilled* dimoun, savedir i annan *training component and everything* e son striktir li menm ki mannyer i devret deroule e son programm li menm ki mannyer i deroule.

So, *alongside*, mon konnen mon koleg Minis Ledikasyon pour koz lo la, i pour annan, *the Alternative Education Program which is a day program and then pou annan for an Residential Program which is a whole residential for longer term. So, it could be six months up to a year.*

So *straightaway* parey mon'n dir, nou'n *identify at least 100 zanfan ki at risk - seriously at risk* e si zot kapab, nou kapab komans met sa an plas *meanwhile whilst we are giving other sort of support* pour lafanmir avek sa bann zanfan, *then* i pour en keksoz ki pour benefisyè Sesel *in its totalite.*

So, mon apresye *ki the whole of Cabinet* ek Minis Finans zot krwar dan sa vizyon *and they going to make it happen.* Mersi.

MR SPEAKER

Mersi. Onorab Lemiel?

HON SYLVANNE LEMIEL

Mersi Mr Chair. Bonzour Minis avek ou delegasyon; tou dimoun ki a lekout. Minis, pandan sa lannen ti annan en lenformasyon en pe for ki ou ti fer resorti *during Question Time*, letan nou ti pe demann bann kestasyon, sirtou an sa ki konsern Departman Sosyal. Ki konmkwa i annan en kriz problemm sosyal dan pei.

Sa ti atraver kestasyon ki ti ganny demande - sa lenformasyon ti sorti, e atraver ou Bidze 2024 Minis, enn ou priorite stratezik petet ki zot in mete, se ki zot ti le entansifye bann akse avek divers programm ki zot pour kapab gannyen. Sa i-zot *bullet point* nimerò 4, en?

Kot pour zot siport bann entervansyon, apre donn servis bann dimoun ki pli vilnerab, bann adilt, lafanmir, zanfan lo nivo kominoter.

Eski dan Bidze 2024, i annan provizyon pour zot komans fer sa? I annan sa bann

sesyon ki'n deza komanse, me zot, zot anvi entansifye li. Eski zot annan en sonm larzan dan Bidze e eski i ase sa larzan ki zot in bidzete, pour zot kapab al fer sa bann lentervansyon, pour ede petet redwir enn pti pe sa bann problem ki nou annan lo nivo kominoter? Mersi.

MR SPEAKER

Mersi Onorab. PS?

PS LINDA WILLIAM-MELANIE

Mersi Mr Chair. Mersi Onorab, pour kestyon. Wi, Onorab, nou anvi entansifye. Ler nou dir entansifye, parfwa sa bann servis i pa neserman i bezwen en gran Bidze. Ki nou bezwen, nou bezwen partenarya, nou bezwen partenarya ki nou kapab arive, sa keksoz ki pe tous sa fanmir.

Dizon nou annan fanmir ki i pa pe kapab *manage* son Bidze, ki nou bezwen fer bann program *budgeting*, bann program *parenting*, avek sa bann fanmir.

Se sa bann kalite program *outreach* ki nou pe dir i enportan, pour nou kapab idantifye. Akoz ki nou vwar? Nou pe travay avek bann dimoun e nou pe vwar sa bezwen. Sa *counselling* ki nou pe fer *one-to-one* dan

lanvironnman nou lofis, i pa neserman ase.

I enportan ki ou get lezot laspe lavi sa dimoun, e lezot bann group ki nou vreman kapab travay avek.

Nou pa kapab travay nou tousel! Nou bezwen travay ek *partner* e ler *partner* i anmenn zot bann bout ansanm, kot sakenn si i annan enn pti Bidze ki nou kapab *share*, be nou pa gannyen Bidze pour fer sa gro program, akoz nou *area* travay la, i pa dan program, i dan plito soutenir sa fanmir.

Be ler nou'n *assess* kisisa ki bann fanmir oubyen bann *youth* ki *at risk* ki bezwen, nou bezwen *reach out* avek nou bann *partners*. E se sa rezon ki nou pe dir en stratezi, se entansifye e fer li aksesib pour nou kapab arive donn sa soutyen sa bann dimoun ki nou pe targete. Mersi Mr Chair.

MR SPEAKER

Mersi PS. Onorab Pillay?

HON SEBASTIEN PILLAY

Mersi Mr Chairman. Mr Chairman, mon demann mon kestyon avek tou respe pour *panel*, ankor enn fwa mon pour dir ki mon konsernen. Akoz nou pa kapab annan en *statement* Polisi dan Bidze, apre nou pa vwar sa Bidze reflekte sa

statement Polisi. E Minis pour Zafer Sosyal e Minis pour Finans, in koz lo en kriz sosyal dan pei.

Me selman nou'n retourn ek en Bidze pour Departman Servis Sosyal, ki pratikman parey sa enn lannen pase, a leksepsyon en sant ki nou pou al konstrir Bonne Espoir o bor en *high security prison*. En *youth center* o bor en *high security prison* e nou pa vwar nanryen mal ek sa, *be that as it may*.

Mwan mon felisit tou bann travayer sosyal, mon konnen zot travay anba bann kondisyon difisil, e travay ki zot fer, nou bezwen. Me *the management of* sa Minister bezwen pran konsyan zot responsabilite anver zot *staff*.

So kestyon ki'n vini se ki, konbyen larzan ki zot in gannyen pour met dan bann program, pour zot kapab fer bann travay avek bann diferan group dan kominote, pour zisteman adres sa kriz sosyal ki nou annan?

E dan sa konteks Mr Chairman, mon ti a kontan ki zot spesifye, si an relasyon ek bann travayer servis sosyal i annan en *risk allowance* ki zot gannyen, prenon kont ki natir e kalite bann problem sosyal ki nou pe gannyen; nou bann

dimoun ki al fer sa travay i trouv zot pli a risk, e zot kapab trouv zot ganny bann sityasyon ki pour mwan i pa konvenab, pour en dimoun travay ladan.

So, mon ti a kontan vwar ki nou pe ankadre sa bann dimoun byen. Mon pour vote an faver en Bidze pour Departman Servis Sosyal Mr Speaker. Be mon demande ki annan keksoz ki ganny fer pour sa bann dimoun. Mersi.

MR SPEAKER

Mersi. *Panel? Yes, PS?*

PS LINDA WILLIAM-MELANIE

Mersi Mr Chair. Mersi Onorab, pour ou kestyon. Onorab, mon zis le dir poudir nou vreman konsyan, sa bann sityasyon sosyal ki annan dan pei.

Me selman mon le dir poudir, problem sosyal i pa zis Departman Zafer Sosyal, ki pour kapab donn en koudmen pour kapab rezourd. Nou pe fer nou mye, sa ki nou kapab. E parey nou pe dir nou bezwen travay an partenarya avek lezot partener.

Nou annan Departman Lafanmir, ki zot osi zot annan zot portfolyo responsabilite pour donn en koudmen, pour fer program.

So alor Minister Finans, ler i get nou *M-Test*, i get pour

Departman Lafanmir, nou le fer sir ki napa *duplication*, pour donn pour Bidze so alor i annan en departman ki li son rol, si pour li fer sa avek program nou a konplimant sa bann program ki pe ganny fer lo teren.

Alor Bidze i bezwen ganny zere dan en fason, ki sa departman ki son fonksyon, son rol, i pour li fer program, i pour li *empower*, li i ava fer bann program. Me nou travay an partenarya, pour fer sir ki larzan i byen ganny partaze.

E kot i konsern *risk allowance*, mon krwar in deza ganny diskite dan Lasanble (mon pa pour al dan detay) I annan bann revizyon ki ti ganny fer, dan plas *risk allowance* i apel '*inducement allowance*'. So, sa bann anba *Scheme of Service Social Worker*, sa bann *allowances* - diferan *allowance* in ganny konsidere dan zot *scheme of service*. Mersi Mr Chair.

MR SPEAKER

Yes, mersi. Minis ou ava azoute silvouple.

**MINISTER PATRICIA
FRANCOURT**

Mersi Mr Speaker. Mr Speaker, mon pou adres sa bout ki Onorab i konsernen, kot nou pe

al fer sa *center*. Me solman les mwan met ou dan *picture*, plis ki 10 an pase mon ti ganny demande avek Minister Ledikasyon par en *ex-Minister* ki ti krwar dan mon abilite, pour mwan kapab al kot *Cabinet* avek kek *ex-Prezidan* ki ti dan ou parti, pour mwan prezant en program.

Mon pou donn ou sa *fact*, (akoz ou pe zis dir poudir i en sant) pour prezant en program, pour nou bann zanfan ki ti annan en kriz dan pei *then*.

Mon ti prezant en program ki ti pour en *residential* program e nou ti met tou bann risk ki zanfan i annan, e tou bann difikilte ki zanfan i annan.

E ki ti ganny konsidere avek *Cabinet* ki ti ganny dir avek *Cabinet* se, nou bezwen en sant pour bann zanfan ki *at risk*. Minis Cosgrow ti la li, i ti ekoute akoz mon ti fer tou sa Minis tande;

(comments off-mic)

**MINISTER PATRICIA
FRANCOURT**

...tou sa Minis ti tande, *what...*

(comments off-mic)

MINISTER **PATRICIA**
FRANCOURT

Yes, yes!

Me solman, sa premye fwa ki mon ti ale, dezyenm fwa en lot Prezidan ki ti *at the time* Prezidan, ti *still* envit mwan ankor pour mwan vin koz lo la.

Mon ti vini mon ti koz lo la, mon ti dir i annan en kriz dan pei lo bann zenn, alor nou bezwen fer keksoz. *This was 10 years ago!*

Now sa Gouvernman i vini, nou vin remet sa lo latab, sa enn Gouvernman i dir wi nou ava fer. *10 years ago!* So, nou devret kontan poudir sa Gouvernman i dir nou pe al fer en sant pour bann zanfan...

(APPLAUSE)

MINISTER **PATRICIA**
FRANCOURT

...ou konpran? Apre Onorab, ou pa ankor ni vwar sa *architectural design*, ou pa ankor konn nanryen, remersi Bondye nou'n ganny en sant - en landrwa pour nou kapab fer!

(APPLAUSE)

MINISTER **PATRICIA**
FRANCOURT

10 an pase nou ti annan sa *need*...

HON SEBASTIEN PILLAY
(Off-Mic)

MR SPEAKER

Onorab! Onorab Pillay, silvouple!

MINISTER **PATRICIA**
FRANCOURT

...right? La, so la finalman...

MINISTER **PATRICIA**
FRANCOURT

Nou'n ganny en landrwa pour nou kapab met sa sant debout. *10 years after. So at least this* Gouvernman pe fer sa i ki i devret fer!

(comments off-mic)

MR SPEAKER

Minis...

MINISTER **PATRICIA**
FRANCOURT

Be ou pa'n vwar *architectural design*, ou pa ni konnen...

MR SPEAKER

Minis, nou a terminen.

MINISTER **PATRICIA**
FRANCOURT

...so pa dir sa ki ou pa konnen, Onorab!

MR SPEAKER

Mersi. Onorab Naidu, ou kestyon.

HON SATHYA NAIDU

Mersi Mr Chair. Minis, an relasyon avek zot departman, ki kantite travayer sosyal nou annan ozordi zour, anba sa Bidze ki devan nou?

E byensir mon konnen, an se ki konsern lakantite ka ki sak *social worker* pe deal avek, i pa ase. Alor ki bann metod inovativ, ki Departman Sosyal an kolaborasyon avek bann diferan departman, pour angaz zot ladan, pour nou kapab *empower* nou kominote?

As the saying goes, "it takes a village to raise a child" and if we don't empower that village, we can never have the capacity for us to raise a child.
Mersi.

MR SPEAKER

Mersi *panel*. PS, wi?

PS LINDA WILLIAM-MELANIE

Mersi Mr Chair. Mersi Onorab. Onorab nou annan anviron 50 *social worker*, ki pe travay, me sakenn i reparti dan diferan seksyon ek *unit*. Parey nou konnen nou annan 26 distrik, e nou otan ki posib pe fer sir ki nou kapab ranpli sa bann distrik avek *social worker*.

Kot i napa la, se aköz petet i annan dimoun ki'n bouze. E parey mon dir i annan difikilte ki nou pa'n kapab *recruit*, pour remete.

Apre nou annan ki pe zis avek *Child Protection*. Nou annan ki pe fer avek *Family Support*, e nou annan ki pe fer avek *legal*, bann ki donn bann sipor pour lakour.

Me parey ou dir nou pa kapab travay nou tousel. Nou toultan pe envit e travay avek nou bann *partner*, pour nou kapab zisteman parey Onorab ou'n dir, "*it takes a village to raise a child*" se nou tou ansanm, enkli Manm Lasanble; enkli ladministrasyon distrik, tou dimoun kot i kapab donn en koudmen, pour nou kapab arive fer sa sanzman ki nou anvi vwar vizavi bann sityasyon sosyal.

I pour ede osi avek nou bann travayer, aköz nou bann travayer i very *drained*, *stressful*. Ler ou vwar zot in fer en 8erdtan travay 4er apre, apre ler zot pe al fer *home visit*, zot pe al lo *site* ankor, pour al *monitor* bann serten sityasyon kot lakour.

So, i pa en keksoz zis fasil pour nou dir, me i enportan ki nou tou nou met lanmen ansanm, pour nou kapab arive fer li. Mersi Mr Chair.

MR SPEAKER

Mersi PS. Onorab William?

HON WAVEN WILLIAM

Mersi Mr Chair. Bonzour Minis avek ou lekip. Mr Chair, mon ti a kontan refer Minis avek latab 2, anba “*Counselling*” P2 and P3 “*Counselling and intervention services, social support program and service for vulnerable groups*”.

Mon vwar poudir i annan ogmantasyon dan tou le de sa vot, 2024. So, mon ti a kontan ki zot donn nou, enn pti pe leksplikasyon, ki bann aktivite an plis ki zot pe anmennen o nivo lakominote, viza sa logmantasyon pour nou vwar vremen sa diferans? Mersi.

MR SPEAKER

Mersi. *Panel*, lekel ki pour reponn?

MINISTER PATRICIA FRANCCOURT

Eskize Mr Speaker. Onorab ou kapab zis klersi, akoz nou pa'n tro tande. Mersi.

HON WAVEN WILLIAM

Minister, latab 2 i annan sa program P2 and P3, mon vwar poudir konpare avek 2023, 2024 i annan en logmantasyon, ase sibstansyel, par egzant

pour *Social Support Program* - 2023 ti 2.9 milyon, e la mon pe vwar ki annan 18.262 milyon. E si ou pe get P2 ti 18.4 milyon la i 20 pwen keksoz milyon.

So ki bann aktivite adisyonnèl ouswa an plis, ki zot anvi anmennen avek sa demann zot pe fer? Mersi.

MR SPEAKER

Mersi. Ms Tamatave pour reponn.

COMPTROLLER GENERAL ASTRIDE TAMATAVE

Mersi Mr Chair. Bonzour Mr Chair. Bonzour tou Manm Onorab e tou dimoun ki a lekout. Mon ava reponn in *terms of increase* dan Bidze, apre PS ava kouver in *terms of* program ki i pe donner.

Anba program 2 Mr Chair, logmantasyon spesifikman ki sorti 2.9 parey Onorab in dir, ki'n ariv R18 milyon anba program 2. ladan 15milyon i pour sa *Youth Hope Center*. So, i anba *non-financial asset* pour komans konstriksyon, *the New Youth Hope Center*.

Me selman si ou pour regard son *recurrent budget* li menm, i napa sa gran logmantasyon. Mersi.

MR SPEAKER

Mersi. Yes, ou bezwen azoute? Lo program 3 i napa leklersisman Ms Tamatave i parey? Yes Ms Tamatave?

**COMPTROLLER GENERAL
ASTRIDE TAMATAVE**

Mr Chair, eskize, sa ki mon ti pe eksplike ti pour program 3, ki ti 2.9 ki'n vin 18 milyon.

Anba program 2, anba, “*counselling and intervention services*” li, son logmantasyon i prensipalman anba saler, ki li i sorti R17.3 milyon ki'n ariv R19.3 milyon, sa i prensipalman akòz parey PS in eksplike lo komansman letan nou ti prepar Bidze pour sa lannen, ti annan 7 *social workers* ki nou ti donn zot *from July 2023*.

So lannen prosenn nou'n met *the full provision* pour 12 mwan pour sa 7 *social workers*. Apre osi i annan enplikasyon *salary increase*, pour bann travayer anba sa program e osi trezyenm mwan saler. Mersi Mr Chair.

MR SPEAKER

Mersi. Mon krwar, leksplikasyon i kler. Mon a pran kestyon Onorab Gabriel.

HON CONRAD GABRIEL

Mersi Mr Speaker. *Welcome* nouvo *panel*. Mr Speaker.

Premyerman, mon enn pti pe mekontan lafason Lasanble pe deroule. Minis in vin prezant nou en Bidze, *so when its time* pour nou depouy sa Bidze, nou pe ganny *rushed in all sort of ways*. Sa i pa akseptab!

MR SPEAKER

Carry on Onorab, si ou annan en kestyon.

HON CONRAD GABRIEL

Akoz sa Minister ki la, sa antite parey nou pe vwar dan zot *current challenges* - zot - i ranpli ek problem. So si nou pa fer li la, piblik *out there* pe get nou, zot pe ekspekte *much better with us*.

MR SPEAKER

Bon, ou'n fer ou pwen Onorab.

HON CONRAD GABRIEL

So Mr Speaker, *please*. Baze lo kestyon ki'n ganny demande, mon ti a kontan si petet zot *panel* ti kapab ofer nou, ki *salary package at least* pour en *social worker*. Nou'n vwar ou'n admet ki zot pe travay vreman dir.

And then Minis *just get your fact right*, ti LDS ki ti blok konstriksiyon Sant APDAR, Bonne Espoir!

(APPLAUSE)

HON CONRAD GABRIEL

So, sa nou bezwen met lo rikord. Mersi.

(APPLAUSE)

MR SPEAKER

Byen. *Panel?* Ler zot pare. Yes, PS?

PS LINDA WILLIAM-MELANIE

Mersi Mr Chair. Mersi Onorab pour ou kestyon. Me selman Mr Chair nou pa'n anmenn sa *figure salary package en social worker* avek nou, i pour mal pour mwan *quote en figure*, ki petet i pa en *figure* ki byen la.

Akoz mon napa li direkteman ofe la dan mon lespri. Me selman i en *salary package* ki komans an 8 mil an montan avek pour enn nouvo. Apre i annan bann diferan *allowances* ki fer son *package* mont pli o. Mersi Mr Chair.

MR SPEAKER

Mersi. Bon, nou'n ariv ler ki nou terminen lo sa size. Nou pour vot lo Bidze. Mon'n pran tou kestyon Manm ki mon ti annan lo lalis orizinal, eksepte de ki'n lev lanmen lo dernyen moman. Mon regrete mon napa letan.

Vot lo Bidze pour *Ministry of Employment and Social Affairs* ki lo paz 487 ziska 493, pour en total R100 milyon 304 mil.

Manm ki an faver lev lanmen silvouple? Mersi. Mon krwar tou Manm in vote. Madanm Deputy?

Vot lo Bidze pour *Ministry of Employment and Social Affairs* pour R100 milyon 304 mil, 31 Manm in vot pour, 0 kont, 0 abstansyon. Bidze in aprouve par Lasanble.

Nou pour osi pran en vot lo *Social Workers Council* enn bann antite ki nou ti dir nou a pran san deba. E sa i pour - i pour lo paz 507 ziskan 509 pour en total R760 mil. Manm ki an faver lev lanmen silvouple.

Vot lo Bidze pour *Social Workers Council* pour R760 mil, 31 Manm in vot pour 0 kont, 0 abstansyon. Sa Bidze in aprouve par Lasanble.

Bon, mon remersye bann zofisye *Social Affairs* ki'n avek nou, pour sa peryod la e mon swet zot bon depar e bonn kontinyasyon. Nou a pran poz la e nou a retournen ller pour Bidze *Public Service Bureau, ek Other wages and Salaries*.

(BREAK)

**PUBLIC SERVICE BUREAU &
OTHER WAGES AND
SALARIES**

MR SPEAKER

Bon, nou a rebran *Committee Stage* pour Bidze. Madanm raporter, mon a demann ou pour apel Vis Prezidan e delegasyon ki pe atann.

Bonzour Vis Prezidan Ahmed Afif, e bann zofisyè - Mrs Shella Mohideen *Chief Secretary Public Service Bureau*, Ms Marie-Antoine Gilbert, *DG Human Resources and Budget* e Ms Marie-Annette Sopha, *Financial Controller* dan sa biro e nou osi annan bann zofisyè Minister Finans Ms Tamatave e Mrs Pool ki ti avek nou bomaten.

Nou pe pran Bidze pour *Public Service Bureau and Other Wages and Salaries* ki lo paz 14 ziskan 19 e osi dan seksyon 2 lo paz 24 e sa de Bidze i R43 milyon 296 mil e R384 milyon 549 mil. Vis Prezidan, silvouple, prezantasyon lo sa Bidze.

VICE PRESIDENT AHMED AFIF

Mersi bokou Mr Chairman. Bonzour Mr Chairman. Bonzour *Leader of Biznes* Gouvernman e tou bann Manm

Lasanble Nasyonal. E tou dimoun a lekout.

Mr Speaker, Bidze ki mon pe prezante ozordi se pour *Public Service Bureau*, ki pour 2024 i annan R42.3 milyon konpare avek en Bidze Revize pour 2023 ki R30.2 milyon. sa bann gran laliny dan sa bann - sa Bidze i *comme* swivan.

‘Saler, *wages and salaries*’,

Goods and services e non-financial assets ki normalman nou apel sa bann proze kapital.

Alor mon pour fer en konparezon lo sa trwa laliny prensipal 2023, ek 2024. Alor pour saler an 2023 revize, ti R13.7 milyon e pour 2024 i R17.3 milyon.

Goods and services, i sorti 14 milyon revize 2023, pour vin R16.8 milyon. *Non-financial assets*, i sorti revize R2.5 milyon pour vin R8.2 milyon.

Ki fer ki logmantasyon ki zot pour vwar, dan sa trwa laliny prensipal dan Bidze 2024, i en sonm total R12.1 milyon.

Mr Chair, mon ava eksplik premyerman, premye laliny ki *wages and salaries*, sa logmantasyon R3.5 milyon. Sa logmantasyon 3.4 esansyelman i annan pou fer avek *recruitment* dan *PSB*, 6 nouvo

HR officers, sa pour en total R1.7 milyon.

I annan revizyon *scheme* pour bann zofisye *PSB*, ki dan *HR* e menm *admin* ek *IT*, apartir Zilyet lannen prosenn e sa pour kout en total R1.26 milyon. Me selman sa i pour en lannen, alor pour lannen prosenn sa logmantasyon pour revizyon *scheme* i R628 mil.

I annan bann *recruitment* ki ti'n ganny mete an 2023, me prezan ti ganny *vire* e retire aköz zot pa'n kapab ganny sa bann dimoun, me zot in remet sa sonm dan Bidze 2024, e sa sonm i R790 mil.

Answit, i annan en logmantasyon R456 mil ki pour transfer 4 *cleaners* ki ti dan Korperativ prezan zot pour vin lo *payroll*. Alor sa i eksplik sa premye gran laliny, R3.5 milyon.

Anba *goods and services*, li in ogmant par 2.8 milyon e mon ava donn son repartasyon.

Pour depans pour bann biro, i mont par R54 mil e sa i prensipalman enn pti sonm ki annan pour fer avek bann keksoz ki zot aste, nou apel sa '*consumable*' apre enn pti sonm pour *internet* osi, R30 mil aköz zot pe *host* en *PSB website*.

Dezyenmman, pour transportasyon avek travel in mont par R7 mil selman, e sa i

enn pti logmantasyon dan *overseas airfares*.

Maintenance and repairs li in desann par R51 mil dan *office building*, total i 133 mil ki *maintenance* in desann. Ladan i 51 lo *building cost*, ki en kantite louvraz, i pe deza ganny fer, e *air condition equipment*, parske zot in deza ranplas serten *aircon* e *maintenance* pour desann.

Lo kote *material and supplies* ti napa en Bidze be *other uses of goods and services* la i annan en logmantasyon R1.4 milyon. E sa i annan pour fer avek R1.4 milyon ladan i *extension* sa ki nou apel sa proze pour fer *PSB* e tou son bann *file* ganny *scan* e met li lo en rezo nimerik.

E i ti'n ganny en Bidze an 2023 me zot in ganny en retar dan lenplimantasyon e alor sa in ganny mete prezan pour 2024.

An plis ki sa dan *other uses of goods and services* i annan *training fees*, en logmantasyon 51 mil.

Anba '*minor capital*' ki osi form par *goods and services* i annan en logmantasyon R1.5 milyon e sa i pour esansyelman rann parti pour nou aste, *software* sa ki nou apel li en *Human Resource Information System*.

Parey zot konnen Gouvernman pe bouz ver en sistenm nimerik, kot nou pe sorti kot ou pour vwar en kantite *file* devan tou dimoun, bann *file* personnel ek tou zot bann rikord ladan. Nou pe al ver en sistenm ki nimerik e sa sistenm i spesyalize e li i pour kout R1.23 milyon.

Me selman an tou proze i pour etale, pandan en peryod letan e sa i sa sonm ki nou'n mete pour lannen prosenn.

Answit dan '*minor capital*' i osi annan *IT*, ki'n mont par R53 mil selman, sa i pour aste serten *laptop* pour bann travayer.

Lo kote *non-financial asset* sa trwazyenm pli gro laliny kot ti annan en logmantasyon R5.8 milyon i annan 2 *item* prensipal, *rewiring National House Building*. E *rewiring* nou pe koz bann refer son sistenm elektrik, parske i vye. E nou'n met en sonm 8.25 milyon, apre renovasyon *AG's Office* ki nou'n met 2.5.

Me selman vi ki louvraz in fini ganny fer dan sa 8.25 ki nou ti programen, an tou pour sa proze en pe in fini ganny fer sa lannen, i pour reste sa balans R5.75 milyon ki'n ganny mete pour lannen prosenn.

E vwala logmantasyon e vwala an gro, sa Bidze pour

Public Service Bureau pour 2024, ki R42.3 milyon. Mersi bokou Mr Chairman.

MR SPEAKER

Mersi. Mon rod en pe gidans sorti kot Minister Finans. Mon vwar i annan de *item* la dan sa soz la ki nou pe konsidere. *VP* in prezant nou *Public Service Bureau*, e nou vot i pour separe lo sa de? *Ok*, dan sa ka - dan sa ka mon krwar nou a kapab pran sa de separe. Nou annan selman ziskan 12edmi pour fer sa.

E nou a pran premye *Public Service Bureau* e mon annan en lalis – annou gard kestyon lo *Public Service Bureau* pour lemoman, e nou a pran en kestyon par Manm pour nou kapab konsider sa. *VP* ou anvi klarifye?

VICE PRESIDENT AHMED AFIF

Mr Chairman, mon ti a zis kontan fer en sizesyon. Mon konpran poudir avek Minister Finans, zot ti a kontan osi pran en vot lo '*Other wages and salaries*' ki annan en laliny spesifik anba *Appropriation Bill*.

E si zot dakor, nou pare pour osi - mon krwar i annan 4 laliny ki form sa sonm, 300 ekek milyon e nou kapab pran ansanm dan sa ...

MR SPEAKER

Anfen, mwan pour mwan i pli fasil si mon pran en sel ansanm, akoz mon pa bezwen regarde avek Manm lekel ki i pe demann sa. Alor si ou kapab entrodwir sa Bidze la, nou a kapab pran tou lede ansanm apre. Vis Prezidan ou pour koz lo Bidze ‘*other wages and salaries*’?

VICE PRESIDENT AHMED AFIF

Mr Chairman si ou dakor. Minister Finans i kapab prezant sa 4, koman en *summary*, me selman nou a pran li ansanm dan sa vot.

MR SPEAKER

Tre byen. Minister Finans?

COMPTROLLER GENERAL ASTRIDE TAMATAVE

Mersi Mr Chair. *Other wages and salaries* Mr Speaker, i pour en total R384 milyon 549 mil.

Mr Chair, sa laliny i enkorpor 4 - 4 provizyon. ‘Gratwite’ R45.4 milyon, sa i prensipalman provizyon gratwite pour bann travayer ki lo kontra, letan zot fini zot *PSE* Kontra zot ganny zot *end of payment dues*. E osi letan en *staff* i *retire*, oubyen letan i annan bann *medical grounds*,

ki ganny *pro rata* sa bann gratwite.

R76.9 milyon pour konpansasyon *to workers*. Sa i pour tou travayer sekter piblik letan zot *resign from post*.

Nou annan R120.2 milyon provizyon pour *Constitutional Appointees Authorities - not Appointees Authority* - pour bann lapwentman konstitisyonnèl. Ki enkli la Prezidans, Manm Lasanble, Zidisyer.

Apre i annan en sonm R141.9 milyon - sa i pour *Pension Scheme contribution*, sa i kontribisyon Gouvernman anver Fon Pansyon pour bann travayer. Sa i fer en total R384.5 milyon Mr Chair. Letan nou pour konpar li avek Bidze 2023 Revize, i selman en logmantasyon R8.9 milyon. Mersi.

MR SPEAKER

Mersi. Bon, nou a ouver lasal pour entervansyon bann Manm. Nou a komans avek en kestyon par Manm. Onorab Adelaide?

HON FRANCOIS ADELAIDE

Mersi Mr Speaker. Bonzour *VP* avek ou delegasyon. Mon kestyon i senp. Vi ki dan deba Bidze, sa laspe *long service allowance* in monte en kantite,

e i paret mwan zot pe servi koman en seval batay.

E avek zot *current challenges*, mon trouve poudir zot in rekonnèt zot annan *inadequate HR, weak leadership*, enn de bann keksoz koumsa.

So atraver sa Bidze ki mannyer *PSB* pour fer sir ki travayer, i vremen ganny zot bon *appraisal*, e ki atraver zot sistenm *appraisal*, sa i ava fer sir, fer sir zot ganny en pe plis larzan.

E petet dir nou akoz zot krwar poudir sa sistenm *appraisal* i pli byen ki sa zafer *long service allowance*, ki en dimoun i ganny R1000 zis dan 10an? Mersi.

CHIEF SECRETARY PUBLIC SERVICE BUREAU SHELLA MOHIDEEN

Bonzour tou dimoun. Mr Speaker. Mersi pour kestyon. Mon krwar mon'n ganny bann loportinite oparavan pour vin eksplike ki – ki nou pe fer dan Gouvernman, se nou le promot stratezi, pour nou fer Gouvernman vin pli *performing*. So nou pe *move away from sa practice* ki kantite letan ki ou annan dan travay, me solman nou pe bouz lo prodiktivite.

So letan nou pe bouz lo prodiktivite, i sa rezon ki nou'n

entrodwir sa *Performance Management System*, pour nou *appraise* performans travayer e benefis prezan pour baze lo performans, *rather than time in service*. Mersi Mr Speaker.

MR SPEAKER

Mersi Mrs Mohideen. Onorab Terence Mondon.

HON TERENCE MONDON

Mersi Mr Chairman. Mon kestyon i lo *Public Service Bureau*, lo zot defi ki zot fer resorti. Zot dir ki i annan bann saler ki ganny peye anba *goods and services* ki pa ganny *monitor*.

Mon ti a kontan enn pti pe plis laklerte lo la, e ki fason departman pe adres sa problem? E an menm tan ki mannyer Minister Finans pe regard sa problem *as well*? Mersi.

MR SPEAKER

Mersi. *Panel Chief Secretary* pour adrese?

CHIEF SECRETARY PUBLIC SERVICE BUREAU SHELLA MOHIDEEN

Ok. Mersi Mr Speaker. I annan bann travayer ki ganny sa ki nou apel bann *fixed-term contract*. E i pa bann *fixed-term*

contract ki parey, ki *long-term* ki nou apel *PSE Contract*.

E *usually* bann *fixed-term contract* i bezwen ganny *approval from Public Service Bureau*. So letan nou ti pe fer nou odit dan lannen 2022, nou'n vwar i annan lenstan kot ti annan sa bann pti kontra, ki ti pe ganny donnen ki pa ti'n *approval from Public Service Bureau*.

So, i annan en travay la ki nou'n fer avek Trezor, ki Trezor la *will not make payments*, si *approval* pa'n ganny donnen par *Public Service Bureau*. So, sa mekanizm in fini ganny met an plas, pour nou kapab fer kontrol.

So, *any* lorganizasyon prezan *at the moment* ki pour pran en dimoun lo sa bann kalite *short term, fixed-term contract* si *PSB* pa'n donn *approval* Trezor pa pour fer peyman. I fer retourn kot nou, apre la nou, nou regarde ki manner pour *deal* avek.

MR SPEAKER

Mersi, *Chief Secretary*. Minister Finans i annan okenn klarifikasyon pour azoute? Mersi. Onorab Labrosse.

HON RICHARD LABROSSE

Mersi Mr Speaker. Bonzour Mr Speaker. Bonzour tou mon

bann koleg; bonzour Minister Finans, bonzour Ms Shella avek ou lekip e Vis Prezidan.

Mr Speaker, mon kestyon i dan liv Bidze ki pe konsern zot '*major achievement*' pour 2022-2023. E vi ki la i pe apros, nou'n fini osi apros 3 an.

Mon ti a kontan si briyevman, *PSB* avan mon vot pour sa Bidze ki la, ti kapab donn nou briyevman ki bann pozitivite ki'n sorti dan sa program *RBM*, espesyalman sirtou vi ki enn zot manda osi, i pour *oversight* servis piblik.

Konmsi ki bann pozitivite - kekfwa briyevman ki bann dimoun la deor kekfwa ki'n bezwen eksperyanse, ouswa zot menm zot, zot in vwar in sorti dan sa program? Mersi.

MR SPEAKER

Mersi, Onorab. *Chief Secretary*? Vi -Prezidan avek ou permisyon si ou pa lev lanmen mon a pas laparol pour *Chief Secretary*.

CHIEF SECRETARY PUBLIC SERVICE BUREAU SHELLA MOHIDEEN

Ok. Mersi Mr Speaker. Lenplimantasyon *RBM* i sa *tool* ki nou konvenki i pou fer ki Gouvernman pour *become* pli *performing*.

Akoz sak Roupi ki ou depanse, ou pe ekspekte vwar

en rezilta. E letan nou pe dir rezilta, nou pa pe dir bann aktivite ki nou fer, me solman bann rezilta ki pour tous sitwayen.

In terms of ki mannyer nou pe ede dan lenplimantasyon. Nou'n fer en kantite *training* pour fer ki nou *improve the planning process*. I annan bann *planning* ki nou ti pe fer ki *planning* ti baze lo aktivite, pa pour anmenn rezilta.

Nou'n fer *training*; nou'n osi anmenn *monitoring and evaluation*. *Monitoring evaluation* i – akoz annandler letan ou *plan* la, i pa neserman ki tou le tan ou ganny sa rezilta ki ou ti pe *anticipate*.

Be si nou pa pe ganny rezilta, *monitoring and evaluation* i fer ou vwar e ou kapab *go back to the drawing board* pour ou kapab re-plan, pour ou kapab anmenn sa ki nou apel bann *remedial strategy*.

Nou'n osi – nou osi travay avek tre pros avek Finans. Letan *planning* i ganny fer, *Public Service Bureau* travay ki nou fer ek Finans, nou regarde ki mannyer *the money* ki pe ganny donner dan Bidze. I pe ganny par dan bann program, ki pour anmenn sa rezilta ki nou anvi vwar.

E apre lekel ki fer sa? Se bann travayer. So bann travayer zot prezan, zot bezwen devlop zot *performance contract*, ki *inline* avek sa ki nou'n dir nou pour pe fer, letan nou pe fer *planning*. So, i fer ki ou annan sa 4 *pilar of RBM* ki travay ansanm.

Eski nou pe vwar rezilta san porsan dan lenplimantasyon? Non. I en-i en travay ki nou'n komans fer, i annan sanzman *mindset* ki bezwen arive pour bann travayer.

Nou, nou le vwar en lafors travayer ki ou pa bezwen dir zot ki zot annan pou fer. Zot annan sa ki nou apel sa *personal accountability*, pour zot konnen zot ki zot annan pour fer, e zot fer aköz zot vin travay pour zot delivre servis pour *the citizen*.

E sa sanzman *mindset* pe pran enn pti pe letan me solman nou pe fer en kantite *training*. E la ki nou pe fer en bon pe *training* ek *HR* aköz nou le *HR*, i antre lo sa parkour avek nou, pour ed nou pour nou fer sa transformasyon, pour nou kapab vwar sa rezilta. Mersi.

MR SPEAKER

Mersi *Chief Secretary*. Onorab Lemiel?

HON SYLVANNE LEMIEL

Mersi Mr Chair. Bonzour VP avek ou delegasyon. Enn dan zot *current challenges* ki zot in mete, se ki i annan en *weak leadership commitment* e sipor, dan bann diferan Minister departman e osi lazans.

E sa i espesyalman an term kot pour servi sa *Performance and Monitoring Evaluation* dokiman. E mon ti a kontan konnen petet sa nivo *weakness* lo kote *leadership*, i komans a ki nivo eski depi lo nivo Minis, PS an desandan?

E an menm tan dan ou pwen stratezik nimer 4, ou'n fer resorti osi, ki lo kote lofis PSB, zot anvi *strengthened* enn pti pe zot kapasite, pour zot kapab delivre lo zot manda.

Petet mon ti a kontan konnen konbinezon tou lede ansanm, sa *weakness* ki ou'n fer sorti anler, sa *challenge* ek ou *priority strategy* ki mon'n dir ou pour ou *strengthen* ou manda, ki konponan dan Bidze pour 2024 ki ou annan pour ou kapab rezourd sa problemn, an sa ki konsern rezourd sa problemn sa *challenge*, e an menm tan kot PSB pour zot delivre dan zot manda? Mersi.

MR SPEAKER

Mersi Onorab. *Chief Secretary*?

CHIEF SECRETARY PUBLIC SERVICE BUREAU SHELLA MOHIDEEN

Mersi Mr Speaker. Mon ava komans reponn sa kestyon avek *Public Service Bureau*, letan nou pe koz kapasite, i pa zis kapasite resours imen, i osi bann lenfrastruktir.

PSB in anbank in *partnership* avek *Government*, espesyalman Departman Finans, pour nou *lead* sa ki nou apel sa *digitalization agenda*.

Pour Gouvernman *become more effective and efficient*, parey nou pe vwar partou dan lezot pei, zot servi en kantite sa sistenm nimerik, sa ki nou apel *digitalization*.

So an premye, nou pour bezwen fer sir ki nou annan sa bann kapasite. Par egzantp la nou pe *purchase* sa *Human Resource Management System*, i annan bann *file* ki pe ganny *digitalized*, pour nou kapab fer li vin dan form nimerik.

E osi nou *engaged* nou osi, dan bann sesyon lantrennman, pour nou kapab *build* nou kapasite.

An retour, nou pe osi *build* kapasite, bann *human resource management* parey mon'n dir, aköz si nou pe anmenn en nouvo sistenm, i enportan ki *human resource managers*, dan lorganizasyon - sa bann

practitioners rather, zot kapab servi sa sistenm.

So, i annan bokou *training* ki nou pe ganny fer, ki pe ganny fer in komanse sa lannen, i pour kontinyen lannen prosenn, avek bann *human resources practitioner*.

Letan nou koz lo *weakness leadership* an zeneral, nou annan an se moman bann *leadership*, ki enn pti pe *operational*. *Operational* i vedir ki nou, nou pe fer bann aktivite toulezour. *Ok*, i annan en kantite bann *challenges* dan *various MDAs*, e akoz i annan sa kantite *challenges*, nou tant to *become preoccupied* avek *challenges*.

Mon kapab *relate*, akoz mon osi tou mon vwar mwan, ki sipoze annan en travay stratezik, annandler avek kantite *challenges* ki annan, ou vwar ou bezwen antre enn pti pe dan loperasyon.

So ki nou pe fer la, i annan en pe *training* ki nou pe fer, antre nou bann *accounting officers*, bann *leaders*, pour nou regarde ki mannyer nou separ nou travay - ki nou pa pour kapab pa fer sa bout loperasyon, me solman ki mannyer nou osi antre dan sa rol stratezik e *embrace* sa *tool RBM*.

La par egzanp, i annan *training* ki nou pe fer ki'n ganny *sponsor by the UAE Government*, e en kantite sa *training* i annan pour fer avek *strategic planning* avek *foresight*. *Strategic planning* ek *foresight* i vedir, ki - ki mannyer ou regarde ki *future* nou oule pour Sesel? E ki mannyer nou plan pour nou al lo sa *future*?

E solman ki nou pour servi, nou pour servi *the RBM tool* pour nou fer sa. So, *it's work in progress*, mwan mon *very optimist* e travay pe ganny fer e nou pour vwar benefits sa traze ki nou pe fer, e sa transformasyon ki nou pe fer dan Gouvernman.

MR SPEAKER

Mersi *Chief Secretary*. Onorab Cosgrow.

HON WALLACE COSGROW

Mersi Mr Speaker. Bonzour *VP, Chief Secretary* avek ou tim. Mr Speaker, mon pou al direk lo *strategic priorities bullet point number 3*, ki koz lo '*support sustainability of the wage bill of budget-dependent entities*.'

Mon sipoze ler zot in met sa koman en priyorite, mon krwar zot anvi *manage* sa ki nou apel *wage to GDP ratio*, dan Gouvernman, sirtou *public service*.

E la Mr Speaker, an mezir ki nou pe regle *or* nou pe revwar bann diferan *wages* dan *public service*, pour ki nou anliny li avek serten - serten standar e osi nou vwar osi bann fonksyon, bann rol ki zot fer.

Nou pa get zis *the public service* kot bann travayer, travayer *public service* li menm, me nou osi annan en responsabilite pour get bann lezot travayer ki donn - ki travay dan *public service* par egzanp bann *constitutional appointees*.

Now, avek sa ki mon'n dir Mr Speaker, mon ti a kontan Vis Prezidan ouswa *Chief Secretary* i dir ek nou, ler nou pe get soutenabilite *wages* dan Gouvernman e *DPA* i form par sa komite ki ti rekomann, serten azisteman dan saler *constitutional appointees*.

So eski *DPA* i kapab dir nou, ler i pe get *sustainability*, e akoz ki zot in *allow* sa propozisyon, sa groser reminerasyon saler, pour bann *constitutional appointees* sirtou Prezidan, Vis Prezidan, Minis, Manm Lasanble, eksetera, eksetera.

So akoz Mr Speaker (non, i al anliny avek sa *sustainability*)

(*murmurings off-mic*)

MR SPEAKER

Order! Order!

HON WALLACE COSGROW

Si i en *strategic priority*, then akoz nou pa pe get sa *strategic priority*, e nou pe al kont sa *strategic priority*. I enportan nou konnen, nou koz lo la. E *DPA* petet i kapab donn nou en nide, akoz zot in osi propoz sa groser saler pour sa bann *constitutional appointees*. Mersi.

MR SPEAKER

Mersi. Mersi Onorab. Mon rekonnet, mon rekonnet ki sa size in deza mont dan Lasanble, in ganny reponn e i pa dan sa Bidze. Be selman mon permet *VP* oubyen *PS* – (*sorry*) *Chief Secretary* klarifye si i annan klarifikasyon pour azoute. *VP*?

VICE PRESIDENT AHMED AFIF

Mersi bokou Mr Chair. Mr Chair, sa trwazyenm pwen pe koz lo soutenabilite lo *wage bill*. E esansyelman lide se gard *wage bill* dan en mezir, kot i soutenab vizavi nou reveni e nou depans total.

Sa nou fer li an kolaborasyon avek plizyer eksper dan sa domenn, tel ki bann lenstitisyon miltilateral,

ki pa get zis Sesel, i get plizyer lezot pei e i donn ou konsey lo ki manner ou devret annan en striktir ki efikas, groser ou sekter piblik, vizavi *GDP* ou pei e ki manner ou delivre. E sa i en legzersis enportan.

Sa zafer ki i annan en rekomandasyon sorti kot i pa *DPA*, sa en pe letan ti apel *DPA* i apel *PSB, Public Service Bureau* ki annan en rekomandasyon ki'n fer avek Gouvernman. I pa korek.

Napa okenn rekomandasyon ki'n ganny fer avek Gouvernman. par *Public Service Bureau*, ni par okenn komite ki pe fer en letid parske i ankor an diskisyon.

Mon krwar i enportan pour nou edik pep Seselwa, pour nou donn lenformasyon ki korek. Ler dan Lasanble sa size ti leve, mon profite pour eksplike nou ti eksplik tre kler, ki i annan en proses, evalyasyon, diferan saler enkli *constitutional appointees*. E en letid pe ganny fer, en komite ti ganny apwente.

Zot pa ankor fini zot travay. Zot in fer plizyer prezantasyon, diferan konpozisyon ki ankor dan e *very draft stage*. Akoz nou apel li en *draft stage*? Parske i pa ankor fer tou konsiltasyon; i pa ankor zwenn Manm Lasanble

Nasyonal, i pa ankor zwen Zidisyer, i pli pa ankor zwenn plizyer lezot parti prenon enportan. Napa en rekomandasyon final.

E Mr Speaker, mon bezwen dir ki mon ler mon get dan sa Bidze ozordi, mon al lo paz 682, sa dokiman ki'n ganny donn avek nou, e mon get lo sa paz ki donn *Presidential Emoluments, Vice Presidential, Ministerial*, i donn tou bann-tou bann saler.

Mon pa vwar sa bann gro saler ki zot pe dir. Mon pa vwar! Alor annou edik pep Seselwa sa ki byen. Dan sa Bidze ozordi, sa ki pe ganny peye pour *constitutional appointees* ki enkli zot, koman Manm Lasanble, i egzaktaman parey Lalwa i preskrir. Napa okenn sanzman ki'n ganny propoze.

E zour sa i ava arive, i a ganny fer an konsiltasyon ek tou bann dimoun enportan dan sa proses, ki enkli Lasanble Nasyonal, Zidisyer tou dimoun ki enportan.

Annou aret anbet Seselwa pour krwar dan sa Bidze i annan en logmantasyon pour tou bann *constitutional appointees*. Mersi Mr Speaker.

(APPLAUSE)

MR SPEAKER

Mersi VP. Onorab Herminie.

HON WILBERT HERMINIE

Mersi Mr Speaker. Bonzour VP avek ou delegasyon. VP, mon pou al dan PSIP. Ler mon pe get renovasyon *building*, 15 milyon zot in donnen. 2milyon – 2.5milyon lannen pase, 8.2 sa lannen. Mon le ganny en konpran ki groser renovasyon ki zot pe fer? Akoz sa pri 15 milyon ou kapab fer 2 *building* ladan. So, donn nou sa 5 pli gro konponan akoz sa pe ariv R15 milyon? Mersi.

MR SPEAKER

Mersi. *Chief Secretary?*

CHIEF SECRETARY PUBLIC SERVICE BUREAU SHELLA MOHIDEEN

Ok, Mr Speaker. *The National House building*, mon krwar ti ganny konstrir depi lannen 1972. Apepre 50 an pase. E an premye, petet les mwan eksplike ki letan mon ti vin Lasanble lannen pase, *projet* se ti pour nou repar selman sa *wings* kot AG ti ete. Pour nou kapab apre donn servis bann lezot departman Gouvernman.

Me selman, boner dan lannen nou'n vwar ki *the wiring of the National House building*, i annan serten travay ki bezwen ganny fer. Akoz letan ou

building in vye, *wiring* i ganny fer pour en serten kantite *appliances*.

Avek modernizasyon, ou pe servi plis bann *tool* teknolozi.

E la i annan sa *Human Resource Management System* ki pe vin an plas. Si ou pe fer sa, i vedir ki ou pe vwar plis bokou *computer* avek lezot sistenm nimerik ki pe antre. I annan en *risk* ki nou ti fer menm *fire services* vini vin regarde.

E nou'n vwar ki i nesese pou nou *pause* sa renovasyon. Met sa 2 *projet* ansanm, pou nou fer *major renovation in terms of – the focus is very much rewiring of the National House Building*. E osi nou pe profite.

Akoz letan ou fer *rewiring of a building*, i vedir *the whole building* pour en peryod letan pou napa elektrisite. Letan napa elektrisite, ou pa pe kapab travay ladan.

So nou pou profite pour nou fer enn de renovasyon ki annan lo en *building* ki *quite old in terms of* striktir.

Onorab, larzan ki nou'n prozekte la, i *value* ki nou'n gannyen avek SIA. Me selman, i pa ankor fini fer tou travay. Savedir, *scoping* pa ankor fini fer. QS pa ankor vini pou *quantify* sa travay.

So si letan dan lenplimantasyon, i pou annan

sa proze ki vin plis, Lasanble pou konnen. Akoz nou pou tournen dan *Mid-year Review* pou nou fer zot konnen.

E menm osi petet dan *next budget*, nou ava kapab dir ki kantite larzan nou'n servi. E si i annan *savings* nou ava kapab dir zot.

So nou'n fer provizyon pour nou kapab fer sa *major renovation work* ki nou le lo sa *National House building*. Mersi Mr Speaker.

MR SPEAKER

Mersi *Chief Secretary*. Onorab Henrie?

HON GERVAIS HENRIE

Mersi Mr Chair. Bonzour tou dimoun. Mon kestyon i konsern lo *performance measures for program*. E mon partikilyerman enterese avek latab 5 avek 7.

Ler mon pe get bann *indicators* ki zot, zot pe servi. E mon konpran ki zot pe mezir zesyon ek performans, kalite avek standar. E lo en pwennvi enstitisyonnel, i mars byen mon mazin.

Me selman pour piblik ki en konsonmater servis piblik, li i anvi son telefonn i ganny reponn; i anvi i kapab *track* son dokiman letan in anvoy en *email* ouswa en let; i anvi ganny en larepons dan en dele letan.

En travayer ki travay dan servis piblik i anvi kapab konnen ki bor i ale pour li anmenn en *grievance*. Olye ki *end up* lo latab *Leader* Lopoziyon.

E pour bann zournalis ki enterakte avek bann *public service* - bann *MDAs*, zot anvi annan en *Public Relations Officer*, en *Information Officer*, en *website* ki byen *update*. So, sa i bann pti keksoz ki nou kapab mezir en standar dan Gouvernman.

Me selman si nou gete ozordi dan la pratik, nou vwar i annan en dezekilibrasyon ant bann diferan *MDAs*. Zot pa dan menm *gears*. Zot pa pe travay avek menm lavites.

Si mon donn en legzanp Mr Chair, vitman; Bidze in pase, in annan en seri *interview* kot bann *MDAs* pe koz lo zot larzan ki dan Bidze e bann proze. Mon'n vwar *ASP*. Mon'n vwar *SIA*. Mon'n vwar Minister Finans. Apre in *slack*. Depi Vandredi in napa ankor.

Be nou konnen i annan bann lezot *MDAs*. Parey *NSC* i annan. Minister Later ek Lakaz i annan en kantite larzan e zot merit pe eksplik sa avek piblik. So, i annan sa dezekilibrasyon.

How dan lapratik sa bann target koumsa, pa pe ganny *capture* pour mwan kapab

satisfé poudir vreman nou pou war sa progresyon ek sa lavites ki nou le vwar dan servis piblik, lo sa bann pti, pti legzanp ki mon'n donneren? Mersi.

MR SPEAKER

Mersi Onorab. *Chief Secretary*?

CHIEF SECRETARY PUBLIC SERVICE BUREAU SHELLA MOHIDEEN

Ok. Mersi Mr Speaker. Sa kekyon ki ou'n demande pour nou *set* sa bann kalite *target*, i kapab ganny fer. Me selman i pli difisil pou fer, akoz ou bezwen osi annan bann - Akoz tou *target* ki ou *set*, pou ou kapab anmas *data* – pou ou kapab *report* lo la ou bezwen kapab anmas *data*.

So, an premye, mon krwar avek sa parkour ki nou pe fer dan *digitalization*, i ava ed nou pou nou fer sa. So, i annan en travay ki nou pe fer. Tar dan lannen la i annan detrwa sesyon ki'n *chair* par Prezidan li menm lo *ease of doing business*.

Kot nou pe regard en pti pe servis *delivery* ankor dan Gouvernman. E nou pe fer en travay la ki nou apel li *the Customer Service Charter*.

I en keksoz ki mon'n koz lo la avan. Me solman pou met li dan lenplimantasyon, i pe pran en pe letan. E *Customer Service*

Charter i *set* standar pour servis ki ou pou donn ou sitwayen. Me selman an retour osi i...sitwayen ki i ekspekte i anmennen pour li kapab – pour ou kapab donn li sa servis.

So, letan nou pe *set* sa bann *Customer Service Charter* ki nou anmenn *digitalisation*, i ava pli fasil pou nou kapab annan bann standar e mezire. Me selman *in the meantime*, i pa anpes lorganizasyon pou zot *set* bann *tool*, pou zot kapab *access service delivery* dan zot *various MDAs*.

E mon'n note la, petet *Public Service Bureau* ki *head*, nou ava regarde ki mannyer nou kapab akseler sa parkour pou nou fer sa arive.

Me selman, toultan ki ou napa en fason pou ou anmas lenformasyon pou ou kapab mezire, i difisil pour ou *set* bann *target*. Akoz ou pou zis dir ou pe fer.

Par egzanz dan lepase nou'n vwar en kantite bann Minister ki dir ek ou koumsa, zot pe al *improve customer service*.

Me selman zot pa'n dir ki *the baseline is*. E ki zot pe al fer pou zot anmas lenformasyon, pou zot vwar poudir vreman zot *in improve customer service*.

So, i tout en travay ki pe ganny fer. Akoz nou pe fer en

kantite sa bann *training* lo *monitoring and evaluation* par egzanp; pou montre lorganizasyon ki mannyer ou set bann *target*.

Ki ou pou annan lenformasyon pou ou kapab mezire, apre an retour pou ou vwar si ou pe anmenn sa *performance improvement*. Me selman mon'n note parey mon'n dir e nou a regarde ki nou kapab fer.

MR SPEAKER

Thank you, Chief Secretary.
Onorab Loze?

HON JOHAN LOZE

Mersi Mr Speaker. Mr Speaker, VP dan son repons pour Onorab Cosgrow in dir napa okenn komite ki'n fer prezantasyon avek Gouvernman.

Mr Speaker, dan zot *meeting* kanpany ki zot ti fer kot STC, Prezidan ti admet ki sa komite in fer prezantasyon lo sa bann saler avek zot.

Ou menm ou Mr Speaker, ou ti admet Mrs Richardson dan nou Lasanble, pou reponn kestyon. So, ou'n admet sa komite. E Prezidan li in admet ki sa komite in fer en prezantasyon avek zot.

So, koman Lasanble nou bezwen ganny repons ki vre, ki *être*, ki reel e ki kredib.

Prezan pour mon kestyon Mr Speaker, PSB in sit "*weak leadership across MDAs*". Sa en keksoz ki nou, nou dakor avek. Akoz, *it hits right to* linefikasite sa Gouvernman, admet par PSB li menm.

Prezan, eski PSB vi ki in admet sa, i pe *advise* Gouvernman pou fer sanzman lo nivo *leadership* dan bann Minister, par egzanp lo nivo Minis? Akoz zot, zot bann *Leaders* pli *weak* e inefikas dan sa Gouvernman! Mersi Mr Speaker.

MR SPEAKER

Mersi. Mon war sa plito konman en lot lakizasyon ankor lo inefikasite. Mon pa war si i annan relasyon avek Bidze. *Chief Secretary*, mon pou zis dir ou; si i annan en koneksyon avek Bidze, reponn lo la silvouple. Si non, nou *move on to next question*. *Chief Secretary*, i annan okenn klarifikasyon?

CHIEF SECRETARY PUBLIC SERVICE BUREAU SHELLA MOHIDEEN

Well, i napa okenn koneksyon avek nou laliny Bidze ozordi.

MR SPEAKER

Mersi. Onorab Aglae, ou kestyon?

HON EGBERT AGLAE

Mersi Mr Speaker. Bonzour *VP e Chief Secretary* ek ou delegasyon. *Chief Secretary or VP; as part of lenplimantasyon the full RBM, ok - an Avril en delegasyon ti al fer en vizit Singapore.* Mon ti a kontan konnen, akoz napa okenn larzan ki ti'n ganny mete dan Bidze pour sa. Konbyen ti koute? E ki son retonbe? Mersi.

MR SPEAKER

Mersi. *Chief Secretary?*

CHIEF SECRETARY PUBLIC SERVICE BUREAU SHELLA MOHIDEEN

Mersi Mr Speaker. Wi, an Avril ti annan en delegasyon ki mwan mon ti *head delegation.* Nou ti al *Singapore.* Ti annan 25 *Human Resource Officers* ki ti ale. E nou ti al fer sa ki nou ti apel en *learning journey.*

E *it was through the corporation, Seychelles/Singapore Corporation.* E sa ti ganny *fully funded by* Gouvernman *Singapore.* E Sesel li nou ti zis *required* pour nou pey nou *airfares.*

E – *well* mon pou napa en sonm egzakt konbyen bann *airfares* in arive, akoz sak *MDA* ti *required* pou zot pey *airfares*

zot own employee. Me selman *in terms of per diem.* In terms of *akomodasyon.* In terms of *training,* tousala ti ganny *funded by* Gouvernman *Singapore.*

E travay ti parey mon pe dir - nou pe fer transformasyon *HR* dan Gouvernman. Nou'n – Mon vwar nou nou'n *inherit* en Gouvernman kot *HR* ti baze en kantite lo ladministrasyon. And *thus, the name Department of Public Administration.* E nou pe *move* dan *Human Resource Management.*

E i vedir ki *instead of just* fer ladministrasyon, nou pou fer lezot fonksyon *HR.* Ki mon pa pe dir pa ti fer. Me selman nou bezwen *strengthen.*

Par egzanp si mon pe pran *succession, succession* i - mon pa'n vwar ditou letan mon'n antre. I en keksoz ki nou pe travay lo la. Si i ti annan, i pa formalize.

Appraisal ti plito baze lo *generic, rather than customize to suit* sa profesyon ki sa dimoun i ladan. Ki la nou pe fer *Performance Management System.*

Nou annan nou, bann gran, gran kantite *files* ki *the whole world* pe *move digitalization,* ki la nou osi pe anmenn sa sistenm *Human Resource Management.*

So letan ou pe fer sa transformasyon, i enportan ki dimoun ki pou ed ou dan sa transformasyon i *visualize* e vwar en lot pei ki pe fer.

E letan nou'n al *through Foreign Affair* – kontrer mon le remerci *Foreign Affair*. Letan nou'n al *Foreign Affair* ki nou'n met nou *projet*, Gouvernman *Singapore* in aksepte pou nou donn sa led. E nou'n kapab al laba pour nou kapab fer sa travay.

So tou sa, i bann demars pou nou kapab anmenn *Human Resource Management* ki pli *efficient*. E si nou pe *manage* nou *Human Resource better*, nou ekspekte ki nou lafors i vin pli prodiktiv. Mersi Mr Speaker.

MR SPEAKER

Mersi, *Chief Secretary*. Onorab Gill?

HON CHURCHILL GILL

Mersi Mr Chair. Bonzour *panel*. Mon keston se; sa *Result-Based Management* ki ou'n antre lo la ki ou'n lanse, i depan bokou – non, *ultimately* ou pou bezwen al fer evalyasyon avek *appraisal*, pour ou konnen si sa pe marse. Me selman la ou lanfaz lo *training* i lo *HR*.

Si zis ou kapab konekte sa 2 keksoz – ki mannyer ki *training* pe donn *HR*, me selman

ou dapre ou, ou krwar ki sa lobzektif ki zot pe rode ou pou kapab gannnen, san ki sa bann dimoun ki zot ki responsab sa bann ki annan *leadership* dan sa bann diferan seksyon, ki mannyer sa pou koul kot zot sorti kot sa *HR*?

E plis, sa bann *training* ki ou pe gannnen, lekel ki pou *assess* pou asire ki sa ki ou pe – ou lobzektif pour sa bann *HR* ki ou pe fer, ou pe aktyelman *achieve* sa? Mersi.

MR SPEAKER

Mersi Onorab. *Chief Secretary*?

CHIEF SECRETARY PUBLIC SERVICE BUREAU SHELLA MOHIDEEN

Mersi Mr Speaker. I annan en kantite *training* ki nou'n ganny – ki nou'n donneren pour *HR*. Vre. Me selman pa zis *HR* ki'n ganny *training*. *Actually*, i annan en kantite *training* osi ki nou'n fer pour bann *accounting officers*.

Par egzanp, *training* dan *planning*, *monitoring* and *evaluation*, *budgeting*; *even performance management* in ganny fer avek bann *accounting officers* dan Gouvernman. Mwan osi koman en *accounting officer*, mon osi mon'n par dan sa bann *training*. So, i pa zis *HR* ki pe fer *training*.

I tou. Nou pa pou kapab *training* tou dimoun an menm tan. Me selman nou pe – *we have a list of priorities*. Nou'n konmans ek *accounting officer*. Letan nou'n fini ek *accounting officer*, la nou pe pran bann *HR*. E apre i pou annan ankor bann lezot.

Par egzanp zis sa semenn, bann nouvo *accounting officer* ki fek antre dan Gouvernman, zot in fer en *induction*. E *part of* sa *induction*, nou'n fer zot fer *monitoring and evaluation*.

E par egzanp mon pe dir ki *in the past* mon pe ganny dir ki bann nouvo *accounting officer* ki'n antre dan Gouvernman, i pa'n annan en *induction session* ki ganny fer.

Sa nou fer konmela, pour zot konpran *what is RBM; what is required of them* letan i annan *planning* pou fer. *What is monitoring and evaluation*.

So, pa zis *HR* ki pe ganny *trained*. I en *training* ki nou pe tous tou *leaders*. Me *HR* nou vwar li priyorite *as well*, akoz *HR* i *manage the whole Human Resource* li. I annan travay ki nou anvi fer ki si nou pa pou ganny sipor *HR*, nou pa pou kapab fer.

Mon ti donn en legzanp *succession*. Si nou pe dir annou fer *succession plan* pour bann lorganizasyon, *HR* ki pou *lead*

sa. So nou pou bezwen letan nou pe koz *succession*, nou pe koz menm langaz ek *HR*.

Nou anvi develop en *Human Resource Plan* pour pei par egzanp. Pour Gouvernman. Mwan mon *lead* Gouvernman.

Me ou pa pou kapab dir zot koumsa get dan ou lorganizasyon, regarde *what are the gaps*. Fer *training needs assessment*, fer *gap assessment* si ou pa'n donn zot bagaz pou fer sa.

So, zot bezwen ganny a bagaz pour zot kapab ede avek sa transformasyon ki nou anvi fer. Mersi Mr Speaker.

MR SPEAKER

Mersi *Chief Secretary*. Onorab Vidot?

HON CHURCHILL GILL

(Off-Mic)

CHIEF SECRETARY PUBLIC SERVICE BUREAU SHELLA MOHIDEEN

Sorry? I annan en bout - *sorry?*

MR SPEAKER

Sorry. Sorry Onorab.

HON CHURCHILL GILL

Ti annan zis en bout ki i pa ti'n reponn.

**CHIEF SECRETARY PUBLIC
SERVICE BUREAU SHELLA
MOHIDEEN**

I annan en...?

MR SPEAKER

Onorab, mon pe pran lot kestyon.

(Interruption)

HON CHURCHILL GILL

(Off-Mic)

MR SPEAKER

I annan kestyon ki pa'n ganny reponn? *Ok*, si kestyon pa'n ganny reponn, mon a ekout ou.

HON CHURCHILL GILL

Non, mon'n dir li tou sa *training* ki pe anbank ladan, lekel ki fer evalyasyon pou li asire ki i pe *achieve* sa ki i pe – sa bann lobzektif?

MR SPEAKER

Ok. Yeah, mersi. Evalyasyon, *Chief Secretary*?

**CHIEF SECRETARY PUBLIC
SERVICE BUREAU SHELLA
MOHIDEEN**

Mersi Mr Speaker. An premye evalyasyon, nou oule parey nou'n mete dan nou bann *target*, nou le *increase compliance*. Akoz si ou pe *comply* avek tou sa bann

regilasyon, ou pe ekspekte ki performans pou monte. So nou pou konmans la.

Me solman parey i annan en Onorab in dir la, nou bezwen osi regarde apre ki mannyer i tous *the citizen*. Sa i ava sa *next step* pour nou devlop bann *other indicators* pou nou kapab mezire. Mersi Mr Speaker.

MR SPEAKER

Mersi. Onorab Vidot?

HON AUDREY VIDOT

Mersi Mr Speaker. Mr Speaker, mwan mon pou ranforsi lo sa ki Onorab Gill in fer resorti. Spesyalman kot letan *Chief Secretary* ou'n koz lo sa 6 *HR* ki pou fer serten travay, sirveyans ek evalyasyon avek bann *MDAs*.

Eski avek sa Bidze, ou santi e ou vwar poudir zot pou kapab vremen prioritiz tou sa bann demann lo promosyon, e bann *scheme* ki bann *MDAs* pou soumet avek zot? Eski zot krwar zot pou kapab *meet* sa *target* ki zot pe *set* avek sa? *Thank you*.

MR SPEAKER

Mersi. *Chief Secretary*?

**CHIEF SECRETARY PUBLIC
SERVICE BUREAU SHELLA
MOHIDEEN**

Ou pe koz lo sa 6 *Human Resource Practitioner* ki nou pou *recruit*? Sa 6 *Human Resource Practitioner* pou baze kot *Public Service Bureau*. E zot, zot pou ganny *training* parey bann lezot.

Me selman zot pou ganny *special training* ki zot pou vin parey nou bann *Compliance Officer* dan bann *MDAs*. So, zot pou ede ek sa evalyasyon ki pe ganny fer.

Nou pou konmans avek 6. Bidze pour lemoman i permet 6. So nou pou konmans ek 6 a 6. E anmezir nou ale, si nou santi ki sa 6 i ase, nou ava reste ek sa 6.

Be selman si nou santi pou annan ankor mendev ki nou pou bezwen, sa baze lo *fiscal space* nou ava diskit ek Finans. Nou ava regarde ki mannyer nou bouz devan.

MR SPEAKER

Mersi *Chief Secretary*. Onorab Pillay?

HON SEBASTIEN PILLAY

Mesi Mr Chairman. Mr Chairman, mon pou refer avek bann *PPPP statements* ki nou'n gannyen pour *PSB*. Nou'n seye adres sa size *weak leadership across* bann *MDAs*.

Nou pa satisfè ek larepons ki nou'n gannyen. Nou *still maintain* ki *weak leadership* i

ankor en problem. Akoz i *still* annan bokou konplent dan lafason ki bann *MDAs* i performen. Me i tou depan mannyer *PSB* i deside pou li pran kestyon ler nou demann li.

So nou kestyon i vin pour *PSB*; *regarding* Bidze ou annan en konponan ou Bidze ki permet ou pou ou fer – mon pa pou apel li *oversight*. Me ki permet ou pour ou annan en *droit de regard* lo bann diferan *schemes of service* bann antite. Akoz se ou ki *become the mainstay* la. *The central for focal point*. Ok?

E prezan se ou ki pe regard, par egzanp an relasyon ek *Public Sector Commission*, avek *Public Service Management and Performance*. Se ou ki pe regard bann *schemes of service*.

E nou pe kontinyelman ganny dir ki bann *scheme of service* i ganny anvoye kot *PSB*. E apre *scheme of service* i espere kot *PSB*, pa tann naryen. Ale, vini.

Par egzanp lopital; nou, nou pa krwar sa ki Minis in dir nou. Minister Lasante i dir nou poudir in anvoy son *scheme* kot *PSB*. Be nou, nou krwar poudir lopital – *I mean* Minister Lasante, i annan *delegated authority*. Me li in dir nou poudir in anvoy kot ou.

Yer Brigadye, in dir nou poudir pour *brass band* osi in anvoy kot ou. Sertifika in ganny pran, in ale vini eksetera. So, vi ki sa Bidze lannen pase in kree tou sa problem, kot ou pa'n kapab delivre lo ou larepons lo sa bann *scheme*, eksetera, mon pa war gran sanzman sa lannen.

So ki mannyer ou pou delivre lo sa bann *request* pou revwar sa bann *schemes of service* - e pour lapolis? La lapolis in dir pour li osi pe ganny revwar, byento pou al kot *PSB*. So sey eksplik nou. Donn nou en apersi kler.

Akfer nou pe *vote* en Bidze pour sa bann antite ki annan *HR*, kan tou sa bann *scheme* i devret pe vin kot ou? E ki ou devret *adjust* aköz problem pour bann travayer i reel.

Par egzantp kot lopital, *scheme of service* pour bann *Public Health workers* pa ankor sanze. *Scheme of service* pour bann *Allied Health Professionals* pa ankor sanze. Ledikasyon i dir osi *schemes of service* pour *teachers* ankor *parey*.

So kote ki problem i ete dan *PSB* avek sa Bidze ki zot in gannyen, ki pa pe permet zot delivre lo sa fonksyon? Oubyen eski problem i sa *weak*

leadership ki annan *across* bann Minister?

E la mon ti a kontan zis servi en legzanp pou montre, se Prezidan Larepiblik li menm dan en *rally* Praslin resaman ki'n koz lo zisteman problem ki annan dan servis piblik.

MR SPEAKER

Bon. Ale.

HON SEBASTIEN PILLAY

So, i bezwen swa ou, ou pe mal fer en keksoz, swa Prezidan ki pe mal fer. Nou, nou krwar Prezidan ki pe mal fer, be selman....

MR SPEAKER

Be bon. Ou'n poz ou kestyon, mersi. *Chief Secretary*?

CHIEF SECRETARY PUBLIC SERVICE BUREAU SHELLA MOHIDEEN

Mr Speaker, mon – letan nou pe koz *weak leadership*. Mon ava konmans avek sa apre mon ava al lo *scheme*. Mon pou dir ki nou bann *leaders* dan Gouvernman i annan en kantite *technical experience*, en? Aköz i annan zot ki la pour bokou letan.

E i annan bokou *leaders*, aköz zot *technical expertise*, zot in ganny mete dan bann *managerial position*. E ki pa'n

ganny fer se, pou ed zot avek sa lankadremman *management*. E sa ki nou pe fer la. Letan nou pe koz ki nou bezwen *improve competencies* nou bann *leader* dan Gouvernman, zot fer bann bon travay zot. Zot fer en kantite travay.

Selman annandler i bon pe bann travay ki en pe teknik. E la ki nou pe fer, nou pe ankadre zot, pou zot kapab osi delivre tou lede rol. Akoz letan ou en bon teknisyen, ou devret ganny ankadre prezan pou ou kapab osi fer sa rol *managerial*. E *leadership* i dan *management*.

E petet dan lefase, nou pa'n vwar nesosite pou nou ankadre nou bann *leaders*, pou zot ganny sa laspe *managerial* ki la nou pe fer sir zot gannyen. Sa i an premye.

When it comes to scheme of service, mon pa pou kapab asiz la pour mwan dir nou pou reviz tou *scheme of service*. Revizyon tou *scheme of service* i annan en laspe monneter par deryer. *Ok?*

E pour nou kapab reviz en *scheme*, i bezwen annan lespas dan sa laspe *wage bill*. E travay ki nou fer *Public Service Bureau* an *partnership* avek Finans, se pou nou regarde kote ki annan lespas pour nou kapab fer revizyon *scheme*.

Mr Speaker, pou ou dir lekel *scheme* ki pli enportan, lekel *scheme* ki devret ganny revize an premye – (espere mon pe reponn mon kestyon) i pa en travay ki fasil sa akoz petet bann travayer lasante zot, zot vwar poudir pour zot i devret ganny revize, akoz zot kad i enportan.

Ou pou annan *teachers* ki pou dir sa. Ou pou annan polisye ki pou dir sa. Ou pou annan bann *housekeepers* ki pou dir sa. E mwan mon krwar tou travayer dan zot fason ki zot kontribye i enportan.

E nou pa kapab zis *pick one or the other*. I bezwen travay tre stratezik, tre konpreansiv ki nou pou fer. E sa i en travay ki nou pe fer. E letan – parey mon'n dir, letan *fiscal space* i *available*, apre nou a kapab vin donn plis lenformasyon.

Back to ou kestyon ki ou'n demann mwan, *HR*. *HR* letan nou travay avek zot, zot pou kapab fer pli bon travay lo sa bann *scheme of service*, pou fer sir ki zot donn nou bann *scheme*. Ki letan i ariv kot nou, pou nou kapab fer diskisyon ek Finans. In byen ganny travay lo la. E la nou a kapab fer sa bann desizyon stratezik ki baze lo *fiscal space* ki *available*. Mersi Mr Speaker.

MR SPEAKER

Mersi *Chief Secretary*. Onorab Gabriel?

HON CONRAD GABRIEL

Mersi Mr Chair. *Welcome* Minis ek ou nouvo *panel*. Zis en pti remark zeneral. Onorab Henrie in dir medya i sipoze siport bann antite. Dir ki pe arive pe pase. Be Bidze pa ankor aprouve. Mon krwar pa si i normal pour bann antite konmans mont lo televizyon, diskrit zot bann Polisi.

(laughter)

HON CONRAD GABRIEL

Dabor, *Chief Secretary* mon'n ekout ou tre byen.

(Interruption)

HON CONRAD GABRIEL

Mon'n ekout ou tre byen.

MR SPEAKER

Carry on please. Order! Order!

HON CONRAD GABRIEL

Savedir Mr Chair, inital nou fer sa legzersis Bidze. Nou konnen tou keksoz pou pase pou byen. *So Chief Secretary...*

MR SPEAKER

Onorab, ale. Prosed avek ou pwen.

HON CONRAD GABRIEL

Ok. Ou'n koz lo strategic planning. Ki future nou oule pour Sesel work in progress. E nou pou vwar benefis. I paret ou konfidan. Mon byen kontan. Eski sa Bidze ki ou'n gannyen, i pou akonplir pour bann lobzektif, silvouple?

Apré zis en pti remark. Singapore mon krwar ou pe sey follow son bann sa. Singapore i en pe diferan ek Sesel silvouple. Mersi.

(Interruption)

MR SPEAKER

Mersi. Byensir. *Chief Secretary?*

CHIEF SECRETARY PUBLIC SERVICE BUREAU SHELLA MOHIDEEN

Mr Speaker, letan ou al *learning journey* la, ou pa al pou ou vin fer parey. Ou ale ou aprann, apre – ou pa adopte, ou adapte dan konteks ou pei. E mon krwar si nou le Sesel i modernize, nou pa kapab al dan en pei ki pli ba ki nou.

Nou bezwen al dan en pei ki par devan nou, pou nou kapab *benchmark*. Pou nou konnen kote nou anvi arive. So nou pa pe al kopi nou. Nou pe al aprann pou nou adapte dan konteks Sesel. *Ok?*

Mr Speaker, *the other question* ti annan pou fer avek si Bidze i ase? Mon krwar nou tou nou konnen toultan i annan limitasyon kot resours i konsernen. E letan nou ti aprann sa konsep *PPBB*, i ti dir ou koumsa fer *maximum* ki ou kapab avek resours ki ou annan. Konmans anmenn rezilta.

Pa zis asize esper sa ki ou napa. So, sa ki nou pou fer nou. Nou pou fer sa ki nou kapab avek resours ki nou gannyen.

(APPLAUSE)

CHIEF SECRETARY PUBLIC SERVICE BUREAU SHELLA MOHIDEEN

Nou pou sey anmenn *maximum* rezilta ki nou annan. Nou pa pou asize pou nou esper sa ki nou pa'n gannyen. So nou pou fer nou mye avek Bidze ki nou annan. Mersi Mr Speaker.

MR SPEAKER

Mersi *Chief Secretary*. Onorab Monthy?

HON PHILIP MONTHY

Mersi Mr Speaker. Bonn apre midi *VP*. Bonn apre midi *Chief Secretary* ek ou delegasyon. Zot annan en program 3 *quality assurance and standards*. E

mon kestyon i dekoul en pe dan lalinye pour Onorab Gill.

Ou'n koz lo bann *compliance officers* osi ki zot pou anploye. E ki *HR* pou ganny *trained* pour ki zot responsabilite vin pli larz, ki parey i ti ete dan lepase. E sa bann *compliance officer* pou fer sir ki sa bann *HR* pe delivre, pe fer sa ki zot devret pe fer konman *HR*.

Eski pa ti pou bon *going forward* dan bann prosen Bidze, petet pou prevwar, ki sak *MDAs* zot osi zot annan en *quality assurance officer*? Ki li son responsabilite se pou fer sir pou *take HR to task*, pou fer sir ki *HR* pe delivre. E apre li *quality assurance* i *liaise* direkteman avek sa bann *compliance officer* kot ou departman. Mersi.

MR SPEAKER

Mersi. *Chief Secretary*?

CHIEF SECRETARY PUBLIC SERVICE BUREAU SHELLA MOHIDEEN

Mr Speaker, i annan en travay ki nou pe fer ki sak *portfolio* pou annan sa ki nou apel en *Result-Based Management Chief Officer*. E li ki pou sa dimoun dan lorganizasyon ki pou fer sir ki i annan *compliance*. *Not just*

HR, but the whole RBM framework.

Actually, i annan en negosyasyon ki nou pe avek Gouvernman UAE akoz zot, zot annan enn ki pe mars tre byen. E ankor Gouvernman UAE in sorti premye letan ou pou get rating of Government. So nou pe aprann en pe kot zot. Nou pa pou kapab fer parey. Zot annan plis resours ki nou.

Be selman i annan bann serten practice ki nou pou vwar pou anmenn improvement dan nou Gouvernman.

So nou annan en negosyasyon ki nou pe fer ek zot pou zot train nou bann RBM chief. E zot, zot a vin sa compliance officer pour bann portfolio. So, i annan travay ki pe ganny fer. Mersi Mr Speaker.

MR SPEAKER

Mersi Chief Secretary. Onorab Uranie?

HON ROCKY URANIE

Mersi Mr Speaker. Bonzour Mrs Mohideen. Ki manner mon'n tann ou pe dir ki ou napa lespas pour travayer, me selman zot annan lespas parey pour State House met en lift 1 milyon?

MR SPEAKER

Mersi.

(Interruption)

MR SPEAKER

Mersi. Mersi Onorab Uranie. Onorab Woodcock?

HON WAVEL WOODCOCK

Mersi Mr Speaker. Mon kestyon ouswa plito propozisyon, i baze lo zot current challenges kot; pwen 2 kot i dir; "Limited accountability and performance in the public service resulting in non-compliance to HR rules and regulations and ultimately impacting on service delivery".

Mon krwar lesansyel Public Service Bureau, se pou improve lo service delivery. Sa i en faktor ki ozordi i fer ki ozordi i enn bann rezon akoz ki US ozordi i dan Lopozisyon. Akoz konsern piblik lo nivo public service delivery.

Mwan petet en propozisyon ki mon ti a kontan fer se ki; akoz ki Public Service Bureau pa konsider tou bann MDAs - mon pa konnen, en fason kot manm piblik i kapab rate servis ki zot pe gannyen?

Mon pa konnen, petet annan en website kot tou bann MDAs i ganny listed lo sa website. Kot bann manm piblik ler i al dan sa bann lofis, zot kapab rate servis ki zot pe gannyen avek bann public

servant dan bann diferan biro Gouvernman.

Maybe sa en keksoz ki zot kapab konsidere *going forward*, ki ava ed zot kapab mezir nivo performans e osi servis ki manm piblik pe gannyen, dan sak sa bann MDAs, sa bann lofis, lazans, departman ki zot ale. Mersi.

MR SPEAKER

Mersi. *Chief Secretary*, ou annan okenn remark lo la? I en propozisyon. I pa'n en kestyon direk lo Bidze. Mersi.

CHIEF SECRETARY PUBLIC SERVICE BUREAU SHELLA MOHIDEEN

Ok. Mr Speaker. Mon vwar sa i en bon sizesyon. Mon'n note e nou a regarde ki mannyer pou travay lo la. Mersi.

MR SPEAKER

Mersi. Sa i termin lalis ki mon annan. Eski i annan okenn Manm ki annan kestyon ki vremen relevan lo Bidze – an plis. Hon Cosgrow?

HON WALLACE COSGROW

Mr Speaker, zis petet si Ms Tamatave i kapab eksplik nou en pti pe lo sa laliny '*other wages and salaries*' la. Sa 120 milyon pour bann *constitutional appointees* ki i cater for

silvouple? Zis en pti – en leklersisman pour nou kapab konpran byen.

MR SPEAKER

Mersi. Ms Tamatave?

COMPTROLLER GENERAL ASTRIDE TAMATAVE

Mersi Mr Chair. So si nou pou kapab al lo *section 5 of part 2 of the budget*; i annan 4 paz. *Section A i presidential* – lo sa dokiman PDF si zot al lo paz 680. 680 lo sa *part 2*.

MR SPEAKER

Yes, carry on.

COMPTROLLER GENERAL ASTRIDE TAMATAVE

So, anba Seksyon A ki kouver *Presidential Emoluments*, ki Prezidan aktyel avek *former President*. Total *estimate* pour 2024 i en sonm R3.3 milyon.

Anba seksyon B ki pour *current Vice President and former Vice President*. Li i en sonm R1.9 milyon.

Sa i zot *annual salary* avek *annual pension and annual gratuity* Mr Chair, zis pour benefis manm piblik. *Annual pension* i selman pour bann *former President* akoz zot pa ganny *annual salary*. Apre i annan *annual gratuity* pour

bann *former* avek bann *current*.
Ok?

So seksyon *C* i *Ministerial Emoluments* avek – ki li i kouver bann *current Ministers* e *former Ministers*. Ki li i en total R17.2 milyon.

Seksyon *D* ki i pou bann *National Assembly Members Emolument's* ki li i kouver saler *Speaker*, *Deputy Speaker*, bann *Leaders* dan *Lasanble*. E tou *Manm Onorab* dan sak distrik. E osi bann *former Members*. Sa li i en total R32.9 milyon.

Anba Seksyon *E* ki kouver saler bann lezot lapwentman konstitisyonnèl ki enkli; *Oditer Zeneral*, *Ombudsman*, *Electoral Commissioner Members*, *CAA*, *Public Service Appeals Board Members* ek bann *former Ambassadors*. Sa i en total R10.6 milyon.

Anba seksyon *F - Judiciary Act*. Sa i kouver bann saler e *en of term gratuity*. Gratwite tou lez-an pour bann manm *Lakour Siprenm*, *Court of Appeal*, *Rezistrar* ek bann *Masters*. Sa i en total R25.7 milyon.

Seksyon *G* pour *Attorney General* e *former Attorney General*, en total R1.9milyon. E anba seksyon *H* i annan en provizyon R25 milyon ki li nou'n mete konman en provizyon si nou – baze lo legzersis ki pe ganny fer pour

revizyon saler bann *constitutional appointees* dan son totalite. I zis en provizyon ki'n ganny mete. Mersi Mr *Chair*. Sa i fer total R120.2 milyon.

MR SPEAKER

Mersi Ms *Tamatave*. Onorab *Pillay*?

HON SEBASTIEN PILLAY

Mersi Mr *Chairman*. Mon kontan Ms *Tamatave* in klarifye sa R25 milyon ki ti'n ganny mete *as* en provizyon *over and above* sa enn ki dan *Bidze*. E sa i reponn en *kestyon* ki nou, nou ti pe demande.

Si *Vis Prezidan* in dir ek nou koumsa poudir in napa propozisyon. In dir nou napa rekomandasyon. In dir nou napa naryen. Me akfer alors, ki nou annan en propozisyon ki pe ganny mete dan *Bidze*?

E ki mannyer nou'n ariv lo sa sonm R25 milyon, prenon kont ki dapre *Vis Prezidan*, malgre tou dimoun in war levidans le kontrè, in annan propozisyon, in annan rekomandasyon, in annan komite? Lekel ki pe koz laverite? Lekel ki pa pe koz laverite?

MR SPEAKER

Mersi.

HON SEBASTIEN PILLAY

So nou ti a kontan konpran lo ki baz sa sonm in ganny etabli? Mersi Mr Chairman.

MR SPEAKER

Mersi. Mon a zis fer remark ki i napa kontradiksyon. Provizyon i provizyon. An vi ki i annan plan...

(Interruption)

MR SPEAKER

...an vi ki i annan plan. Mon pe reponn!

(Interruption)

MR SPEAKER

Mon pe reponn. Provizyon i provizyon. Bann alegasyon ki annan – mon pe reponn alegasyon ki annan kontradiksyon. Lekel ki pe koz laverite? Lekel ki pa pe koz laverite? Sa kestyon in fini ganny adrese.

(Interruption)

MR SPEAKER

Si napa lo kestyon, nou a *vote* lo Bidze. Bidze pour *Public Service Bureau* lo paz 14 ziska 19 pour en total R42 milyon 296 mil. Manm ki an faver, lev

lanmen silvouple? Mersi. Manm ki kont?

Lo Bidze *Public Service Bureau* pour en total R42 milyon 296 mil, 22 Manm in *vote* pour, 0 kont, 10 in *abstain*. Bidze in aprouve par Lasanble.

Lo Bidze *Other Wages and Salaries* dan seksyon 2 lo paz 24 pour en total R384 milyon 549 mil, Manm ki an faver lev lanmen silvouple? Manm ki kont? Lo Bidze *for Other Wages and Salaries* pour en total R384 milyon 549 mil, 22 Manm in *vote* pour, 0 kont e 10 in *abstain*. Sa Bidze in ganny aprouve par Lasanble. Mersi.

Bon, nou'n ariv a lafen travay lo sa 2 seksyon. Mon remersye ban zofisyete ki'n la avek nou e mon swet zot bon depar e bonn kontinyasyon. E mersi bann Manm pour zot partisipasyon. Nou a pran poz e nou a rebran 2er. Mersi.

(BREAK)

NATIONAL INSTITUTE OF CULTURE, HERITAGE AND THE ARTS**MR SPEAKER**

Bonn apre midi tou dimoun. Nou'n pare pou rebran. Madanm raporter mon a

demann ou apel delegasyon silvouple.

Bonn apre midi Vis Prezidan e osi Ms Tamatave e Ms Karen Bedier sorti kot Minister Finans.

Me nouvo zofisye ki'n zwenn nou egalman, bonn apre midi Mr David Andre, Sekreter *General* pour *Seychelles National Institute of Culture, Heritage and the Arts*, Ms Cecille Kalebi, *Permanent Secretary* dan sa *institute*. Mrs Vania Hoareau, *Senior Accountant* dan sa *institute*.

Zot in zwenn nou pour Bidze *Seychelles National Institute of Culture Heritage and the Arts* ki lo paz 44 ziska 55 pour en total R147 milyon 2 mil. Nou a konmanse parey labitid avek en lentrodiksyon. Vis Prezidan, ou lentrodiksyon?

VICE PRESIDENT AHMED AFIF

Mersi bokou Mr Chair. Bonn apre midi tou bann Manm Onorab e tou dimoun a lekout. Mr Chairman, pour Lenstiti Nasyonal Kiltir Leritaz ek Lar, pour 2024 i annan en Bidze R147 milyon.

E sa i konpare avek son Bidze revize pour 2023 ki R132.6 milyon. Alor en logmantasyon R14.4 milyon. Mon ava donn bann gran liny –

sa 3 gran liny parey labitid. Epi nou ava al dan bann detay.

Pour saler, Bidze Revize pour 2023 i R51 milyon. E pour 2024, R57.1 milyon. En logmantasyon R6 milyon.

Pour *goods and services* pour 2023 revize, R57.1 milyon.

2024, R52 milyon. En rediksyon R5.1 milyon.

Pour *non-financial assets*, oubyen sa ki nou apel bann proze kapital pour 2023 revize, R24.4 milyon.

Pour 2024, R37.8 milyon. En logmantasyon R13.5 milyon. Ki fer ki logmantasyon total pour sa 3 gran laliny i R14.4 milyon.

Mon a konmans avek detay pour premye logmantasyon - se saler. Li i mont, parey mon'n dir par R6.03 milyon. En logmantasyon 1.6 dan sa 6 i annan pou fer avek *recruitment* ki ti pou fer an 2023, me ki pa'n kapab ganny fer. Me ki prezan sa sonm in ganny met dan Bidze 2024.

I annan en sonm R3.4 milyon ki'n pe – in ganny mete pour 2024 pou tenir 41 *cleaner*, e met zot lo *payroll* 2024. Akoz oparavan zot ti avek en *Cleaners Cooperative*.

I annan en logmantasyon R1 milyon pour gratwite pour

bann travayer ki pou ganny drwa zot gratwite an 2024. Alor sa i fer en total R6 milyon pour sa premye laliny *wages and salaries*.

Goods and services parey mon ti dir, i annan en rediksyon R5.1 milyon. E mon ava donn detay. Pour depans elektrisite zot ekspekte en rediksyon R2 milyon. E sa i baze lo lafason ki zot in re aranz bann landrwa kot zot pe travay.

E zot pe bouz dan nouvo batiman *National Library*. Serten bann *unit* dan sa – dan *SNICHA*. E sa i pou anmenn serten lefikasite. Alor zis pour elektrisite zot ekspekte en rediksyon R2.7 milyon.

Anba transportasyon, zot ekspekte redwir depans par R881 mil. E ladan i annan 795 ki pour *overseas airfares* ek *subsistence*. Apre en rediksyon R115 mil lo bann transportasyon lokal. E transportasyon lokal i redwir ankor enn fwa, akoz kot landrwa kot zot in deplase ozordi, kot *National Library*.

Anba *'maintenance and repairs'*, i annan en logmantasyon R164 mil. E sa i tonm anba 2 *heading*. Sa ki apel *'other maintenance'* ki R100 mil. E R72 mil i annan pou fer ek *servicing maintenance* bann lekipman *IT*.

Anba *'materials and supplies'* ki bann keksoz zot servi dan *laundry* oubyen lezot – pou netwaye par egzantp, sa i annan en rediksyon R15 mil.

Anba *other uses of goods and services*, i annan en rediksyon sibstansyel R2.6 milyon. E sa i rann parti akoz 5 *item*.

Premye; *rent*, ki pou redwir par R5.5 milyon, akoz zot pe retourn dan nouvo batiman *National Library*. E pou nepli bezwen alor lwe lespas avek *Maison Esplanade* par egzantp, *Kanna Hall* e lezot landrwa tel ki *Premier Building Annex*.

Me, malgre ki i annan en rediksyon la, pou annan serten lezot kou ki monte. Par egzantp lasirans, li i mont par R331 mil, akoz zot annan en lasirans *'group personnel'* i apel sa, pour nouvo *National Library*.

E i annan serten provizyon ki'n ganny mete pour bann fasilite, pour bann levennman ki R1 milyon. E i a kouver bann zil. I a kouver leritaz. I a kouver lezot aktivite tel ki Festival Kreol.

Alor ki i fer ki anba *other use of goods and services*, malgre i annan sa bann pti logmantasyon, sa *rent* ki konsiderab i fer sa laliny desann par R2.6 milyon.

Anba *minor capital outlays* i annan en pti logmantasyon R223 mil. E sa i esansyelman pour akizisyon bann *high tech equipment*. E sa i annan gran parti pour kontrol klimatizasyon - *aircon* avek sistenm lalimyer pour *auditorium*.

I annan en rediksyon pour *acquisition of cars* – 485, akoz sa in nobou ganny fer dan Bidze ki'n deza pase.

Mon vin lo trwazyenm *item* gran laliny ki *non-financial assets* oubyen sa ki nou, nou konn li konman bann proze kapital. E i annan en logmantasyon R13.5 milyon. E sa i annan vremen 5 *item*.

Premyerman konstriksyon en *admin block* – R10.65 milyon. Renovasyon Lorloz ki R800 mil. Renovasyon *Carnegie* ki nou'n met R5 milyon. Me i pou etale dan en peryod. Renovasyon *National Library* ki 16.4.

Me selman sa vi ki laplipar in fini ganny fer, alor i vin en rediksyon dan Bidze 2024. E finalman konstriksyon arshiv, ki R5 milyon. So, sa bann osi i etale pandan 24/25. Alor ki fer ki sa ki nou apel *Capital Projects* i R13.5 milyon.

Vwala Mr Chair, detay pour Lenstiti Nasyonal pour

Kiltir, Lar e Leritaz. Mersi bokou.

MR SPEAKER

Mersi Vis Prezidan pour prezantasyon. Bon, nou a ouver lentervansyon pour bann Manm. Nou a kontinyen avek sa formil en kestyon pour premye *round*. E apre nou a kapab repase pour dezyenm kestyon. Premye entervenans, Onorab Samynadin.

HON KELLY SAMYNADIN

Mersi Mr Chair. Bonn apre midi Minis, *VP* avek delegasyon. Swivan retar ki nou annan dan Proze Renovasyon Lenstiti Kreol pandan sa lannen, eski nou kapab konnen ki plan Gouvernman atraver sa Bidze, an sa ki konsern renovasyon sa lenstiti pour lannen 2024? Mersi.

MR SPEAKER

Mersi. Wi, Vis Prezidan, si ou dakor mon a pas kestyon avek Sekreter Zeneral?

SECRETARY GENERAL **DAVID ANDRE**

Bonzour Mr Speaker. Bonn apre midi tou dimoun. Mersi pour kestyon Onorab. An sa ki konsern - *well*, lenstiti, vye Lenstiti Kreol Au Cap, sa desizyon in fini ganny pran. I

annan en program pou *renovate* sa batiman.

E *GICC* ki pe antreprann sa *projet*, donk sanmenm sa i pa *feature* lo la. So, i pou lo menm term ki nou ti fer avek *National Library*. So *GICC* pe antreprann sa *projet* nenport ki moman *maintenant*. Mersi.

MR SPEAKER

Mersi Sekreter General. Onorab Lemiel?

HON SYLVANNE LEMIEL

Mersi Mr Chair. Bonn apre midi Vis Prezidan, ankor ek nouvo delegasyon ki'n vini. Departman Kiltir kot zot, mon konnen enn zot manda parey sa program 2 i dir, se pou develop e promosyon langaz Kreol. Sa i tonm anba zot manda osi.

E mon krwar sa i plizoumwèn travay ki Lakademi Kreol ki sipoze fer, e letan nou regard sa Bidze lo latab la, R6 milyon i ganny *allocate* pour developman en promosyon langaz Kreol. Eski sa R6 milyon i Bidze antye pour Lakademi Kreol, ki konpri son *staffing*, e osi son *rent wherever* ki i pe lwe?

Akoz apre, mon ti a kontan konnen apard sa zafer *staffing*, mon ti a kontan konnen ki nouvo lokasyon ki Lakademi Kreol in bouz ladan?

Akoz in bouz dan detrwa landrwa pandan son letan ki i la. In en kou Providence. In en kou lasose laba. Ki son nouvo lokasyon la e konbyen zot pe peye sa lokasyon aktyel? Mersi.

MR SPEAKER

Mersi Onorab. Sekreter Zeneral oubyen lot manm *panel*?

VICE PRESIDENT AHMED AFIF

Mr Chair, avek ou permisyon, *PS* Kalebi a reponn.

MR SPEAKER

Yes?

PERMANENT SECRETARY CECILLE KALEBI

Bonn apre midi Mr Chair ek Manm Onorab. Mersi pour ou kestasyon. Wi, Lenstiti Kreol in bouz enn de lokasyon. La *currently* son lokasyon nou'n bouz *Premier Building Annex*.

Lofis ki'n ganny *vacate* par bann *staff National Library*. So nou'n bouz zot ladan. Avan zot ti kot por. Zot ti annan en lokasyon la, me i pa ti *conducive*.

I pa ti *conducive in terms of* landrwa, son *state*. E nou ti pe ganny en pe diskisyon ek *staff* lo pou rod en landrwa pli konvenab. Akoz osi nou osi ofer servis pour piblik. Nou annan

en Sant Dokimantasyon. Nou annan en *library* osi, ki dimoun i vin fer resers. Kantite dimoun i frekant Lakademi Kreol pour resers.

E alors, nou'n war li i pli fezab. I pli bon osi pour *staff welfare* e pour nou bann kliyan pour nou bouz laba. Wi, 6 milyon i Bidze konplet pour lenstiti, pour *staff* avek son *goods and services* ek program.

MR SPEAKER

Wi. Konmsi – mon krwar ti annan en pti pe plis dan son kestyon. Onorab Lemiel, ou kapab azoute?

HON SYLVANNE LEMIEL

Wi, Mr Chair, akoz mon ti le konn konmsi priyorite - akoz ler nou get sa sonm 6.8, in dir pour son *staff* avek pour sa *rent*. Konmsi letan ou pe regarde, an menm tan, petet mon ti a kontan ganny en pti pe plis detay an term lo kote son *staffing*; ki kantite i annan, konman en siplemanter osi lo sa ki zot in donn mwan - sa larepons ki zot in donn mwan silvouple?

MR SPEAKER

Mersi, si ou kapab klarifye *PS*?

**PERMANENT SECRETARY
CECILLE KALEBI**

Ok. Kareman an se moman la Lenstiti Kreol i annan li 15 *staff* ki *in post*. Me selman dan nou Bidze – 15 *staff in post* en, pour Lakademi Kreol.

E nou annan provizyon dan nou Bidze lannen prosenn pou zot *recruit* ankor 2 *staff* dan zot Seksyon pour Resers. Espesyalman dan bann landrwa pli spesyalize. Mersi.

MR SPEAKER

Ok, byen. Si nou ava al avek sa. Onorab Monthy?

HON PHILIP MONTHY

Mersi Mr Chairman. Bonn apre midi *VP* avek ou delegasyon. Ler mon get program 4 ‘*Development, Promotion, Research and Preservation of Heritage Assets*’.

E mon get dan *Table 10 ‘Performance Measures for Program.’* Anba *contributing indicators* nimer 11, ‘*number of heritage sites assets to restore and maintain.*’ Mon vwar pour 2024 zot in target 15.

Mon kestyon se; eski sa i bann sit ki deza an egzistans ki Bidze pe fer provizyon pou *restore and maintain*? E si wi, ki arive avek bann sit ki petet in preski an rin, me ki annan en nesosite pou reviv zot?

E la mon pe koz parey legzanp Cascade ki ti annan en moulen larou ki ti lafyerte distrik. E ki mon pe konmans serten demars pou restor sa. Eski atraver sa Bidze, distrik i kapab ganny serten led avek zot pou remet sa larou, sa ki ti en keksoz lafyerte Kaskadyen an plas?

Byensir avek led prive osi. Me eski nou kapab ganny serten lasistans finansye anba sa *vote* pour nou kapab fer sa proze? Mersi.

MR SPEAKER

Mersi Onorab. Sekreter *General*, yes?

SECRETARY GENERAL

DAVID ANDRE

Mersi Onorab pour ou keston. Wi, definitivman i nou manda pou donn en koudmen. E anba *Seychelles Heritage Scheme*, i annan provizyon pour nou kapab donn lasistans bann distrik, oubyen bann lezot lorganizasyon. Pou nou kapab *maintain* sa bann sit *l'héritage*. Definitivman. Mersi.

MR SPEAKER

Mersi. Onorab Vidot?

HON AUDREY VIDOT

Mersi Mr Chairman. Mr Chairman, mon ti le zis ou

gidans. Nou pou *stick* zis avek en keston menm, apre ou pou donn lot *round*? Ou pou donn nou zis en keston menm, oubyen apre...?

MR SPEAKER

Non, non. Poz en keston la...

HON AUDREY VIDOT

En keston touzour?

MR SPEAKER

...nou pou retournen...

HON AUDREY VIDOT

Ok.

MR SPEAKER

Otan letan ki nou annan.

(laughter)

HON AUDREY VIDOT

Ok. Mon ti le zis sa leklersisman ankor. Non, mon ti le – vi ki letan nou ti fer nou prezantasyon Bidze dan repons, Minis pa ti donn nou konfirmasyon...

Pa ti dir nou kan ki pou konsider pour konpansasyon pour *fungus*, bann dimoun ki'n lo kote kot Kiltir. Mon ti pe regarde si Finans oubyen reprezantan kot Kiltir i kapab donn nou en gidans kan ki zot pe konsidere pou konsider sa group dimoun ki ti ankor pe

espere pou zot ganny konpansasyon? *Thank you.*

MR SPEAKER

Mersi Onorab. VP?

VICE PRESIDENT AHMED AFIF

Mersi bokou Mr Chair. Mersi Onorab. Onorab sa ki mon kapab dir ou se ki nou okouran ki i annan serten dimoun ki'n reklanmen, konmkwa zot in ganny afekte avek *fungus* dan zot travay. Swa dan lepase ki zot in fini ale. E i annan serten ki ankor an pozisyon.

Sa ki Gouvernman pe fer se, pou etabli egzaktman konbyen dimoun. Ki kriter Gouvernman i bezwen etabli pou gete si wi ou non. E ki manner ou etabli poudir in ganny afekte, zisteman avek sa ki pe reklanmen.

E pou fer provizyon, pou fer bann kriter kler, evalye regard son ankadreman legal ki otour sa sityasyon. E vin avek en propozisyon. E an se moman kot nou ete la ozordi, i ankor dan sa staz evalyasyon. So, se pour sa rezon ki napa en sonm ki'n met de kote spesifikman pour sa. Mersi.

MR SPEAKER

Mersi VP. Onorab Woodcock?

HON WAVEL WOODCOCK

Mersi Mr Chair. Bonn apre midi VP, SG, PS. Mon keston i ganny trouve anba *PSIP*. Bann proze kapital. Annefe i annan sa *rehabilitation of Val des Pres - Pres grounds*. Zis pou klarifye mon keston, nou fek fer - Komite *MYSCC* in fek fer en visit kot *Domain Val des Pres*. E nou ganny plizyer lenformasyon. Nou'n ganny sans pou nou vizite; get sa landrwa tou bann fasilite ki an plas.

Mon keston se ki; *Domaine Val des Pres* i annan potansyel pou *generate* plis kapital, pou fer bokou pli byen ki pe fer aktyelman. Eski zot annan en *business plan*, ouswa en *marketing plan* pou promot sa landrwa, e met lezot fasilite bann lezot servis, bann lezot aktivite an plas pou ede anbelir sa landrwa? Pour ki i annan en pti pe plis valer azoute.

Akoz *as it is now*, son *grounds* e mon pe remarke poudir i mank keksoz pou kapab anmenn nou lo en lot *level*, lo en lot lanpler ki kapab atrakte plis touris e menm lokal osi. Mersi.

MR SPEAKER

Mersi Onorab. SG?

SECRETARY GENERAL DAVID ANDRE

Mersi bokou Onorab. Wi, ou keston i vremen enn ki valab e ki nou okouran. Nou'n fer evalyasyon e definitivman sa landrwa en landrwa ki kapab *génere* ankor bokou plis larzan.

E aktyelman la nou dan en proses pe travay lo revwar en *business plan* avek en dimoun ki dan – anfen - ki dan sa metye. Pou donn nou en koudmen pou nou vwar ki mannyer nou kapab revaloriz sa landrwa.

E osi revwar bann *lease*, bann kontra avek bann dimoun ki annan bann *kiosk*, eksetera. E nou annan bann aktivite ki nou pe fer la ki pe mars byen.

Parey i annan en program ki apel '*Grandma's Savoir Faire*' kot tou le Mardi ek tou le Zedi i annan bann dimoun trwazyenm-az ki vini ki vin fer bann aktivite avek bann viziter. Sa i pe mars tre byen.

Epi nou annan restoran osi la ki'n konmans operasyonnel. Nou'n antre dan en *partnership* avek *STA*.

Donk, i annan ankor lezot keksoz ki nou pou al fer. E definitivman, mon toutafe dakor e nou okouran nou bezwen kapab *generate* en pe plis larzan dan *Val des Pres*. Mersi.

MR SPEAKER

Mersi SG. Onorab Herminie?

HON WILBERT HERMINIE

Mersi Mr Speaker. Bonn apre midi *VP*, avek *panel*. *VP* mon bezwen re *direct* ou anba nou annan *non-financial asset*. Ankor anba renovasyon of *National Library* mon war i met '*completed*'. Riban in ganny koupe.

Me selman i annan 16.4 milyon in ganny mete kan proze i fini konplete. Sa 16 milyon i pour kwa? Ou kapab donn nou en bon pe detay lo la aköz mon pa anvi fer okenn alegasyon. Mersi.

MR SPEAKER

Mersi Onorab. *VP*?

VICE PRESIDENT AHMED AFIF

Mersi bokou Mr Chair. Mr Chair, sa sonm i senpleman sa laranzman ki annan avek en kontrakter ki antreprann tou proze kapital lo li. E tou le lannen an swit, pou repeye. E sa batiman ou pey son finansman.

E i en pti pe parey, si ou rapel dan ansyen Gouvernman zot ti fer avek *Independence House Annex*. I en *Mayor's Office* osi. Ti en laranzman kot si ou ganny en kontrakter ki pare pou antreprann

finansman. Me ou repey li a longer ditan, ou ganny 2 benefis.

Enn, ou pa bezwen met sa *capital cost* devan. E dezyenm, ou olye pey *rent* pour en keksoz ki pa vin pour ou, ou pey en kou ki evantyelman sa *asset* i vin pour ou. Alors sa en pratik ki normal, ki nou'n fer dan plizyer lenstans osi. Mersi.

MR SPEAKER

Mersi Vis Prezidan. Onorab Gill?

HON CHURCHILL GILL

Mersi Mr Chair. Mon annan – mon kestyon i pour sa sonm 43 milyon Dolar ki'n ganny resevwar *from UNESCO*, ki ti pour program pour *strengthening* bann *policy*, *capacity building*, *artistic freedom*. Mon pe gete si zot ti aktyelman resevwar sa, e si zot ti resevwar li an total? E si i annan bann travay ki'n ganny fer *so far* e konbyen i reste? Mersi.

MR SPEAKER

Thank you. Panel, sinyal mwan lekel ki pou reponn silvouple? PS?

VICE PRESIDENT AHMED AFIF

PS Kalebi, avek ou permisyon Mr Speaker.

MR SPEAKER

Yes, mersi.

PERMANENT SECRETARY CECILLE KALEBI

Mersi Mr Chair. Mersi Onorab pour ou kestyon. Sa sonm i baze lo en proze ki nou ti *submit* anba *The Archipel Program*. Pou vreman get osi *status of artist* dan nou pei. E vwar si nou annan okenn Lalwa ki bezwen ganny amande, pou kapab ede epanouir nou bann artis.

So, sa sonm i ganny kase par bann program ki ou annan anba la. Bann diferan aktivite. Pour lemoman premye faz ti ganny fer, kot bann *expert* ti vini dernyen fwa, pou entrodwir sa proze ek bann artis.

E la zot pe retourn ankor le 27 Novanm ziska le 1er Desanm, pou fer evalyasyon bann diskisyon ek bann propozisyon ki bann artis ti mete. So, i pa – zot pa transfer sa larzan direkteman. I transfer *as per* bann aktivite ki ou'n detaye dan sa program Onorab.

MR SPEAKER

Mersi PS. Onorab Labonte?

HON ANDY LABONTE

Mersi Mr Chair. Bonn apre midi VP avek delegasyon. Mon kestyon i plizoumwen pou al en pe lo mank lespas. Mank lespas parey – prezan mon pou pran sa loportinite pour mwan felisit Gouvernman pour bann renovasyon lo bann sit parey; *Carnegie, Library* Nasyonal.

Me selman mon konsern i baze lo *La Bastille*, ki mon'n deza demann kestyon. *Until now* i en landrwa kot i dezerte. I annan en bann kalite levennman ki deroule laba ki pa apropiye. I en nwizans pour dimoun, pour nou zabitan La Rivière Anglaise.

So, si ti kapab donn en leksplikasyon vreman ki pou arive avek sa batiman, akoz i annan envestiser ki anvi devlop sa landrwa. Mersi.

MR SPEAKER

Mersi. *Panel?*

VICE PRESIDENT AHMED AFIF

SG a reponn avek ou permisyon.

MR SPEAKER

SG, wi?

SECRETARY GENERAL DAVID ANDRE

Mersi bokou Onorab. Sa ki mon kapab dir ou *La Bastille*, definitivman, wi i en konsern pour nou tou depi ler *Culture Institute* in vini. E nou pe travay lo en plan ki pe al finalize la. Pa bliye nou ti koz lo nouvo batiman *archive* pou ganny fer laba.

E donk, sa i plan ki Gouvernman i annan pou fer *archive* kot batiman *La Bastille* pour lenstan. Mersi.

MR SPEAKER

Mersi. Onorab Uranie?

HON ROCKY URANIE

Mersi Mr Speaker. Bonn apre midi VP avek ou delegasyon. An 2023 Lenstiti Kreol ti ganny – lenstiti *sorry*, ti ganny 133.7 milyon. E an relasyon avek sa, eski bann artis ki ti pran par dan Festival Kreol in fini ganny peye? Si non, eski i annan provizyon ki'n ganny fer dan sa Bidze sa lannen pou zot ganny peye? Mersi.

MR SPEAKER

Mersi Onorab. *Panel?*

VICE PRESIDENT AHMED AFIF

Mr Chairman, *PS* Kalebi ava reponn. Mersi.

MR SPEAKER

PS?

**PERMANENT SECRETARY
CECILLE KALEBI**

Mersi Mr Chair. Onorab zis en leklersisman. Festival Kreol sa lannen - wi pour sa lannen pou peye, wi nou annan provizyon ki pe ganny fer ki nou - avan lannen fini nou *clear* tou nou bann provizyon. Wi.

HON ROCKY URANIE

(off-mic)

Lannen pase?

**PERMANENT SECRETARY
CECILLE KALEBI**

Lannen pase in fini, wi. Pour sa nou pe fer tou pou asire ki *by* avan lafen lannen, tou dimoun ki'n partisip dan Festival Kreol zot peyman i ganny fer. Mersi.

MR SPEAKER

Mersi. Onorab Porice?

HON DOYACE PORICE

Mersi Mr Speaker. Bonn apre midi VP ek ou delegasyon. E bonn apre midi a tous. Anba *program 3 other allowances*, i annan en logmantasyon. I ti 439 e la i 1.067. Mon ti a kontan ganny en leksplikasyon lo sa logmantasyon?

MR SPEAKER

Mersi. *Panel?*

**VICE PRESIDENT AHMED
AFIF**

Mr Chair, avek ou permisyon, PS Kalebi a rod bann detay. Mersi.

MR SPEAKER

PS?

**PERMANENT SECRETARY
CECILLE KALEBI**

Mersi Mr Chair. Mersi Onorab pour ou kestyon. Onorab, sa *increase* ki ou pe war dan *other allowances*, i annan pou fer avek bann *allowance* bann *cleaners* ki'n transfer kot nou. E osi *allowance* ki'n ganny donner pour *staff* ki'n ganny *responsibility allowance* dapre zot travay.

MR SPEAKER

Thank you. Onorab Larue?

HON FLORY LARUE

Mersi Mr Chair. Bonn apre midi VP avek ou delegasyon. Mon ti a kontan demande dan sa Bidze, si zot annan en fason pou enkorpor zot relasyon avek Minister Departman Tourizm?

Pou fer ki zot kapab promot bann *cultural sites* - bann ki peyan, avek touris. E sirtou pou kapab promot bann *events* ki zot fer. Sirtou bann egzibisyon ek bann konser, ki

bann touris ki vin Sesel i kapab partisipe. Mersi.

MR SPEAKER

Mersi Onorab.

VICE PRESIDENT AHMED AFIF

SG i a reponn Mr Chair.

MR SPEAKER

SG, silvouple?

SECRETARY GENERAL DAVID ANDRE

Mersi Onorab. Mersi bokou pour ou kestyon. Wi, definitivman i annan sa – parey ou konnen, i annan sa Program *Cultural Tourism* ki Sesel i anvi devlope. E nou kot *Culture Institute* nou annan bann prodwi. E nou travay etrwatman avek Minister Tourizm pour nou fer bann aktivite.

E ofet mon a zis rapel ou, i fek annan en aktivite ki apel *Seychelles Rendezvous* ki fek fer pa tro lontan pase. Ki ti fer kot *Val des Pres*. E nou annan en dimoun dan nou lenstisyon ki li i ganny mandate si ou le, pou sa *liaison person* avek Minister Tourizm.

Pou fer sir ki tou bann levennman ki arive Sesel o nivo – bann levennman touristik oubyen okenn lezot levennman

ki nou fer, ki nou krwar touris i bezwen benefisyé. Nou annan en program, en fason travay ki nou travay tre pre avek Minister Tourizm.

Pou nou zisteman valoriz ankor nou kiltir. Letan touris i vin Sesel, i pa zis al lo lans, delo sale. I annan bann program ki nou pe devlope ki nou fer sir ki nou pe valoriz osi bann aktivite kiltirel. Mersi.

MR SPEAKER

Mersi. Onorab Roucou?

HON MICHEL ROUCOU

Mersi Mr Speaker. Bonn apre midi a tous. Minis mon kestyon – VP, mon kestyon i en pti pe parey pour Onorab Vidot. Nou konnen parey ou’n dir pou dir se ki lo kote konpansasyon *fungus*, i annan serten travay pe ganny fer.

An vi ki nou annan bann dimoun ki’n vremen ganny afekte. Ki zot war zot pe depans bokou larzan avek latizann pou zot trete akoz zot in ganny afekte avek *fungus*. Si napa en fason pour zot kapab vwar pour ki sa bann dimoun i kapab ganny ede, akoz zot pe depans en ta avek latizann? Mersi.

MR SPEAKER

Mersi. VP, ou a kontan eklersi sa?

VICE PRESIDENT AHMED AFIF

Wi, mersi Mr Chair. Mr Chair, mon konsyan poudir i annan dimoun ki'n ganny afekte petet plis ki lezot. E Gouvernman fer *tous* ki nesese pou fer sir ki o pli vit posibil ki nou kapab met sa sityasyon, an term revè e evalyasyon, o pli vit ki nou kapab.

Me, nou senpatiz avek okenn ki vreman i pe soufer avek sa. Me nou a fer nou mye pou nou kapab trouv en solisyon o sito posibil. Mersi.

MR SPEAKER

Mersi. Onorab Cosgrow?

HON WALLACE COSGROW

Mersi Mr Chairman. Bonn apre midi *VP* ek ou tim. Mr Chairman, mon pou rediriz tim ver sa laliny *building and infrastructure* ki nou konn li konman *PSIP*. I annan sa *construction of national archives*. E mon war i annan en Bidze 5 milyon pou 2024, 24 milyon 2025, avek 2milyon ekek pou 2026.

Now, mon ti a kontan demann tim devan; eski zot pe swiv menm *process* avek sa *process* zot ti fer pou *National Library*? E eski in annan okenn *expression of interest* pou lezot

lakonpanyen, pou detruwa lakonpanyen *bid* pou sa bann proze?

Ouswa i en desizyon ki zot in pran pou pran en sel lakonpanyen pou fer sa proze? Si zot kapab fer nou konnen. Akoz dapre mon konpran, sa lakonpanyen sanmenm sa lakonpanyen ki dan Lasanble – 6em Lasanble zot ti dir fodre fermen. Si sanmenm sa lakonpanyen? Mersi.

MR SPEAKER

Mersi. *Panel? VP?*

VICE PRESIDENT AHMED AFIF

Mr Chairman, mersi. Mersi Onorab. Onorab, nou pou servi menm prosedir ki nou'n servi dan lepase. Ki nou pou evalye sa sityasyon. Nou pou evalye bann opsyon ki devan nou. An se moman bokou i ankor dan en staz sa ki nou apel *conceptual*.

Me si i annan posibilite kot - pa zis neserman *GICC*, me lezot ki vin ek propozisyon, nou pare pou aksepte. I annan dimoun ki'n vin ek propozisyon ki pa ni fer ou repeye. Zot a fer en renovasyon. Par egzantp *NIHSS*, i ti en don.

Si i annan dimoun ki anvi fer sa, nou pou aksepte. Si i annan ki dir pe al met en propozisyon pou finanse, apre

nou a peye. Si napa ditou, nou a *tender*, nou a fer *procurement*. Me i en prosedir ki nou pou swiv ki normal. Nou pa pou favoriz okenn dimoun an partikilye. Mersi.

MR SPEAKER

Mersi. Ale, vi ki mon annan letan. Onorab Cosgrow?

HON WALLACE COSGROW

Mersi Mr Chair. Mersi pou donn mwan sa pti klarifikasyon. So, sa larzan ki zot in met dan Bidze, eski i en estimasyon ouswa i en kotasyon ki zot in gannyen avek en lakonpanyen?

MR SPEAKER

Mersi.

VICE PRESIDENT AHMED AFIF

I konpletman baze lo estimasyon. Me byensir estimasyon osi *realistic* ki ou kapab fer li a sa pwen letan kot nou ete. Mersi.

MR SPEAKER

Mersi. Onorab Pillay?

HON SEBASTIEN PILLAY

Mersi Mr Chairman. Mr Chairman, mon le retourn lo sa size sa larzan ki pe ganny mete dan Bidze, ki pou *offset*

konstriksyon ki'n ganny fer par en lakonpanyen ki *belong to* Gouvernman.

Lefe ki sa bann proze pa pe ganny *tender*, nou pa pe konnen si *value for money* pe ganny *attained*. E si bann prosedir ki pe ganny swiv. E sa bann prosedir *tender* ti ganny met an plas – Vis Prezidan Afif i konn tre byen, depi 2008 atraver bann lentervansyon *World Bank* ek *IMF*.

La nou pe pas sa – nou pe pas konpletman akote sa. E nou pe al donn sa konpanyen la ki'n fer sa *building* - menm konpanyen ki zot ti dir fermen dan lepase, R16 milyon. So, mon konsern ki mwan mon annan se ki mannyer avek sa Bidze *internally* – akoz sa i en gro Bidze.

Ler mon pe gete 147milyon pour sa lannen, ki mannyer enternelman i annan bann kontrol ki ganny mete pou asire ki napa bann de rapaz entern, e pou ki i annan en prosedir ki ganny swiv dan alokasyon bann diferan servis ki zot donner?

Par egzanp, la mon konpran Lenstiti Kreol pe al dan *Premier Building* zot in dir. Mon pa oule fer alegasyon me, *Premier Building*, eski i asosye avek Minis Ferrari? Eski i *one of the owners* dan sa *building*? So,

eski la napa okenn keksoz pe - I annan *tender* pe fer pou ki Lenstiti Kreol i bouz dan *Premier Building*?

Tou sa bann kestyon nou bezwen demande aköz dan lepase nou ti demande.

(Interruption)

HON SEBASTIEN PILLAY

Nou ti demande. E ozordi i paret poudir i *ok* pou fer sa bann keksoz. So, mon ti a kontan ganny en klarifikasyon lo ki bann mezir entern i annan? Si ti annan *tender* pour sa alokasyon pou sa - met Lenstiti Kreol dan *Premier Building*? E si i annan okenn lyen avek en Minis *Senior* dan Gouvernman? Mersi Mr Speaker.

MR SPEAKER

Mersi. Vis Prezidan?

VICE PRESIDENT AHMED AFIF

Mersi bokou Mr Chair. Mersi Onorab. Onorab, i napa en pozisyon absoliman kler oubyen lankadremman absoliman kler, kot i konsern bann tel finansman kot en kontrakter prive. Dan sa ka, kantmenm nou apel li prive, son *owner* propriyeter se Gouvernman Sesel.

Gouvernman resaman – e ler mon dir ou resaman ti an Oktob, Konsey de Minis ti ganny prezante avek detruwa opsyon atraver Minis Finans, Minister Finans. Kot zot ti ferserten propozisyon entern ki pa ankor ganny finalize lo, ki sirkonstans ki ou pou deside ler ou pou al fer en proze.

Si ou pou swazir ou prop kontrakter ki *in-house* apel li, aköz se ou ki propriyeter. Oubyen anba ki sirkonstans ou pou deside swazir en kontrakter an deor. E alor en *internal* – en proses fer en *tender* normal.

Si zanmen ou swazir ou prop kontrakter Gouvernman pou fer ou louvraz – parey lontan ti annan *PWD*, byensir ou pa kapab aksepte nenport ki pri ki zot donn ou. Parske ou bezwen fer sir poudir menm dan sa kontra, finansyelman i fer sans. E lo en pwennvi *procurement*.

Parske li osi i bezwen aste materyo pou li al fer sa ki i pe al fer. Sa pri ki i pe donn ou i en pri rezonnab, e sa ki nou apel *arm's length*.

Alor sa se en legzersis ki Gouvernman pe deza fer. E nou annan en lazans ki kapab fer sa pour nou. Se Lazans *SIA Infrastructure Agency*, ki li i siperviz bokou konstriksiyon. I

konn bann kou e bann kou kouran.

Alors, nou lide se regard sa ki meyer pour Gouvernman. An menm tan byensir o tan loportinite ki annan pou ou donn dan sekter prive, ou bezwen fer. Ou bezwen balanse. Me selman sa ki primordyal pour nou, se fer sir nou ganny meyer valer pour larzan.

E tou sa bann proze ki nou'n fer, ozordi nou pe ganny valer pour larzan. E si par egzanp dan sa Bidze la ozordi ou pe vwar rediksyon dan *rent* 5 milyon. Deza fini montre ou.

Be si nou ti'n pran en pri ek *GICC* ki ti pou egzorbitan, nou pa ti pou ganny okenn rediksyon final. Akoz sa pri ki nou'n mete 16 milyon pou repeye, ti pou en pri ki ti pli o. Pa ti pou fer en rediksyon.

So, i en keksoz ki nou balanse. Nou pa pe fer faver okenn dimoun. Nou get li pirman lo en pwennvi finansyel. E si i fer sans pour Gouvernman lo en pwennvi finansyel, nou pou pran sa direksyon. Me nou swiv tou regilasyon, tou prosedir ki an plas ozordi.

MR SPEAKER

Mersi, Vis Prezidan.

HON SEBASTIEN PILLAY

(Off-Mic)

MR SPEAKER

Wi, mon a permet ou en klarifikasyon si i reste klarifikasyon.

HON SEBASTIEN PILLAY

Mersi Mr Chairman. Mon ti'n demann en premye kestyon orizinal lo desizyon lo pou bouz *Creole Institute* dan *Premier Building*. E si i annan – mon pa'n dir i annan. Si i annan okenn lasosyasyon, akoz nou konpran poudir i annan en Minis ki deza annan en asosyasyon avek *Premier Building*. So nou le konnen.

Zis parey nou ti fer ler ti annan bann biro Gouvernman dan bann *building US*. Keksoz ti vin lo nivo Nasyonal. Sa bann biro Gouvernman ti bezwen sorti. Nou osi nou annan drwa demann sa bann kestyon dan en fason lezitim. Nou pe rod sa klarifikasyon. Mersi Mr Chairman.

MR SPEAKER

Mersi. Mon pa konfortab avek ou sizesyon ki en Minis i annan par dan *Premier Building*. Mon pa konnen si ou annan zistifikasyon pour sa.

E mon pa ni konnen si – mon pa ni konnen si *VP* i annan sa lenformasyon. Be selman,

mon a les *VP* adrese. Selman nou devret demann kestyon san ki nou bezwen fer alegasyon. Mersi. *VP*?

VICE PRESIDENT AHMED AFIF

Mr Chair, avek ou permisyon, parske mon pa okouran sa bann laranzman. Mon a demann *SG* pou donn detay. Mersi.

MR SPEAKER

SG, wi?

SECRETARY GENERAL DAVID ANDRE

Wi, mersi Mr Speaker. Letan Lenstiti Kreol ti sorti Au Cap, zot in al dan en batiman ki ti lib pou met zot kot *SFA*. *Somewhere* o bor *IOT* laba. Epi i annan telman – i lenkonvenyan, loder *and so on and so forth*.

I ti annan batiman kot *Premier Building* ki ti lib. Alors nou'n met zot laba tanporerman ziske ler zot ava ganny zot landrwa pou *run*. Napa naryen pou fer avek *que ce soit*. Zis en landrwa ki ti lib. Mersi.

MR SPEAKER

Bon, nou'n...

(Interruption)

MR SPEAKER

Sorry, nou'n ase lo la. Onorab Zialor?

HON NADDY ZIALOR

Mersi Mr Chair. Bonn apre midi Vis Prezidan ek ou lekip. An premye lye Mr Chair, mon anvi felisit Leritaz parske enn zot *major achievement* se renovasyon Libreri Nasyonal ant 2022-2023. So, de lapar Lepep Seselwa ankor enn fwa mon a dir mersi.

Anliny avek renovasyon lenfrastruktir avek bann moniman. Mon'n tann nonm *clocktower*. E la mon ti pe zis retourn ver lenfrastruktir. I annan en batiman ki ganny servi ase souvan avek nou popilasyon. Sa se *ICCS*.

Eski i annan okenn plan pou fer okenn renovasyon, ouswa ranplasman lekipman son lalimyer? E eski i annan okenn odit ki ganny fer, letan i annan okenn *rental* ki ganny *rent* an deor bann lekipman?

E ek sa batiman li menm dan Bidze, eski zot pe fer provizyon pou fer li vin en pti pep li aksesib? Mersi Mr Chair.

MR SPEAKER

Mersi. *Panel, ICCS?*

VICE PRESIDENT AHMED AFIF

Mr Chair, avek ou permisyon *PS Kalebi* i a donn detay. Mersi.

MR SPEAKER

Yes.

PERMANENT SECRETARY CECILLE KALEBI

Mersi Mr Chair. Mersi Onorab pour ou kestyon. I annan en legzersis ki'n ganny fer pou reget *ICCS as a whole in terms of accessibility* ek son bann servis. I en travay ki pe *ongoing*. E nou ekspekte ganny rapor pour nou prezant avek *Cabinet byento pour a way forward*.

Lo kote *accessibility*, nou okouran i annan serten *challenges*. E sa osi pou ganny pran dan kont dan sa rapor.

Lo kote dan Bidze nou'n ganny en pe finansman pou reget son sistenm son ek lalimyer sa lannen. So, sa i ava kekfwa *improve* en pe nou *service delivery* osi laba. Mersi.

MR SPEAKER

Mersi. Onorab Bastienne?

HON DESHEILA BASTIENNE

Mersi Mr Chair. Bonn apre midi Mr Chair. Bonn apre midi Minis ek ou delegasyon. Minis, mon ti a kontan demann ou sa kestyon, vi ki i annan -- *VP*,

mon ti a kontan demann ou sa kestyon;

Vi ki i annan plizyer bann dokiman ki annan pou fer avek listwar Sesel, ki ganny plase dan diferan landrwa. Tel parey Perseverans kot *Studio, Lone kids*. I annan serten osi ki menm dan – kot *Quency*. Ki an se moman la i en pti pe dan bann move kondisyon.

Eski dan sa Bidze i fer provizyon pou ki sa bann dokiman i kapab ganny netwaye, remet zot dan zot bann bonneta pour fitir referans? E osi eski zot pe mazin *digitalize* sa bann dokiman apre ki in ganny netwaye? Mersi.

MR SPEAKER

Mersi.

VICE PRESIDENT AHMED AFIF

Mr Chair, avek ou permisyon, *PS Kalebi* i a reponn. Mersi.

PERMANENT SECRETARY CECILLE KALEBI

Mersi Mr Chair. Mersi Onorab pour sa kestyon. Wi, i fer dezyenm lannen la dan nou Bidze, ki nou pe ganny sipor pour nou kontinyelman netwaye e *scan* nou bann dokiman. E sa bann *challenges* ki nou annan osi pou ganny pran an kont,

once ki nou nouvo *archives* osi i ganny met an plas. Mersi.

MR SPEAKER

Mersi. Onorab Vidot ti'n endike, ou annan en dezyenm kestyon? Korek? *Yes?*

HON AUDREY VIDOT

Yes, Mr Chairman. Mon ti le demann avek Vis Prezidan oubyen *panel*, si sa Bidze ki la pour 2024 i pe *meet* – i pou permit zot kapab mannye petet lo term travayer?

Ki prenan kont ki Libreri Nasyonal in ganny *renovate*. Eski zot pou kapab – zot pou annan ase travayer ki pou kapab fer sa *building* fonksyonnen? E an term son bann lekipman, pou fer li *maintain* li *throughout the year?* Mersi.

MR SPEAKER

Mersi. *Panel? VP?*

VICE PRESIDENT AHMED AFIF

Mersi Mr Chair. Avek ou permisyon, *PS* Kalebi a reponn.

MR SPEAKER

Yes?

PERMANENT SECRETARY CECILLE KALEBI

Mersi Mr Chair. Mersi Onorab pour ou kestyon. Onorab, nou Bidze ki nou'n gannyen pour Libreri Nasyonal i pou ed nou pou nou *explore* osi bann lezot opsyon.

Parey ou konnen, i annan bokou bann Lasosyasyon bann *Retired teachers*. Bann lasosyasyon bann NGOs ki enterese pou travay ek nou.

So, nou pe koz ek zot pour zot osi kapab anmenn en e sipor pou kree bann program ki nou Libreri Nasyonal i kapab ofer piblik.

So, i pa vreman vin en opsyon ki nou bezwen rod *staff* an plis toultan. I annan bann NGOs ek bann dimoun deor ki pare pou donn nou en koudmen lo sa kote. Mersi.

MR SPEAKER

Mersi. Onorab Uranie, i annan en dezyenm kestyon?

HON ROCKY URANIE

Mersi, mersi Mr Speaker. Mwan mon ti le zis konnen ki zot plan *in regards to library* dan La Digue? Si zot annan nide fer en nouvo *library* pou ed nou enn ek nou bann zabitan kapab ganny akse osi avek bann liv, pour zot detann zot lespri? Mersi.

MR SPEAKER

Mersi.

VICE PRESIDENT AHMED AFIF

Mr Chair, *PS* Kalebi i a reponn. Mersi.

PERMANENT SECRETARY CECILLE KALEBI

Mersi Mr Chair. Mersi Onorab pour ou kestyon. Wi, proze *Library* La Digue i enn ki lo nou lalis, mon kapab dir, pour en pe letan nou pe travay lo son plan. E nou ekspekte nou a kapab met devan en *proposal* byento.

Antretan nou annan en seksyon. I pa gran, lo La Digue. Me selman nou fer nou mye pou ofer otan servis ki nou kapab dan sa lokasyon. Mersi.

MR SPEAKER

Mersi. Onorab Pillay, ou annan en dezyenm kestyon?

HON SEBASTIEN PILLAY

Mersi Mr Chairman. Mr Chairman, mon ti a kontan ganny en leksplikasyon. An sa ki konsern promosyon kiltir. E i annan en kestyon ki'n ganny demande taler lo anmenn kiltir dan nivo lekol.

Be selman mon pe vwar anba sa size '*development of arts and crafts*. Mon vwar logmantasyon i vin nek an 2025. Me mon vwar poudir sa

Bidze in desann lannen prosenn pou sorti 15 milyon lannen pase. In vin zis 14 milyon.

Prezan mon ti a kontan ganny en leksplikasyon, aköz sa rediksyon dan sa Bidze? E lefe ki sa Bidze pe redwir, ki manner zot pe kapab ankouraz devlopman *arts and craft*? Sirtou bann *crafts* ki kiltirelman i asosye avek nou pei.

E kote ki zot pou ganny finansman pou kapab ankouraz sa, lefe ki sa Bidze in desann dan plas ki mon'n war en alokasyon bidzeter ki'n ogmante pou fer sa?

Zis pou presize Mr Chairman, sel alokasyon - sel logmantasyon ki mon pe war se probableman *around* bann saler. Me larestan an sa ki konsern vreman tanzibman pou fer en travay pou devlop *arts and craft*, mon pa pe war larzan ganny mete.

So, mon ti a kontan ganny en leksplikasyon avek sa. Mersi Mr Chairman.

MR SPEAKER

Mersi. *Panel*?

VICE PRESIDENT AHMED AFIF

Mersi Mr Chair. Avek ou permisyon, *SG* i a reponn.

MR SPEAKER

SG?

SECRETARY GENERAL
DAVID ANDRE

Mersi Mr Chair. Mersi Onorab pour ou kestyon. Ou konnen, nou pe sey travay lo en nouvo fason – lo nouvo fason fer keksoz. Akoz nou annan lezot partener, lezot lorganizasyon ki kapab antre avek nou, pour nou fer sa travay.

E la par egzanp nou pe travay an partenarya avek Ledikasyon. Avek Minister Gouvernman Lokal. Nou annan bann *projet* ki nou pe antreprann avek zot, pou al dan bann distrik. E zot annan zot bann kontribisyon ki zot pou zot fer. Epi i annan bann lorganizasyon non-gouvernmental.

E osi bann Lasosyasyon *Crafts* ki egziste. I annan prensipalman 2 Lasosyasyon *Crafts* ki egziste. I annan GAS avek *Coopérative des Artisans*. So nou'n antre dan en program travay avek zot. So, sa travay i pou ganny fer an partenarya avek tou sa bann dimoun.

So, menm si ou war sa rediksyon dan Bidze kote kot nou, me i annan bann *input* ki sa bann lezot partener, pou

antre ladan pou fer. E sa mon kapab dir ou nou'n deza angaz nou avek zot, e i annan rezilta.

Zot kapab vwar zis pou dir an pasan. Par egzanp lo televizyon preski souvan la, nou'n war bann program, kot bann dimoun pe re angaz zot dan devlopman lartizana. E nou pe war rezilta. So mwan mon reasir ou ki keksoz i dan bon direksyon. Mersi.

MR SPEAKER

Mersi. *VP*, i le azoute, wi?

VICE PRESIDENT AHMED AFIF

Mon ti le zis port a latansyon Onorab, si i get latab nimer 9 i a war poudir sa sonm ki'n site, ki R15.4 milyon ki redwir an 2024 pou vin 14.8. E alor, i pe dir en rediksyon.

Si ou get lo sa latab, ou a vwar poudir rediksyon prensipal i annan pou fer ek *building and infrastructure* ki'n met an 2023. Be si ou get son *running cost* li menm – son program li menm, larzan pa pe sanze. Be i napa rediksyon selman.

(Interruption)

MR SPEAKER

Mersi.

VICE PRESIDENT AHMED AFIF

Be apre i monte.

MR SPEAKER

Mersi. Nou pa pe antre – nou pa pe antre dan en deba ant *LOTO* avek *VP*. Onorab Arissol?

HON SANDY ARISSOL

Mersi Mr Speaker. Bonn apre midi *VP* avek ou delegasyon. Mon ti a kontan letan nou pe koz anmenn kiltir dan distrik, ki i annan en pe ki pe ganny fer dan plizyer distrik. Mon ti a kontan demann avek Mr Andre sa ki ansarz lenstiti;

In regards to the sign of Seychelles ki zot in mete dan lavil la. Sa gro *sign of Seychelles* – “*I love Seychelles*” dan lavil. Ki annan en zoli *rainbow colours* ki dimoun i tir portre avek. Eski sa a lavenir nou pa kapab osi transmet li – letan nou pe koz kiltir, anmenn li lo nivo bann distrik par egzanp?

Bel Ombre mon annan en zoli ros Mazeni ann alan Anse Major. Pou nou annan enn gro ‘*I love Bel Ombre*’, pour ki touris ki sorti Silhouette ki pas dan bato zot kapab vwar en keksoz atraktan. E i en loner pour nou distrik ki pe promot zisteman kiltir Sesel. Mersi bokou.

MR SPEAKER

Mersi. *Panel?*

VICE PRESIDENT AHMED AFIF

SG i a reponn, Mr Chair.

MR SPEAKER

SG?

SECRETARY GENERAL DAVID ANDRE

Mersi Mr Speaker. Mersi Onorab. Be Onorab, sa i en legzanp partenarya kot kiltir i kapab travay avek Gouvernman Lokal. E mon sir dan ou distrik i ava annan dimoun osi kekfw ki a kapab *sponsor* en keksoz koumsa. Definitivman nou toutafe anliny avek sa. Mersi.

MR SPEAKER

Mersi. Onorab Henrie?

HON GERVAIS HENRIE

Mersi Mr Chair. Bonn apre midi tou dimoun. Mr Chair, mon kestyon i annan pou fer avek *current challenges*. Dan zot *current challenges* zot koz lo 2 keksoz ki enteres mwan.

“*Conflict and gaps between existing legislation, regulations and policies...*” I kontinyen. E son dernyen pwen; “*Poor understanding of the importance of culture compared to other sectors on the*

national list of priorities vying for resources.”

Now, mon kestyon I, sa i en *current challenge* – 2 *current challenges* pour zot. Eski i pa ganny adrese dan sa 2 sonm an Dolar ki zot in resevwar? Dan premye sonm 79 mil Dolar, i koz lo pou fer resers e pou vwar ki manner i kapab annan en lyen ant kiltir avek bann aktivite devlopman sosyoekonomik.

E dezyenm, 43 mil Dolar sorti kot *UNESCO*, i koz lo pou ranforsi bann Lezislasyon nasyonal e Polisi. So si zot in resevwar en larzan, aköz sa i reste koman en *current challenge*? E apre mon war poudir dan zot priyorite stratezik 2024/2026, zot pa met en *goal* ki pou adrese sa 2 *challenge*.

Setadir par egzanp mon pa war poudir zot pou reviz bann Lezislasyon. E anfet i fer mon Mr Chair, realiz sa ki AG ti dir avek nou ler in vini, Kot son biro in zwenn avek tou bann *MDAs* e pou dir zot; *look*, regard bann Lalwa ki zot *custodian*. E fer bann propozisyon ki manner nou kapab amande.

MR SPEAKER

Ok.

(Off-Mic)

HON GERVAIS HENRIE

Mon pa kontan letan dimoun mon koze, aköz mon pa deranz personn letan zot koze Mr Chair.

(Interruption)

MR SPEAKER

Ale, Onorab...

HON GERVAIS HENRIE

So, aprezan...

MR SPEAKER

...termin ou kestyon.

HON GERVAIS HENRIE

Mon anvi konnen. aköz zot pa'n met li koman enn zot bann stratezi pou adrese sa *gap* dan Lezislasyon? Sa i enn. E lot...

MR SPEAKER

Hold on Onorab. Mon permet ou en kestyon la, nou a regarde.

HON GERVAIS HENRIE

Non, i en sel pwen konmsi aköz zot pa pe adrese li dan zot stratezi. I annan zis en pwen li. Zis en pwen.

MR SPEAKER

Ou ankor dan sa kestyon? *Ok*. Termin sa kestyon.

HON GERVAIS HENRIE

Pou adres li dan stratezi – dan priyorite stratezi? Mersi.

MR SPEAKER

Mersi. *Panel?*

VICE PRESIDENT AHMED AFIF

Mr Chairman, SG i a reponn en bout e *PS* Kalebi lot. Mersi.

MR SPEAKER

Thank you. Panel?

SECRETARY GENERAL DAVID ANDRE

Mersi bokou. Mersi Onorab. Mwan mon ava petet adres en pti bout lo sa pwen anba ler ou pe dir i annan *poor understanding of the importance of culture compared to other sectors*.

Ou konnen sa en keksoz ki nou'n remarke souvan, aköz kiltir in souvan fwa e i ankor pe ganny vwar konman en size en pe banal. Kot zis i annan bann pti aktivite. I annan bann pti – bann zafer *folkloric*, eksetera. Nou pa pe sansibiliz nou dimoun pou fer konpran lenportans kiltir.

Letan nou ti lans Lenstisyon Kiltir, mon ti dir kiltir i biznes tou dimoun. Aköz nou war kiltir dan ledikasyon, kiltir dan lenfrastriktir, kiltir dan lasante, kiltir dan sosyal,

partou. E kiltir i sa eleman *à mon avis* ki pou kit nou pep Kreol ini e anmenn devlopman enportan dan nou pei.

So, letan nou pe koz lo la se ki, nou annan bann aktivite edikasyonnel sansibilizasyon ki pou tous tou dimoun. Depi bann *leaders* ziska bann dimoun anba pou fer konpran byen lenportans kiltir – devlopman kiltir dan en pei.

E sa enn bann *challenges* ki nou annan. E nou pe travay lo la fortman. Prezan mon ava demann *PS* Kalebi petet pou koz en pti pe lo bann serten detay ki ou'n mansyonnen. Mersi.

MR SPEAKER

Mersi. *PS?*

PERMANENT SECRETARY CECILLE KALEBI

Mersi Mr Chair. Mersi Onorab pour sa kestyon. Wi Onorab, nou'n vwar atraver sa 2 proze ki nou pou gannyen avek *UNESCO* i pou ed nou adres sa *current challenge*. E dan nou *strategic priorities* pour 2024/2026, i annan plis *challenges* ki - i annan plis *strategic priorities* ki sa.

I zis se sa bann ki nou'n mete la, nou pe *focus* for lo la an se moman. E an mezir nou *achieve* sa bann *strategic priorities*, bann lot i ava monte.

Dan nou *strategic plan* nou annan apepre en 15 a 16 *strategic priorities*. Me nou bezwen *tie in* sa ki nou kapab *within* nou *budget* ki nou gannyen ek nou mendev resours. Mersi.

MR SPEAKER

Mersi. Bon i reste mwan en minit. En minit, mon pou donn Onorab Cosgrow dernyen kestyon.

HON WALLACE COSGROW

Mersi Mr Chairman. Mr Chairman mon annan en senp pti kestyon an sa ki konsern *droits d'auteur*, en. Mon ti a kontan konnen ki zot pe fer pou promot en pti pe *droits d'auteur*? Sirtou bann artis ki ozordi nou war zot in ariv en serten laz. E pou ki zot kapab benefisyé avek sa bann travay zot in fer.

Par egzanp David Philoe, John Wirtz, zot in ariv en serten laz e pou zot kapab viv dan serten dinyite. Pou zot kapab benefisyé osi avek sa kantite katalog ki zot in fer dan lepase, ki zot in kit ek nou. E ki petet osi fer serten mekanizm ki zot fanmir, zot bann zeritye pli tar i a kapab osi benefisyé avek sa bann rises zot in kit avek nou.

Par egzanp mon konnen deor, i annan bokou bann

dimoun ki zot fanmir letan zot mor, i erit zot bann katalog zot bann byen, e zot kontinyen ganny *royalties* lo la. So, ki zot pe fer lo la? Mersi.

MR SPEAKER

Mersi. *Panel? VP?*

VICE PRESIDENT AHMED AFIF

Mr Chair, avek ou permisyon SG i a reponn.

MR SPEAKER

SG?

SECRETARY GENERAL DAVID ANDRE

Mersi bokou. Mon krwar tou dimoun i okouran poudir i annan en Sosyete *Droits D'auteur* ki egziste Sesel. E Lenstitisyon Kiltir pe siport sa lorganizasyon. Akoz nou krwar ki propriyete entelektyel *droits d'auteur* i enportan pour en pei.

Zis petet ou'n mansyonn detrwa artis la. Sa bann artis - *well*, sa 2 artis ki ou'n mansyonnen, zot manm sa Sosyete *Droits D'auteur*. E sak fwa zot lanmizik i ganny zwe oubyen i ganny servi, zot ganny bann *royalties*.

Petet sa ki mon ti a kapab zis dir an pasan petet pou fer tou dimoun en pe pli konpran sa sityasyon. Mon ti ava petet

swete ki sa bann artis ki zot sanson i – anfen, mon pa kapab servi sa mo vye. Me selman ki pa pe neserman pe zwe konstaman dan medya pour lenstan.

I annan bann posibilite kot bann zenn artis i kapab revwar, revizit sa bann sanson. Refer bann nouvo enterpretasyon. E an fezan sa, sa bann artis zot, zot *retain* zot *droits d'auteur*. And nou'n war sa enternasyonalman partou.

Si mon kapab donn ou en legzanp; parey sa sanson *Red, Red Wine* ki *UB40* in refer ki ti pour Neil Diamond dan lepok *early 80's*. Be Neil Diamond ki kolekte plis *royalties*.

So si i annan plis sa linisyativ pou fer bann zenn rebran bann sanson, avek permisyon sa bann artis byensir. La i ava en fason pour zot kapab ganny bokou plis *royalties*. Mersi.

MR SPEAKER

Mersi. Avek sa nou ava *vote* lo Bidze pour *Seychelles National Institute of Culture, Heritage and the Arts* ki lo paz 44 ziska 55 pour en total R147 milyon 2 mil. Manm ki an faver lev lanmen silvouple? Mon krwar tou Manm in *vote*. Korek.

Lo Bidze *Seychelles National Institute of Culture,*

Heritage and the Arts pour total R147 milyon 2 mil, 29 Manm in *vote* pour, 0 kont, 0 abstansyon. Bidze in aprouve par Lasanble. Mersi.

Alor i reste pou remersye bann zofisye ki'n avek nou la; Mr Andre, Ms Kalebi e Mrs Hoareau pour zot partisipasyon. Nou a swet zot bon depar e bonn kontinyasyon. E an menm tan ler zot sorti, madanm raporter i ava entrodwir lot delegasyon.

DEPARTMENT OF INFORMATION, COMMUNICATION, TECHNOLOGY & SEYCHELLES COMMUNICATIONS REGULATORY AUTHORITY

MR SPEAKER

Byen, bonn apre midi Mr Benjamin Choppy, *PS* pour Departman Lenformasyon e Teknolozi Kominikasyon. Mrs Suzy Rosine, Direkter Administrasyon e *Human Resources* dan sa departman. Mr Randy Barra son *Procurement Manager*. Mersi pour zot partisipasyon avek nou.

Nou lo Bidze sa departman lo paz 57 ziska 63, pour en total R78 milyon 928 mil. E nou osi annan nouvo

Lotorite *Seychelles Communications Regulatory Authority* lo paz 79 ziska 82, pour total R11 milyon 46 mil.

Vis Prezidan, mon krwar nou a pran sa 2 ansanm pou permet bann Manm depann kestyon lo enn oubyen lo lot. Me a lafen mon krwar mannyer Finans in mete la, nou a pran sa 2 *vote* separeman. Vis Prezidan, ou a fer prezantasyon Bidze?

VICE PRESIDENT AHMED AFIF

Mersi bokou Mr Chairman. Mr Chairman, mon a fer pour *DICT* pou konmanse. E *DICT* son Bidze pour 2024 i R78.9 milyon. Sa i konpar avek son Bidze pour 2023 revize, ki ti R75.6 milyon. En diferans R3.4 milyon.

Mon a pran sa 2 laliny prensipal dan Bidze. Saler ki 2023 ti R22.2 milyon. E 2024 i R26 milyon. Efektivman, en diferans 3.8 milyon. Pour *goods and services* i pe sorti R53.4 milyon pou vin R53 milyon. Ki aktyelman en rediksyon R423 mil.

Alor mon a donn bann leksplikasyon logmantasyon premye laliny ki R3.8 milyon. Sa i konpri en logmantasyon R1 milyon lo bann *schemes of service* ki deza la. E otan ki

kapab, *DICT* pou esey donn meyer *scheme of service* pour son *staff*. E sa R1 milyon i enn parmi.

I annan en logmantasyon R612 mil ki vin avek lenplimantasyon en lot *scheme of service* pour bann *staff IT, HR* ek *Admin*. I annan en logmantasyon R213 mil, aköz *DICT* pe transfer serten *cleaners* ki dan *Cleaners Cooperative* e prezan pe enkorpor zot lo son *payroll*.

I annan en logmantasyon R700 mil ki ti dan Bidze 2023 ki ti ganny *vired* pour *wages*. Me selman in ganny re tournen dan Bidze 2024. E rezon i ti ganny tire se zot pa ti kapab ganny bann dimoun ek sa konpetans sa letan.

I annan en rediksyon dan *wages* kot zot in tir R2.8 milyon ki ti pour sa lannen pour SCRA. E prezan in ganny transfer dan Bidze 2023. I annan en logmantasyon ankor dan *wages* menm R1.2 milyon. Ankor ki ti ganny retire an 2023. Me prezan in ganny remet dan *wages*. E sa pou osi aparet dan *good and services*. I annan en pti logmantasyon ki relye avek *ID cards*.

Dan *wages* osi i annan R2.1 milyon ki pour *recruitment* an 2024 an relasyon avek NSP. E i annan 2 *analyst programmer*

avek en 4 *senior analyst programmer*.

I annan en logmantasyon R370 mil pou fer lenplimantasyon en *salary review*. R325 mil pour lenplimantasyon *NSP recruitment* an 2023. Alor sa i eksplik sa sonm R3.8 milyon logmantasyon dan saler.

Prezan pour *goods and services* ki i annan en rediksyon R423 mil. Mon a donn son *breakdown*. Anba *office expenses* li i annan en pti logmantasyon R41 mil. E sa i annan pou fer avek rediksyon dan plizyer kou ki enkli; *adverts*, *lospitalite* avek *consumables*. Elektrisite osi in desann.

E lezot sa ki nou apel *other office expenses* kot nou kouver – i kouver bann kou tel ki *video*, *prodiksyon*, *organiz levennman*, *eksetera*. Sa osi in redwir.

Me ladan i annan en pti logmantasyon R585 mil pour *internet*. Me avek tou bann larestan rediksyon, son lefe final se en rediksyon dan *goods and services*.

Epi lo lot kote transportasyon ankor – *and travel*, in redwir par R537 mil. *Maintenance and repairs*, sa i annan en logmantasyon R228 mil

. En parti ladan i pour *building* li menm pou fer reparasyon. I annan en rediksyon dan reparasyon transpor. Mon mazinen aköz transpor i en pe pli nef.

Dan *high-tech equipment* i annan en logmantasyon. E sa se pou fer sir ki tou bann *hardware* tel ki bann ki nou pe servi pour *e-passport* i annord.

Materials and supplies i annan en rediksyon R451 mil. Me i annan en logmantasyon dan sa ki nou apel *other use of goods and services*. E sa se R1.3 milyon ki annan pou fer ek *software license fees*. Li, lo son kote ti annan en rediksyon, me zot in pran lezot *software* osi.

I annan en logmantasyon dan *building rent* ki i R374 mil dan lokasyon kot zot ete. I annan en logmantasyon dan *maintenance services* ki'n mont par R2.2 milyon.

E sa i annan pou fer avek en Sant Loperasyon Sekirite ki *DICT* pe *manage*. Nou annan en *virement* ki ti fer an 2023. Me prezan ki'n re mete pour *supply hardware*, pour konplet sa proze *e-passport*, aköz tousala i antre anba *maintenance services*.

E nou annan en rediksyon dan *foreign consultancy* ki'n redwir par R1.3 milyon. 946 ti deza ganny fer – in ganny mete

an 2023 pour *National Cybersecurity at national level*. E an 2024 nou pa pou bezwen antreprann sa legzersis. R350 mil rediksyon ankor pour *program 2* ki prezan pe ganny transfer avek nouvo Lotorite.

Training fees, en logmantasyon dan R107 mil. Sa pour *upskilling*, pour sa ki zot apel en *virtual classroom*. Devlopman bann *skill* pour devlopman *software* avek *management*.

Aprè zot in met R350 mil konman en logmantasyon pour bann fasilite, pour bann levennman.

E sa par egzanp ler zot fer *ICT Week* an 2024. Zot pou osi selebre 20an *DICT* an 2024. E zot annan bann levennman tel ki *annual hackathon* e bann lezot levennman ki lye avek *World Telecoms International Day*.

Anba *minor capital*, ankor en rediksyon R1 milyon. E rediksyon i vin aköz 4 *item*. Rediksyon R580 mil dan nouvo lekipman ki zot in reisi kapab gannyen sa lannen, aköz zot in *vire* en pe *from wages*, ki fer zot pa'n kapab fer *recruitment*. Akizisyon *IT equipment* i osi redwir par R209 mil. Akizisyon lekipman sekirite, sa osi in redwir par R100 mil aköz sa

ankor zot ti nobou fer *virement* sa lannen pou nobou pey sa.

E rediksyon dan *CCTV camera* zot in redwir par R100 mil. Ankor zot in reisi ganny sa dan Bidze sa lannen, so nou pa'n bezwen met li lannen prosenn. Vwala an gro Mr Chair, en rezimen sa R78.9 milyon ki Bidze *DICT* pour sa lannen.

MR SPEAKER

Vis Prezidan, ou le pas lo Bidze *Seychelles Communication Regulatory Authority*? Pou nou pran li dan en sel - permet kestyon si i annan.

VICE PRESIDENT AHMED AFIF

Wi Mr Chair. Avek ou permisyon si ou donn mwan zis 2 segonn mon ava - Mr Chair, Bidze pour *Seychelles Communication Regulatory Authority* i R11 milyon.

E sa i konpare avek en provizyon ki ti ganny mete an 2023 pou senpleman 3 mwan ki sa fonksyon ti pe ganny – in ganny pase pour sa lannen, pour 5.4 milyon ganny met dan Bidze *Seychelles Communication Regulatory Authority* pour la senp rezon ki Lalwa in pase e i pou annan en serten porsyon 2023, kot serten

larzan i pou ganny depanse anba sa *heading*.

Me alor mon a petet donn detay sa diferans ant 2023 ek 2024. Alors, parey mon'n fer, mon a donn bann gran liny; Total 2023 pour SCRA revize i R5.5 milyon. E an 2024, R11 milyon. Sa i konpri 2 *item* prensipal;

Saler e *goods and services*. Anba 2023 revize, saler i annan R1.8 milyon. Me pour 2024, R6.4 milyon. En diferans 4.6. Mon ava eksplike.

Parey mon'n dir, esansyelman 2023 i annan forse 3 mwan dan 2023 ki nou pou pey *wages* anba la. E larestan 2024 i pli o, parske i pou pran antye. Antye lannen.

Goods and services 2023, R3.7 milyon, ki vin an 2024 R4.6 milyon. En diferans preski R1 milyon. Total sa 2 *wages and salaries* logmantasyon 23 pou al lo 24, i R5.6 milyon. Alor mon ava eksplik diferans dan sa R5.6 milyon ant 2023 ek 2025 – 2024.

Wages and salaries sa diferans R4.6 milyon i montre – i mont parsyelman aköz rekritman en *Chief Executive Officer* avek en nouvo *accountant* dan sa nouvo Lotorite.

Ann adisyon, i pou annan bann *post* ki pou ganny ranpli

an 2024 Me zot ti'n ganny aprouve an 2023. E zot in nobou alor met sa bann sonm dan Bidze 2024, pou anba diferan *scheme*.

I osi annan en *inducement allowance* ki R67 mil an tou, ki pou ganny enkli an 2024. Alor sa an gro i eksplik sa logmantasyon R4.6 milyon dan *wages*.

Anba *goods and services* ki li osi in mont par preski R1 milyon, logmantasyon i anba *office expenses* ki'n mont par R374 mil. E sa i annan plizyer kou *adverts*. Bann *adverts* sirtou ki'n mont par 56 mil. *Internet* ki'n mont par 100 mil. Telefonn - Nouvo laliny telefonn parske en nouvo lotorite, ki'n mont par R62 mil.

Epi elektrisite ek lezot kou litilite e kou operasyonnel ki zot, zot in mont par R108 mil.

Kou *travel* ek *transportation*, en logmantasyon R105 mil.

Maintenance and repairs R11 mil.

E *other uses of goods and services* en logmantasyon R490 mil. E sa i re partisionnen pour *maintenance* e laplipar – 300 mil. *Local consultancy* 100 mil.

E vwala Mr Speaker, ki kouver *other uses of goods and services*. *Minor capital* li i annan en logmantasyon R5 mil.

Alor, vwala Mr Chair, mon'n donn en rezimen *Seychelles Communication Regulatory Authority* ki son Bidze i R11.0 milyon.

MR SPEAKER

Mersi Vis Prezidan. Nou a pas lo entervansyon bann Manm. En kestyon pour lemoman. Nou komans avek Onorab Woodcock?

HON WAVEL WOODCOCK

Mersi Mr Chair. *VP*, mon zis re anvi asir ou ki nou pa pou vot kont Bidze *DICT*, parey ti leka dan letan kot zot rapel ti annan *screensaver* Prezidan Faure lo lekran tou bann Biro Gouvernman. E nou pa pou war sa bann keksoz repet ankor.

Mr Speaker, mon kestyon Mr Chair, i baze lo vizyon. I baze lo vizyon Gouvernman, ki ozordi pe met bokou lanfaz lo en *e-government*. Mon ti a kontan demann avek *DICT* ki zistans zot in arive pou *attain* vizyon Gouvernman pou enplimant en *e-government*?

E osi zot demars pou *improve internet services* avek bann *package locally*? Thank you.

MR SPEAKER

Mersi. *Panel*?

VICE PRESIDENT AHMED AFIF

Mersi Mr Chairman e mersi Onorab. Onorab, mon a reponn en morso lo sa kestyon kot nou ete lo *e-government* e petet *PS* i a kapab donn lezot detay. Sa ki mon kapab dir ek ou se ki, nou lentansyon parey nou'n anonse depi premye zour, se ki Gouvernman i devret al nimerik otan ki nou kapab.

E i annan plizyer eleman nou servis ozordi ki nimerik. Parey zot konnen ozordi, bokou peyman ki ganny fer par Trezor, ozordi i nimerik. So, zot ganny en *WhatsApp*, zot ganny enformen poudir peyman in antre.

Sa i mars parey pou bokou dimoun ki Gouvernman i peye, enkli kontrakter, enkli son travayer. Bokou servis ki i annan pou fer dan Gouvernman li menm, ki annan pou fer ek labank, in ganny ozordi al lo en rezo nimerik.

Ozordi ler ou pe antre dan pei par egzantp, i nimerik. Ou ranpli ou form, napa okenn form pou ranpli lo en baz lo en bout papye. Alor *airport* i mars bokou pli vit ki i ti ete dan lepase.

E plizyer lezot servis nou ti a kontan egalman ki zot vin sa nivo. Me pa toultan ki ou annan tou resours. Pa neserman

dan *DICT*. *DICT* li son rol se al kot bann lenstitisyon, bann departman Gouvernman e demann zot ki transformasyon pou sorti *manual* pou vin nimerik, i devret ete.

E dan zot departman zot menm, la osi i bezwen annan resours pou zot marye ansanm ek pou *DICT*, pou fer sa zefor arive. E nou'n vwar serten retar ki'n arive. Par egzanp kot *Registration Division* i pa ankore konplete.

I annan lezot kot *Revenue Commission* par egzanp serten konponan pe marse. Me pa neserman antye ki lo en baz nimerik. Me nou, nou pe fer tou nou zefor pou nou akseler sa proses. Parske Sesel i pou bezwen annan en sistenm nimerik pou nou vin efikas e pou nou kapab *compete*.

Alor *DICT* nou rol se azir konman sa an Angle ou dir sa en *interface*, se li ki vreman konekte tou bann parti prenan atraver en sistenm teknik pou ki sa sistenm nimerik pe marse. Me avek ou permisyon petet *PS Choppy* a kapab donn lezot detay bann proze ki spesifik avek *DICT*. Mersi.

MR SPEAKER

PS Choppy, wi?

PS BENJAMIN CHOPPY

Mersi Chair. Mersi Onorab. Ki bor nou ete? Mannyer nou, nou pe mezire nou annan en lalis bann sa ki nou apel bann *main public services*. Nou servi en *matrix* ki *EU* ti servi en pe letan pase.

E ki bor nou'n arive? Nou'n ariv apepre 45poursan sa bann servis, ki nou le ariv *fully* ki vin antyerman nimerik, kot en dimoun i kapab *request* pou sa servis dan en fason nimerik e osi tou ganny sa servis.

So nou'n ariv – kantite servis ki nou'n arive la se 45poursan. Nou espekte, nou annan detrwa lezot servis ki sistenm in pare selman kekfwa sa *MDA* i pa ankore konmans servi li. So, la i la repons kourt ki bor nou'n arive.

MR SPEAKER

Onorab Lemiel?

HON SYLVANNE LEMIEL

Mersi Mr Chair. Bonn apre midi nouvo delegasyon sorti kot *DICT*. Ozordi menm si servis *delivery* nou kapab dir atraver sistenm *internet* ki *DICT* i *provide*, i ed zot pou fasilite zot travay, Nou vwar ki i ankore annan en bon pe problemm.

Parfwa i annan bann *internet* ki pa pe marse. Bann lofis pe dir ou i pann resevwar *email*. E sa i kre serten

lenkonvenyans e menm retar dan delivre servis.

Akoz sa ti ganny mete pou kapab donn bann *prompt service* bann dimoun. Me i kre serten dele osi dan travay. Enn zot pwen stratezik ki zot in mete, se ki zot le moderniz servis piblik. Zot le moderniz *public service delivery* par pou zot *increase sa number of usage* dan *digital channels*.

E an fezan sa, petet sa i ava ede pou amelyor en pti pe lo kote *service delivery*. So, mon pe regarde dan Bidze 2024, eski i annan en konponan larzan ki zot in mete, pou zot kontinyelman travay lo bann sistenm *internet* e osi *emails*, ki atraver *internet* kot bann *public service office* i servi, pou zot kapab amelyor servis ki zot donn la kominote e osi pep Seselwa an zeneral? Mersi.

MR SPEAKER

Mersi. *Panel? VP?*

VICE PRESIDENT AHMED AFIF

Mersi bokou Mr Chair. Mersi Onorab. Onorab, otan ki mon konnen bann sistenm i fonksyonnen, *hardware* i fonksyonnen *email* i marse, i byen rar ki ou pou ganny *email failures* dan Gouvernman.

Selman i kapab en dimoun i dir ou i pa'n lir oubyen i pa'n ganny en *email*. Me sa i napa nanryen pou fer avek sistenm *DICT* li menm. Parske nou pa okouran - e mon'n fek demann *PS* i la resanman i annan okenn landrwa kot *server in fail*.

Nou napa okenn lenstans kot *server pe fail*. Me selman wi, dan sa Bidze, dan sa Bidze nou annan provizyon pou nou moderniz tou nou bann servis ki egziste. Parey mon'n eksplike taler, pa tou keksoz ki pou depan zis lo *DICT*.

En kantite pou depan lo bann diferan departman, lo lafason zot restriktir zot loperasyon. Sa se pa en keksoz ki *DICT* i kapab fer.

Dizon ki ou al - mon a donn en legzanp, dizon ou pou al kot Minister Lasante, se pa *DICT* ki pou enpoz en sistenm lo zot. Ki mannyer ki dokter pou war lo son *screen*; ki mannyer lenformasyon i ganny partaze antre zot. Se zot ki bezwen dir avek *DICT* donn sa sistenm. *Well*, donn son larsitektir. *DICT* baze lo larsitektir ki zot donner *DICT* i a *design*.

Alor i en pe osi ki parfwa i *involve* en - i enplik en kolaborasyon ant *DICT* e resours teknik dan sa Minister. Se la kot souvandfwa nou napa

ase dimoun konpetan dan tou bann Minister, pou kapab enterakte avek *DICT* ek bann enzenyer ek bann *analyst*, pou zot konnen egzakteman kwa ki bezwen ganny fer. Me sa se en prosesis ki nou kontinyelman travay lo la.

E otan ki nou kapab nou sey servi nou bann *analyst*, pou zot vreman konpran sa bann sistenm olye esper sa bann dimoun dir zot ki annan pou fer. So nou bezwen marye sa de zefor ansanm.

Mon pa konnen si petet *PS* i annan lezot detay ti kapab donnen baze lo kestyon. Mersi.

MR SPEAKER

Mersi. *PS*, oule klarifye?

PS BENJAMIN CHOPPY

Mersi Chair. Zis pou azoute wi – *occasionally* ou pou annan bann *issues*. Selman otan ki mwan mon *aware* napa okenn *major issues* ki atraver Gouvernman i *downs*. Ou kapab kekfwa annan serten *issues* lokal, detanzantan ki nou *attend to* pli vit posib ler nou okouran.

E Bidze, wi, i annan pou kontinyelman amelyore i annan dan pour akizisyon nouvo *software*. I annan pou akizisyon bann *hardware* e i annan osi

tou pou *maintain* sa bann sistenm.

MR SPEAKER

Mersi *PS*. Onorab Vidot.

HON AUDREY VIDOT

Mersi Mr Chairman. Bonn apre midi bann nouvo delegasyon ki la. Mon kestyon i pou lo *other goods and services* lo sa logmantasyon dan *facilities for events*. Si nou ti kapab ganny en pe leklersisman lo la.

Eski osi ladan zot pe – i permet zot osi parey mon'n war dan zot *strategic priorities* pou 2024, kot i tous lo sa *enhanced the national cyber threats*?

Mon pe mazine si an term lo kote ledikasyon ki zot fer bann *outreach* ek bann lekol, oubyen ki annan pou fer pou edik piblik, espesyalman nou bann zenn ki pe servi *social media, internet*, ki petet pou dir zot ki bann risk ki annan. *Thank you*.

MR SPEAKER

Mersi. Mon krwar ou'n al lo de size la. *Panel* nou ava adrese.

VICE PRESIDENT AHMED AFIF

PS Choppy, avek ou permisyon.

MR SPEAKER

PS, wi.

PS BENJAMIN CHOPPY

Mersi Chair. Onorab, wi, dan sa *facilities and events*, nou pe mazin en la ki *COVID* in fini pase, nou pe mazin en retournen fer en pe plis *awareness* dan bann aktivite *IT*, ki enkli osi tou bann laspe *cybersecurity*.

E sa i *part of* nou stratezi *cybersecurity* ki viz *awareness*. Si mon kapab donn serten legzanp ki mannyer sa pou fer. Par egzanp *DICT* li menm li i ptipti, napa fasilite pou *host* bokou dimoun.

So sanmenm sa nou servi sa Bidze dan serten peryod dan lannen ki nou kapab organiz bann *workshop*, bann levennman ki servi pou ed sa *sensitisation* ek *awareness*.

MR SPEAKER

Thank you PS. Onorab Arissol.

HON SANDY ARISSOL

Mersi Mr Speaker. Bonn apre midi ankor enn fwa tou dimoun a lekout. Mr Speaker, mon kestyon i baze lo *major achievement* pou *DICT 2023* ki koz dezyenm. I koz lo *“improve the value for money of internet package in the local market.”* Selman an menm tan ler mon get *current challenges* pli ba. Pli ba dan *current challenges*

premye i dir, *“unsatisfactory access to affordable broadband services by the population.”*

So, mon ti a kontan kekfwa zot eksplik nou en pti pe parski letan nou koz *DICT*, dimoun i enterese avek *internet*, kalite, efikasite, pli vit apre *affordable*. So letan mon pe get *current challenges* avek zot *major achievements*, sey eksplik nou en pti pe silvouple pou nou ganny en leklersisman lo la? Mersi Mr Chair.

MR SPEAKER

Mersi. *PS* pou pran kestyon?

VICE PRESIDENT AHMED AFIF

Mersi Mr Chair. Avek ou permisyon *PS* ava elabor en pe apre kot mon kapab mon osi mon ava ede.

MR SPEAKER

Wi.

PS BENJAMIN CHOPPY

Mersi Chair. Wi, kot *challenges* mannyer ler nou fer sa legzersis *RBM*, mannyer in montre nou, bann *challenges* se bann *strategic challenges* ki sekter pe fer fas. E sa bann *challenges* pa oubliye i a nivo stratezik. So, i *multi-year* li - i ouver en peryod 3 a 5 an.

So, sa bann *main challenges* ki nou nou'n idantifye. E sanmenm sa ou trouv li *as a challenge*. Li i *feature* anler, akoz i enn bann keksoz ki ler nou ti fer – ler nou pe fer analiz nou'n trouve i sa.

E pou bann *strategic priorities* bann keksoz ki ou bezwen *focus* lo la, pou ou sey *address* sa bann *challenges*.

E ladan ou a trouve enn se pou *increase access*, eksetera. E wi, enn nou bann *achievements* pandan sa dernyen peryod se *value for money*. Si mon kapab eksplik sa en pe. Si nou get par egzantp sa lannen, i annan en bon pe bann *packages* ki'n sorti. Premyerman, ki *unlimited* ki pa ti egziste avan.

Epi dezyenmman, kantmenm en dimoun pe pey en serten kantite, i ganny bokou plis *bandwidth* e osi *data*. So sanmenm sa i pe pey menm zafer selman i pe ganny plis sa keksoz an retour.

So sanmenm sa akoz nou'n trouv sa bann *package* in monte la dan sa lannen. So, i vedir serten lentervansyon ki nou'n fer in marse. So sanmenm sa kot sa *achievement* in ganny rikorde. Mersi.

MR SPEAKER

Mersi. VP, oule azoute? Nou a terminen.

VICE PRESIDENT AHMED AFIF

Non, mon ti le zis dir Onorab poudir lanfaz ki nou pe pouse avek bann operater telekominikasyon, se ki nou bezwen war en rediksyon dan pri, ki dimoun i aste zot bann *package*.

E sa ki nou'n vwar dan lepase konpare ek konmela, se ki ozordi bokou sa ki pe ganny vann se lavites. Sa ki apel konmsi ou, ou *speed* ki ou kapab *download* oubyen *upload*. Tandis ki avan zot ti plito met lanfaz lo konbyen *gigabyte* ou pe al aste. Konmela zot pe pous plito ki ou aste *unlimited*. Me malgre ki *unlimited*, si ou pey en pe plis ou ganny en *speed* ki pli o. E se sa ki nou pe vann ozordi.

E sa ki nou'n remarke se par egzantp ler zot apel sa *mobile broadband*. Savedir *internet* ki ou kapab aste e ou osi servi lo ou *mobile*, pri in redwir en kantite.

E bann resers ki nou'n fer se par egzantp si ou konpar pandan sa dernyen 2 an, kot ou ti pe aste en *gigabyte* pou R200 koman en *booster*, ozordi ou pe pey apepre R100, so in desann par lanmwatye.

E sa i reflekte pareyman, si ou pe servi *fixed broadband*. Savedir en *broadband* kot ou lakaz par egzanp ki *fixed*. Sa osi kot zot ti pe pey environ R19 pou en *gigabyte*, prezan i environ R9 pou en *gigabyte* ki pe desann e ou pe ganny plis lavites.

E rezon nou pe ganny plis lavites, se parske nou pe met – i annan plis kapasite a dispozisyon bann operater atraver kab soumaren. Se sa rezon ki zot ganny plis *speed* e plis kapasite. Mersi bokou.

MR SPEAKER

Mersi VP. Onorab Uranie.

HON ROCKY URANIE

Mersi Mr Speaker. Bonn apre midi nouvo delegasyon. Mon kestyon i annan pou fer avek *software*. Ler mon get *license fee* pou *software* 13.5 milyon e osi pou akizisyon bann *software* 5 milyon ekek. Ler mon get tou ansanm pres 20 milyon pe al dan *software*.

Eski sa bann *software* i annan bann *supplier* lokal ki nou pe aste avek? Oubyen direk sorti – nou pe aste li direk enternasyonal kot en sel lakonpanyen, oubyen i pe eparpiye *here and there* kot nou pe aste? So donn nou en pe detay lo la. Mersi.

MR SPEAKER

Mersi.

VICE PRESIDENT AHMED AFIF

Mersi Mr Chair. Avek ou permisyon, PS Choppy i a kapab eksplike en pe lo la.

MR SPEAKER

PS.

PS BENJAMIN CHOPPY

Mersi Chair. *Ok*, sa bann *software* i annan diferan. Akoz son *amount* i bokou, se akoz nou pe – ler nou, nou aste i pou *licensed* pou Gouvernman antye. Si mon kapab pran en legzanp; nou *DICT* lo non Gouvernman, ki *hold enterprise agreement*, par egzanp avek *Microsoft, alright?*

I annan en kantite prodwir avek ki anba sa. E nou *then* nou fer *available* sa bann *software, genuine*, eksetera, avek tou bann *MDAs* ki tonm anba *core Government*.

Ou annan bann lezot *software*, sa en legzanp spesifik. I mazorite sa bann *license*, i bann *license* bann *software overseas*, ki sa.

E i pa zis avek en lakonpanyen. I *range from* bann gran lakonpanyen parey *Microsoft, Kaspersky, to*

Darktrace, Fortinet eksetera; *SISCO* - i annan en lalis ase long.

MR SPEAKER

Mersi *PS*. Onorab Larue.

HON FLORY LARUE

Mersi Mr Chair. Bonn apre midi *panel*. Mon ti a kontan demann zot anba program 3 an relasyon avek teknolozi dan Gouvernman, ki plan ki zot annan dan sa Bidze, pou fer ki tou bann biro Gouvernman i kapab pran peyman avek kart banker? Akoz i annan serten ki pran zis *cash* e zot pa pran kart banker.

E al pli lwen ki *allow* en kliyan pou fer en *online transfer to an account* pou en Minister, en departman, pou en servis Gouvernman. Mersi.

MR SPEAKER

Mersi.

VICE PRESIDENT AHMED AFIF

Mr Chair, *PS* i ava reponn.

MR SPEAKER

PS?

PS BENJAMIN CHOPPY

Mersi Chair. Wi, sa premyerman zis pou donn en pe detay. Premyerman, pou sa dan

set up Gouvernman konmela pou sa arrive, nou bezwen *first* Minister Finans, plito i bezwen fini de plway sa ki nou apel *cashier module* dan tou bann *MDAs*, tou bann biro kot ou bezwen fer sa tranzaksyon.

E sa i en *work in progress*. Mon konpran ki zot in – ki reste plito zis kot Ledikasyon ek *Local Government*.

E kekfwa lezot pti biro sa *to main ones* ki reste, ki Minister Finans pe kontinyen deplwaye. Nou ekspekte zot fini dan lannen 2024. So ler sa in fini ganny deplwaye, ou kapab - sa biro i kapab resevwar peyman dan *whether* i *POS* konmsi *over the counter* i vini avek son kart. Ouswa si sa *MDA* deza i annan son *online* - konmsi i annan son *online service* ki ou kapab peye avek en kart *online*. Li osi tou sa i vin i *allow* sa *MDA* resevwar sa peyman.

Ki bor bann – an servan *online transactions* koumsa, sa i depan vremen ki nivo *digitalisation* bann diferan *MDA* in arive. I annan en bon pe ki la pli ale pe annan - konmsi i annan son *online channel*.

Parey mon'n dir pli boner i annan apepre 45poursan bann servis ki nou'n targete ki annan. E ladan i annan detrwa

ki - i annan parmi ki aksepté peyman elektronik.

So, sa selman i gradyel anmezir bann MDAs i pare. Akoz i pa zis en kestyon ou met en sistenm. I osi tou si ou pou fer *online*, ou bezwen osi tou aziste ou bann lorganizasyon enternman dan sa Minister, ki manner i *process* sa bann diferan servis ek peyman. Mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Speaker. Mr Speaker, mon kestyon i al plizoumwen lo en pli gran lanpler si oule, en? I annan en pe letan la ki Gouvernman in pronons son lekor lo *having a digital economy, ok*, bouz ver *digital economy*. E mon ti a kontan petet Vis Prezidan ouswa PS i dir nou, ki bann demars zot pe fer *going towards that digital economy?*

Eski i annan en plan? Si in annan en plan ki'n ganny drafte e si zot annan en *road map*, ki manner zot pou bouz ver sa plan? E nou konnen poudir *DICT* i plizoumwen *deal* avek *Government agencies, MDAs*. Me kote sekte prive i *feature* dan sa plan, pou kapab fer sa?

Akoz sekte prive i pli gro sekte.

Annefe e kote sekte prive i sitye dan sa plan. E ki manner nou marye tousala ansanm, pou ki nou ariv lo sa *final aim of having a digital economy?* Akoz ziska prezan parey zot in tande dan mon repons Bidze, mon'n dir nou pa ankor war sanblans en pa devan *digital economy*.

Be solman petet zot, zot kapab reasir mwan ozordi poudir swa mon mal ouswa i annan keksoz ki pe vini. Mersi.

MR SPEAKER

Mersi. *Panel?*

VICE PRESIDENT AHMED AFIF

Mr Chair, PS i a reponn lo plan stratezik. Mersi.

MR SPEAKER

PS.

PS BENJAMIN CHOPPY

Mersi Chair. Wi, *digital economy* zis pou met li an *context* - an 2018/2019 ti annan en *study* par *World Bank*, spesifikman pou *digital economy* dan *concept* Sesel. E sa ti en *diagnostic study* ki ti idantifye 5 dimansyon.

E ti *point out* bann *areas* ki nou bezwen amelyore dan sa.

Zis pou dir ou *digital economy currently* baze lo sa laliny ki nou'n pran, se vreman pou amelyor prodiktivite entern. Koumsa son ekonomi i vini. Akoz si ou enternman ou vin pli prodiktiv, pli *efficient*, ou lekonomi osi tou i benefisye dan sa fason.

I annan serten *areas* ki nou pe sey eksplere, konmsi pou gete si i kapab en *economic activity*, selman *by and large focus* se, lo *increase internal efficiency*.

Now i annan 5 dimansyon dan sa rapor sa *diagnostic survey*, ki *then* i annan en komite en *Steering Committee* ki'n *set up* ki *chair* par Minis Finans. E ladan i annan bann reprezantan bann serten *areas* kle *related*.

Ladan i annan bann dan sa 5 *areas*, i annan *digital infrastructure* ki vreman *about telecom infrastructure*. I annan *digital platforms* - en kantite bann keksoz par egzanp *e-government* ki nou pe koz lo la; i annan *digital skills*; i annan *digital entrepreneurship* epi i annan *Digital Financial Services*.

E bann *agency* ki *lead* dan sa bann diferan *area*, *DICT* i annan 2 *digital infrastructure e platforms*. *CBS* i *lead* lo *Digital Financial Services*. Minister

Lantreprenarya i pe *lead* lo *digital entrepreneurship* e Minister Ledikasyon i *lead* lo *digital skills*.

E tou sa bann *leader Ministries*, i annan en *action plan* ki pe ganny egzekite. Parey lo nou kote. Zis pou donn legzanp, ti annan en keksoz ki ti *feature* dan tou lede lo kote *digital platforms* e lo kote *Digital Financial Services*. Ti en bezwen pou annan en sistenm idantifikasyon nimerik.

E nou dernyen *last year 2022* nou'n fini sa *platform National Digital Identification Platform or CID*, ki sa. E sa prezan *then* nou *move* dan lezot letap, kot nou pe entegre bann lezot sistenm pou servi li. So, sa i en legzanp.

Ki bor sekter prive i *feature*?

Sekter prive i *feature* premyerman *as a supplier of* sa bann solisyon. E i osi tou si ou get dan *digital infrastructure*, be mazorite *telecom* i pa Gouvernman li, i dan sekter prive. So, la i la kot zot *feature* osi tou.

E dan tou sa bann *areas*, ou pou trouve i annan en rol kot sekter prive i ete. Mersi.

MR SPEAKER

Mersi. Onorab Loze?

HON JOHAN LOZE

Mersi Mr Speaker. Mr Speaker, mon pe gete si i annan provizyon dan Bidze, pou fer en letid lo ki lenpak sa bann *digital internet providers* i kapab annan lo marse lo lokal?

Mon konnen ki Gouvernman in fini pran li en pozisyon. E pozisyon ki zot in fer se ki, posibleman i kapab enpakte bann *local service providers*.

Sa ki mwan mon anvi konnen, eski zot pare pou fer en letid pou *back up* pozisyon Gouvernman avek bann fe? Parske demann sorti kot piblik pe pa bese, pa pou arete. Mwan personnelman mon napa en lopinyon lo la. Be mon zis anvi konnen si *DICT* li i pare pou fer en resers dan sa size, e *come up with facts*?

Aprè Mr Speaker, mon'n tann komantr lo vot lo Bidze *DICT*. Mon'n note ki *Caucus LDS* pa ti pran vot lo Bidze *DICT*, ti vot kont aköz en *screensaver*? Mr Speaker, ou *Caucus* zot annan 5 an zot, zot dan lakres? Be sa pti manrmay ki fer sa! Ou kapab vot kont en Bidze kont saler dimoun aköz en *screensaver*? Anfanten!

(*murmurings off-mic*)

MR SPEAKER

Permet *PS* reponn lo size letid. *VP*, mon'n pas kestyon avek *PS*.

VICE PRESIDENT AHMED AFIF

Wi, Mr Chair, mon a les *PS* petet adres premye konponan.

PS BENJAMIN CHOPPY

Mersi Chair. Non, napa en Bidze spesifik, ouswa en proze spesifik pou fer sa letid dan sa Bidze. Selman lo kote akizisyon bann solisyon, i *usually* mazorite letan nou fer *open tender*.

So, i available to tou lede, lokal, enternasyonal, depandan lo sa solisyon. Mazorite letan, en kantite fwa bann proze i aktyelman *tender* lokalman pou sa. Sa mon kapab reponn.

MR SPEAKER

Wi, mersi *PS*. Onorab Pillay?

HON SEBASTIEN PILLAY

Mersi Mr Chairman. Mr Chairman, letan ki *VP* pe reponn kestyon ki'n ganny demande, e mon pe regard Bidze R78 milyon 928 mil, konsern ki mon annan e apre ki mon'n enterakte avek plizyer antite pandan bann sesyon *FPAC*, se ki eski *DICT* i kapab *cope* avek volim demann ki bann diferan antite i mete?

Par egzanp *VP* lo nivo *provide* bann *software* finansyel, pou ki bann antite i kapab gard zot bann rikord. Lo en lot kote *provide* bann sistenm kot dimoun i kapab ganny aske ek lenformasyon.

Par egzanp, si nou ti regard Anse Royale resanman, nou'n dan problemn avek lo nivo *DA's Office*. E plizyer landrwa in rankontre sa problemn.

So kekyon ki mon annan pou *VP*, se ki *at the same time* ou pe met sa resours lo en nivo nasyonal, pou ki ou kapab fer marse *DICT* as en antite nasyonal, ou bezwen kapab osi ki sa resours osi i *translate* dan en meyer platform pou donn servis dimoun.

Resaman mon ti pe koz ek en dimoun kot *Foreign Affairs* menm parey. In annan problemn, sistenm i *slow*. So ki zot pe fer pou adres bann defayans e kote dan Bidze ki nou'n met en provizyon bidzeter adisyonnèl pou adres serten defayans ki annan avek bann sistenm ki annan an plas?

Akoz si bann travayer ki pe ekout mwan, e si ou dir mwan poudir napa bann defayans ou bann travayer pou dir ou i pa laverite.

So kekyon se ki mwan mon anvi *genuinely* war sa

anmenn en *improvement*. So kote ki nou pe met en larzan oubyen zefor, pou nou adres sa bann defayans?

Par egzanp Mr Chairman, nou fek tann koz lo sa *human resource* sa program *human resource* konsernan *Public Service Bureau* se *DICT* ki ti *design*, ki ti met an plas. E i en keksoz ki *DICT* i kapab travay lo la.

Lasanble Nasyonal, nou - menm si nou sistenm i *off grid* ek *DICT*, nou la nou pe ganny demande pou al lo sistenm *DICT* par Minister Finans. E legzizans pe ganny mete lo nou pou al lo sistenm *DICT*.

E nou konnen i annan bann problemn *inherent* avek tou sa bann dimoun ki lo sa sistenm. So kekyon ki mon annan se, mon war en Bidze ki pe ogmant zis par R3 milyon. E sa logmantasyon i pa al ver *input* dan bann *Government e Government structure*. So sey dir nou ki mannyer ki zot pe fer pou adres sa bann defayans ki zot annan?

E mwan Mr Speaker, an terminan mon siport pwen Onorab Loze ki li anfantèn pou pa vot lo en Bidze aköz en *screensaver*. Mersi Mr Speaker.

MR SPEAKER

VP?

VICE PRESIDENT AHMED AFIF

Mersi bokou Mr Chair. Mon a partaz petet larepons avek PS Choppy. Petet lo sa dernyen komanter pa ti vot aköz en *screensaver*, mon pa rapel sa ditou.

(laughter)

VICE PRESIDENT AHMED AFIF

Vot pa ti ganny pran, aköz zot ti refize dir poudir ou kapab fer – ler ou fer en *call billing per second* e zot ti dir i pa posib e sa i egziste ozordi.

Alor nou enform pep Seselwa, nou edik pep Seselwa lo laverite.

MR SPEAKER

Annou al lo Bidze ozordi prezan.

VICE PRESIDENT AHMED AFIF

Lo kestyon kot i konsern *DICT* ek lezot i pou toultan premye kestyon sete eski nou kapab *cope* avek volim travay ki annan. I pou toultan difisil avek resours ki nou annan ek R78 milyon. Me selman en keksoz ki *DICT* i kapab fer, se souvandfwa permet. E i annan bann lenstans kot in permet bann – in dir avek sa bann lezot lazans

ki demann li led. Be ou kapab sou kontrakte sa *programming* oubyen sa *analysis* avek en lot lakonpanyen.

I annan de lenstans kot serten *MDAs* par egzanp, zot dir ek ou lo *cybersecurity*, zot a pran lo zot menm zot linisyativ pou zot annan en kontra avek en *online cybersecurity service provider* ki donn zot sa proteksyon.

I annan plizyer lezot servis ki ozordi mannyer sa lendistri i ete. I *online* e zot kapab fer li. *DICT* otan ki i kapab, i ed zot kot i konsern lanaliz parey PS in eksplike dan serten lenstans. I donn zot *software*, parske i pli ekonomik pou ou aste *license* pou dizon *office* oubyen *windows* konman en antite. E ou prezan ou donn bann lezot bann *license* ki ou’n aste an gro. I vin bokou pli efikas.

Alors sa i mars en pe koumsa. An se ki konsern devlopman *software*, sa toultan i reste en *challenge*. E i en travay konzwent kontrent i pa zis lo *DICT*, kontrent i lo sa bann lorganizasyon, pou zot annan ase dimoun ki kapab fer sa lanaliz striktirel kot devret sanz zot lorganizasyon.

E *DICT* pa kapab vini dir ek li fodre ou sanz ou sistenm ou vin koumsa. Fodre zot ki vin avek sa sanzman, zot propoz

bann arsitektir ki *DICT* apre i kapab travay. Alors i en travay vreman konzwent.

So vwala en pti pe sa ki mon vwar dan larepons pou ou kestyon. Pa konnen si *PS* i le azoute.

MR SPEAKER

PS, ou anvi azoute?

PS BENJAMIN CHOPPY

Wi Mr Chair. Zis pou dir ler ou get mannyer nou fer lo kote devlopman nou serten. Selman dan zis – nou'n redwir sa dan zis serten *area* ki vreman kritik e *sensitive*. So nou pe *move* - nou pe sorti dan en kantite bann lezot *area*. E wi, dan Bidze i annan en serten amount ki nou servi pou *acquisition of software*.

E sa i enkli ler nou *tender* pou devlop en keksoz. So i pa -. So i annan en zefor pou nou *bring in* kapabilite *private sector as well* pou osi tou fer sa. So i ogmant nou kapabilite delivre an term bann sistenm. Selman menm Sesel i annan serten kontrent kantite solisyon ki sa. Selman sa mon pou dir *that's the best we can do presently*.

E an term - mon krwar ti annan en kestyon an term bann sistenm finansyel. I annan en proze ki Minister Finans pe *lead* pou *IFMIS* ki *the Integrated*

Financial Management Information System, ki wi, li i pou *across the whole of Government*. E i en proze - anfen - ki pou pran en pe letan osi. Mersi.

MR SPEAKER

Mersi.

HON SEBASTIEN PILLAY

(Off-Mic)

MR SPEAKER

Lo?

HON SEBASTIEN PILLAY

Mr Chairman, mon'n demann en kestyon. Lasanble Nasyonal i endepandan avek Gouvernman. Me dan dernyen *meeting* ki nou ti gannyen avek Minister Finans, i annan en lensistans pou anmenn nou lo en sityasyon kot *DICT* i re vin garan nou sistenm.

So mwan mon'n ensiste ki nou reste endepandan avek sistenm Gouvernman. Mon ti a kontan ganny en larepons lo la. Mersi.

MR SPEAKER

Non, sa pwen in ganny fer avek Minister Finans. Ou a kapab adres li dan Bidze *Legislature*.

HON SEBASTIEN PILLAY

Be *DICT* i kapab reponn Mr Chairman. Les li reponn. *VP* osi in pare pou reponn.

MR SPEAKER

Sa pwen, sa pwen in ganny adrese avek Minister Finans e ou a kapab lev sa dan Bidze *Legislature* pou regarde. Mersi.

Nou annan plizyer antite pou konsidere e pou vot lo la. Donk, nou ava konmans pran bann vot e pas lo sa bann antite.

Premye Bidze pou Departman *Information Communications Technology* lo paz 57 ziska 63, pou en total R78 milyon 928 mil.

Manm ki an faver lev lanmen silvouple? Tou Manm in vote - nou a ganny vot? Mersi. Lo Bidze Departman Lenformasyon e *Communications Technology* pou R78 milyon 928 mil, 30 Manm in vot pour, 0 kont, 0 *abstain*. Sa Bidze in aprouve par Lasanble.

Bidze pou *Seychelles Communications Regulatory Authority* lo paz 79 ziska 82 pou R11 milyon 46 mil., Manm ki an faver lev lanmen silvouple? Mersi. Manm ki kont? Lo Bidze pou *Seychelles Communication Regulatory Authority*, 21 Manm in vot pour, 9 kont e 0

abstansyon. Sa Bidze in aprouve par Lasanble.

INFORMATION COMMISSION

MR SPEAKER

Bann antite ki nou pe regarde; premye *Information Commission* nou ti'n annan lapratik pou finans zis donn en lentrodiksyon bref lo sa Bidze. Prensipalman pou piblik akoz bann Manm i annan dan zot rikord. Ms Tamatave, adres Bidze *Information Commission* pou nou vot lo la.

COMPTROLLER GENERAL ASTRIDE TAMATAVE

Mersi Mr Chair. Mr Chair, Bidze pou *Information Commission* i pou en sonm R3 milyon 529 mil. Sa i en logmantasyon 541 mil par rapor avek son Bidze revize pou 2023.

Prensipalman anba *wages and salaries*, sa i en *increase* R347 mil, ki pou en *Data Protection Analyst* R189 mil.

Revizyon *scheme of service* pou *admin staff*. Anba *goods and services* son logmantasyon R194 mil. Sa i prensipalman anba *other use of goods and services*, ki annan *increase* an relasyon avek bann *new spending initiatives* ki nou'n donner.

I annan larzan pou *consultancy for technical foreign consultancy* R90 mil e osi pou en *technical workshops* R100 mil. Sa i prensipalman Bidze *Information Commission*. Mersi Mr Chair.

MR SPEAKER

Bon, nou ava apel pou vot lo Bidze *Information Commission* ki lo paz 64 ziska 67 pou R3 milyon 529 mil. Manm ki an faver lev lanmen silvouple? Mersi. Manm ki kont? Bidze *Information Commission* 21 Manm in vot pour, 0 kont e 9 in *abstain*. Bidze in aprouve par Lasanble. Ms Tamatave, *Seychelles Media Commission*.

SEYCHELLES MEDIA COMMISSION

COMPTROLLER GENERAL ASTRIDE TAMATAVE

Mersi Mr Chair. Mr Chair, Bidze pou *Seychelles Media Commission* i pou en total R2 milyon 753 mil. Sa i en *increase* R103 mil konpare avek son Bidze revize 2023. E prensipalman sa *increase* i anba *wages and salaries* ki R69 mil. Sa i pou *increase* dan *salary enhancement pou admin officer*.

Anba *goods and services*, i annan en *increase* selman R34 mil. Sa i prensipalman bann *increase* an relasyon zot servis ki zot ofer. I annan bann *increase* dan bann *rates* dan servis. Sa ki'n fer sa pti logmantasyon dan son *goods and services*. Mersi Mr Chair.

MR SPEAKER

Mersi. Bidze *Seychelles Media Commission* pou R2 milyon 753 mil. Manm ki an faver lev lanmen silvouple. Manm ki kont? Bidze *Seychelles Media Commission* 21 Manm in vot pour, 0 kont e 9 abstansyon. Bidze in aprouve par Lasanble. Ms Tamatave dernyen ladan *Office of the Mayor of Victoria*.

OFFICE OF THE MAYOR OF VICTORIA

COMPTROLLER GENERAL ASTRIDE TAMATAVE

Mersi Mr Chair. *Office of the Mayor of Victoria* son Bidze propoze pou 2024 i R3 milyon 928mil. Sa i en rediksyon apepre R2.5 milyon konpare avek son Bidze revize 2023.

Me selman si nou pou konpar li avek Bidze inisyal pou 2023, i en rediksyon apepre R3 milyon. E sa R3 milyon rediksyon Mr Chair, i an relasyon avek *Paradis des*

Enfants. Parey nou konnen oparavan *Paradis des Enfants* son provizyon ti anba *Office of the Mayor*.

E lannen pase letan nou ti fer diskisyon dan *Committee Stage*, ti annan diskisyon ki ti dir *Paradis des Enfants* i en SOE. So Gouvernman i devret fer provizyon separe pou li.

So sa lannen anba *subvention to Public Enterprise, Paradis des Enfants* sa R3 milyon anba sa alokasyon. Mersi Mr Chair.

MR SPEAKER

Mersi. Nou a vot lo Bidze *Office of the Mayor of Victoria* R3 milyon 928 mil. Manm ki an faver lev lanmen silvouple. Manm ki kont? Lo Bidze *Office of the Mayor of Victoria*, 21 Manm in vot pour, 0 kont, 9 abstansyon. Bidze in aprouve par Lasanble. Mersi.

Avek sa, mon remersye bann zofisye avek VP ki'n la avek nou, e mon swet zot bon depar e bonn kontinyasyon.

Nou annan ankor en antite pou pran apre nou a pran en poz. E nou a rezwenn 4edmi pou pran Bidze *Legislature*, Lasanble Nasyonal Sesel. Mersi.

(BREAK)

Mr Deputy Speaker in the Chair

THE LEGISLATURE

MR DEPUTY SPEAKER

Bonn apre midi tou dimoun, *welcome back* pou kontinyasyon nou *Committee Stage Appropriation Bill, 2024*. E prosen antite ki pou pase se Lasanble Nasyonal. Donk, mon ava demann madanm raporter pou al kriy delegasyon Lasanble silvouple.

Donk, nou ava swet labyenveni delegasyon Lasanble Nasyonal parmi nou. Menm si zot lanmenm solman nou a dir zot *welcome* parmi nou. Dirize par Madanm Clerk, Madanm Tania Isaac e *Senior Accountant* Madanm Ghislaine Thelermont. E zot akonpanyen lo *head table* par *Comptroller General* Manmzel Astride Tamatave, ki sorti kot Departman Finans ansanm avek Ms Karen Bedier ki *Senior Finance Analyst*.

Nou ava demann Madanm Clerk pou fer lentrodiksyon pou bann Manm. Nou pe get dokimantasyon la lo paz 41 a 43 e (non mon pe donn zot pou Biro Mer Lavi) So dokiman i lo paz 102 a 108. Nou ava envit Madanm Clerk pou fer lentrodiksyon. Mersi.

MADAM CLERK TANIA ISAAC

Mersi Mr Speaker. Bonn apre midi. Bonn apre midi tou bann Manm, tou bann *staff* Lasanble e osi bann dimoun ki a lekout.

Mr Speaker, pou zis donn en pti bilan Bidze Lasanble Nasyonal pou sa lannen, Lasanble parey zot konnen ti konmanse an 2023 avek en renovasyon mazer lo son *Chamber* e sa ti ale ziska Mars.

E kot nou ti vwar ti annan en *opening ceremony* kot Speaker li menm li koman, a latet nou lenstitisyon, i ti fer son *speech* kot i ti koz lo bann lakonplisman e osi bann priyorite pou sa lannen.

E apre sa, nou ti konmans avek en legzersis *capacity building* kot *The National Assembly Council* ti vwar bann konsiltan sorti CPA, ki ti donn nou sa *technical assistance* pou nou drafte en *Parliamentary Service Act*.

E Lasanble o kour sa lannen osi, nou ti annan nou de *regional meetings*; enn ti *The Executive Committee SADC-PF* ki ti *chair* par Speaker li menm, konman Prezidan SADC-PF. E apre nou ti annan sa asosyasyon Parlmanter de *Commission de L'Océan Indien*. E sa lorganizasyon ti ganny relanse Sesel e Lasanble

Nasyonal ti zwe en rol enportan dan son *revival*.

E osi nou ti vwar ki ti annan plizyer bann *foreign delegations* ki ti vin Sesel, pou *benchmarking*. Ti annan en delegasyon ki ti sorti ki *Gauteng Province* ki ti vini. Apre nou ti annan bann *staff* osi diferan Parlman sirtou *Uganda*, ki ti vizit Lasanble e *share* bann leksperyans avek nou bann *staff*.

Nou ti annan en *special sitting* kot nou ti annan vizit Prezidan *Rwanda*, ki ti vin *address the House*. E nou'n vwar osi bann eleksyon e re eleksyon bann Manm lo diferan lorganizasyon enternasyonal, ki bann lorganizasyon Parlmanter.

E plizyer bann vizit ki Lasanble in fer atraver bann travay komite. E sa lannen nou'n vwar sa *Food Security and Sustainable Development Committee* ki'n vin aktiv.

E nou osi ti annan bann aktivite 30 an lanniverser Lasanble, *signing of MOU* osi avek Ledikasyon. Tousala i bann keksoz ki nou Bidze in fer provizyon pou zot.

E osi nou ti annan plizyer bann lorganizasyon enternasyonal ki nou ti vwar Lasanble apre ki *COVID* in fini, nou ti renons nou dan nou

bann aktivite avek bann lezot lorganizasyon parlamanter.

E nou'n menm bezwen vwar nou demann *supplementary budget*. E zis pou fer realize ki an 2022 ti annan 19 *travel*. Sa mon pe koz pa endividyel, me par delegasyon ti annan 19.

E 2023 ziska lafen Novanm, i annan nou apepre 61 bann diferan *travels*. E osi dan nou Bidze sa lannen dan nou *supplementary*, nou ti ganny alokasyon 2.1 milyon sa i pou transpor, pou ki Lasanble i kapab, refer son bann *fleet* son bann transpor.

Mr Speaker, prezan si mon koz en pti gin lo sa alokasyon ki Lasanble in gannyen pou lannen 2024. Lasanble in ganny li en Bidze 54.9 milyon ki 6 milyon an plis konpare avek sa Bidze revize, ki i ti gannyen 2023. So, 2023 in ganny li 48.03 milyon. E sa *increase* i ganny vwar dan *wages and salaries*.

Dan *wages and salaries*, nou vwar en logmantasyon 1.7 milyon e ladan i al pou 6 nouvo *post* ki nou'n gannyen. 5 nouvo *committee clerks* e avek en *PR Officer*. E osi nou vwar bann peyman bann *end of contract payment* ki lannen 2023 i ti dan en fon Santral. Me la zot in retourn sa vot avek nou.

E osi nou annan en *staff* osi sorti kot *Cleaners Cooperative* ki pou vin avek Lasanble. So tousala i lo nou *payroll* pou *wages and salaries*.

E dan nou bann *goods and services*, nou'n vwar en *increase* 1.9 milyon, apepre 1.3 milyon. E laplipar nou bann *increase*, nou vwar dan *office expenses* dan liniform pou nou bann *staff*. Sirtou la ki nou pou annan nou bann nouvo *staff* osi apre bann pri.

Nou vwar dan loospitalite, akoz nou *cater* pou nou bann Manm, nou *cater* pou parey letan i nou annan *SONA, cocktail*. So sa i *cater* pou sa kalite aktivite.

Dan elektrisite osi nou'n vwar en *increase*. En *increase* dan transpor, en *increase* dan materyo, sirtou bann *protective clothing* ek bann lekipman ki nou servi; bann *housekeeping e maintenance staff* osi. Pou fer sir poudir nou pe *abide* avek bann *health and safety requirements*.

Apre nou'n osi vwar en *increase* dan nou lagreman ki nou annan avek bann *other service agreement*. Par egzanp *fire alarms e generator*.

Apre nou annan en 1.8milyon ki li i dan *minor capital outlays*. Sa i pou nou kontinyen aste refer nou bann

fleet, nou bann transpor ki nou annan lannen 2024 e pey petet bann balans ki reste osi. E nou osi pe mazin osi pou nou *upgrade* nou bann *aircon*, nou bann lekipman ki nou annan.

E osi nou'n vwar en logmantasyon dan nou *non-financial assets*. Dan nou *capital projects* 2024 alors i 3.1milyon. Nou pe al ranplas tou nou bann tiyo pou delo dan *building*. Apre nou pe re aranz nou twatir *building* li osi 4 milyon.

Apre nou pe osi refer nou bann *tiles* dan *lobby* R500 mil. So an gro Mr Speaker, vwala en *summary* nou Bidze pou Lasanble pou 2024. mersi.

MR DEPUTY SPEAKER

Mersi Madanm Clerk. Aprezan nou pou ouver lasal pou bann kestyon. Premye entervenans Onorab Georges.

HON BERNARD GEORGES

Mersi Mr Chairman. Bonn apre midi Clerk. Bonn apre midi Madanm Thelermont. Bonn apre midi Ms Tamatave. Mr Chair, mon ti a kontan konmans par swet nou tou en tre bon trantyenm laniverser sa lenstitisyon.

I en lenstitisyon ki mwan personnelman - me mon sir ki tou bann Manm ki servi isi,

oubyen bann ki'n deza servi isi e tou bann travayer ki travay isi, i *proud* annan en lenstitisyon parey sa enn.

E nou vin isi - ler nou vin isi avek en leker kler, aköz nou konnen ki nou pe travay dan en lenstitisyon ki pe performen. Nou'n vwar en kantite bon keksoz sa lannen. Mon pa pou repet sa ki Madanm Clerk fek fer sorti.

E mon ti a kontan felisit e Lasanble li menm, e son *staff* e Sekretarya pou tou sa bann lakonplisman.

(APPLAUSE)

HON BERNARD GEORGES

Malgre mank resours, nou pe asiz dan en zoli *Chamber*, nou Speaker in ganny elekte konman Prezidan SADC-PF. E la Onorab William fek ganny elekte li osi, konman Prezidan IPU *Climate Change Committee*. E nou annan en kantite keksoz pou nou *proud* e fyer.

E mon krwar ki nou bezwen rekonnèt ki sa i sorti par travay bann Manm e par travay Sekretarya avek tou tim travayer Lasanble. Malerezman e mon bezwen dir malerezman - nou annan gran defi. E mwan mon pran laparol ozordi, parey mon'n fer lannen pase a menm moman, dan menm Bidze, pou

dir ki bann *current challenges* ki mon vwar dan sa *head* ki'n ganny met devan nou, i en defi enorm.

E mwan in dezapwent mwan bokou, pou vwar ki sa bann *challenges* i ankor devan nou.

"Inadequate vital resources which affects service delivery." Mr Speaker, *absence of illegal framework* pou nou *governance* ek nou lotonomi finansyel avek ladministrativ, ki *Council* in koz lo la. E ki tou lede kote latab in siporte.

Staff retention - gro problemn. Nou'n vwar en kantite mouvman *staff* sirtou dan en direksyon. Me i gou war ki serten nouvo figir in *join* nou.

Mon pa pou al dan tou sa bann detay, me bann *challenges are great* Mr Speaker. E sa ki mwan mon ti a anvi ozordi demann avek Madanm Clerk, se ki manner - ki manner ler nou konpar nou avek bann lezot Lasanble ki nou vizite apar lemonn, e nou vwar bann servis ki bann Gouvernman i met o servis Lasanble, o servis bann Manm.

Zot kapasite ki zot gannyen; zot Bidze ki zot gannyen; zot lenfrastriktir ki zot gannyen. e nou konpar avek sa ki nou annan isi ozordi, ki manner Madanm Clerk, eski

nou pou kapab ganny sa bann keksoz, sirmont sa bann *challenges* ki ou'n met devan nou?

Ariv a en moman kot, malgre ki nou'n ganny R6 milyon an plis e ki nou annan pros 55 milyon sa lannen, kan eski nou kapab espere, ki nou pou annan lotonomi finansyel ek administrativ, kot nou, nou ava kapab demann avek Gouvernman la la Bidze ki nou bezwen, la la rezon aköz nou bezwen sa Bidze.

Kan eski zot pare silvouple pou met sa Bidze a nou porte, pou ki nou a kapab nou osi, enn fwa pour tou annan en Lasanble kot nou kapab *proud*, kot nou kapab annan bann servis?

E ki nou kapab delivre sa bann servis ki bann dimoun ki'n anvoy nou isi i ekspekte, e kot nou ava vin pa en *poor relative* avek bann lezot brans Gouvernman, me ki nou ava kapab *stand shoulder to shoulder* apar egal avek zot. Mersi Mr Speaker.

MR DEPUTY SPEAKER

Mersi Onorab Georges. Nou ava envit Madanm Clerk pou son larepons.

MADAM CLERK TANIA ISAAC

Mersi Mr Speaker. Mersi *LGB* pou ou kestyon. Lo kote ki manner Lasanble pe fer an relasyon avek bann lezot Parlman. Mon kapab dir ki lo kote Lasanble, Sesel i ganny gete konman en *benchmark actually*. Akoz i annan en kantite – *despite* nou bann *challenges*, Sesel i annan en kantite travay ki nou fer.

Mon pe mazin, petet akoz resours ki Sesel i annan, petet i pa parey pou lezot pei. Me an term partisipasyon nou bann Manm, bann Manm i toultan pous azanda pou Parlman Sesel devan.

Me selman lo kote bann resours ki nou annan. Wi, nou ti ava voudre annan plis resours. Me selman mon krwar premye travay ki nou pou bezwen finalize se sa *Parliamentary Service Act*. E sa i petet letan nou pou fer li e nou ava annan en *cost* ki vin avek. *Then* petet sa i ava petet lans nou lo ganny bann resours ki Lasanble Nasyonal i annan.

E an se moman nou pe servi sa *CPA Benchmarking for Independent Parliament* ki CPA in fer. E se sa ki nou pe servi. An se moman nou pa pe mal fer lo sa *benchmarking*, me selman sa bout lendependans i sa bout ki nou ankor pe annan sa

konsiltasyon avek Legzekitiv, pou nou kapab bouz de lavan.

Parey zot konnen poudir 2016 avek sizyenm Lasanble ki la, nou'n konmans en bon pe plis. Nou'n koz lo Lasanble *Serving a Modern Democracy* e vremen al *towards* annan sa lotonomi.

So pou nou kapab fer li nou bezwen fer li an ekrir. Nou bezwen fer li formelman. E sa *Parliamentary Service Act* i ava ed nou pou nou fer sa. Mersi Mr Speaker.

MR DEPUTY SPEAKER

Mersi Madanm Clerk pou ou larepons. Onorab Larue?

HON FLORY LARUE

Mersi Mr Chair. Bonn apre midi *panel*. Mon ti kontan mwan osi fer referans avek bann *challenges, current challenges*. E de ki sorti direkteman la se sa enn premye, *'inadequate vital resources.'* E sa enn trwazyenm ki dir *"difficulty to retain experienced and qualified staff to provide efficient delivery of support services to bann Manm."* Sa de pwen i fer ki i montre ki nou bann – servis prensipal ki nou sipoze donnen - i pa - lo kote travay ki Lasanble i fer, i pa ala oter.

Bomaten nou'n tann Madanm Mohideen ki'n eksplik

nou, ki zot dan *PSB* pe rod target standar servis ki *UAE* i donnen. Alor mon ti a kontan demande, ki kantite Bidze ki Lasanble ti demann Minister Finans, pou kapab *overcome* son bann *current challenges*, pou nou kapab konpare avek sa enn ki nou'n gannyen? Pou vwar kote nou ete lo ki mannyer nou kapab *achieve* nou bann *challenges*. Mersi.

MR DEPUTY SPEAKER

Mersi Onorab. *Panel*?

MADAM CLERK TANIA ISAAC

Mersi Mr Speaker. Mersi Onorab pou ou kestyon. Wi, nou annan enn de bann *challenges*. Ou konnen akoz Lasanble nou *benchmark* nou parey mon dir, avek bann lezot pei *Commonwealth*. E i annan zis en *Parliament* Sesel. So napa ankore en lot.

E letan nou *benchmark* nou tou sa bann keksoz ki nou anvi fer, dan sa travay ki Konstitisyon i demande nou travay *oversight*, nou travay reprezantasyon, nou travay Lezislatif, nou vwar poudir i annan en kantite mank, akoz i bann travay ki spesyalize.

E menm bann kalite *training* ki ou pou bezwen donn ou bann *staff*, i bann *training* ki menm letan ou *staff* i lo

probasyon ou bezwen donn zot sa bann *training*. En dimoun pa pou kapab travay avek en komite, si i napa en serten bagaz pou li travay avek komite.

E la kot i vin en pti pe nou konstrent, akoz letan nou war nou pe *train* nou bann *staff*, par ler i annan bann *skills* ki nou donn zot, ki letan landrwa i vwar sa bann *skills*, zot anvi, e zot *poach* sa bann *staff*.

Par egzanp Lasanble i pa ganny konpare avek Legzekitiv. Lasanble i ganny konpare avek bann antite prive. E letan nou get bann dimoun ki anvi vin travay Lasanble, zot sorti dan bann lorganizasyon prive. E letan zot vin Lasanble e zot vwar *the salary* ki nou pe donn zot, e sa i fer ki zot deside al dan en landrwa zot pa vini.

Akoz Lasanble premyerman nou napa sa resours, pou nou kapab pey zot sa kalite saler ki zot pe demande.

E dezyenman nou napa sa lespas pou nou met bann *staff* asize pou zot kapab fer sa louvraz. So, i annan plizyer bann resours ki nou vwar, i retard nou en pti pe dan sa travay ki nou annan pou fer.

Me selman letan nou pe koz lo *retention of staff* en keksoz ki petet mon kapab *share* ek bann Manm, se ki

letan nou pe get nou *Award Ceremony* ki nou pe al fer lafen lannen, nou *Long Service Award* nou annan nou 50 *staff*.

E ladan 21 *staff* zot pe travay plis ki 5 an avek Lasanble Nasyonal. So, sa letan mon pe gete i en *high rate* pou en lenstitisyon, menm si nou annan nou bann *challenges*. Nou annan en kantite *staff* ki reste e travay akoz zot annan en pasyon pou sa louvraz. E zot anvè annan en karyer avek Lasanble.

E menm bann ki annan 4 an nou vwar i annan en kantite ankor ki pe sivre deryer. So nou annan nou bann *challenges* ki nou pe sey rezourd. An se moman la nou'n ganny nou en *admit block*. E nou'n ganny promet ki an 2027 nou pou kapab fer nou *annex building*.

So nou *hopeful* ki i ava annan amelyorasyon dan nou Bidze ki nou pou gannyen. Mersi Mr Speaker.

HON FLORY LARUE

(Off-Mic)

MR DEPUTY SPEAKER

Mersi – pardon? Anr, zafer konbyen larzan ti demann Finans orizinal, wi.

MADAM CLERK TANIA ISAAC

Mersi Mr Speaker. *Ok* nou total ki nou ti'n demande ti 67.7 milyon. Nou *ceiling* ki nou ti gannyen ti 49 milyon. E *approved budget* ti 54.89 milyon. Mersi Mr Speaker.

MR DEPUTY SPEAKER

Mersi Madanm Clerk. Onorab Lemiel.

HON SYLVANNE LEMIEL

Mersi Mr Chair. Bonn apre midi Madanm Clerk avek Madanm Thelermont. Bon, pour lefikasite *service delivery* e osi lasistans ki Lasanble i *provide* pou bann Manm Lasanble Nasyonal, nou konnen nou bezwen annan en bon sistenm *internet*.

E Lasanble Nasyonal mon panse ki depi ler in an egzistans, i annan en sistenm. En sistenm ki'n ed nou ase byen, pou ariv ziska kot nou'n arive ozordi. Me otan ki nou pe evolye, nou santi ki sa sistenm ki nou, nou annan isi kot Lasanble in en pti pe – mon pa konnen ki mannyer nou pou met sa an langaz teknolozi - si i en pti pe *outdated* oubyen in vye, nou kapab dir.

Eski dan Bidze 2024 - akoz nou vwar ki partou pe bezwen met bann *modem* ki pou asiste bann Manm pou ganny sa fasilite. So eski dan Bidze -

ler mon pe gete mon pa vwar nanryen ki'n ganny mete pou nou kapab *upgrade* sa sistenm *internet* ki nou annan.

Eski Lasanble Nasyonal ti fer en demann avek Minister Finans, pou nou ganny larzan pou nou kapab *upgrade* sa sistenm?

Akoz mon santi sa i en landrwa priyorite, ki nou ti'n merit pe met serten larzan ladan. E si nou ti demann Minister Finans en larzan. Pou ki rezon Minister Finans pa'n donn nou sa larzan? Mersi.

MR DEPUTY SPEAKER

Mersi Onorab Lemiel. Mon ava envit *panel* pou reponn silvouple.

MADAM CLERK TANIA ISAAC

Mersi Mr Speaker. Mersi Onorab pou ou kestyon. Wi, nou sistenm *IT* ki nou annan i date depi 2009. E *over the years* avek Bidze ki nou'n gannyen, nou'n kapab zis fer bann pti bout, pti bout, bann pti *piecemeal* kot nou'n kapab sanze e *upgrade* kot nou'n kapab.

Me selman nou'n vwar la in ariv en staz kot nou nepli kapab zis fer sa bann pti bout, pti bout. Nou bezwen refer antye nou bann *cabling*. Nou bezwen revwar nou bann

internet package ki nou gannyen avek *service provider*. E nou bezwen *even* vwar nou bann *softwares* ki nou servi.

So letan nou ti zwenn avek Minister Finans, nou ti ganny demande pou nou konsilte *DICT* konmansman pou Bidze 2024. Akoz *DICT* ti pou *oversee* en pe bann *IT related aspect of* pou Gouvernman an antye.

E nou nou'n zwenn avek *DICT* e nou'n konsilte avek *DICT*. E nou'n fer zot konpran ki Lasanble i annan son parey sa term nou dir *exclusive cognisance*. E *even* letan i ariv sa bout kot nou bann lekipman *ICT* i pou en pti pe difisil pou nou al avek zot aköz nou demann i diferan.

E *DICT* zot in dakor e nou'n retourn avek Minister Finans. E nou'n fer en konversasyon avek Minister Finans, e an se moman i paret pozitiv. Dan nou Bidze nou ti'n demann R515 mil pou *IT*. E Minister Finans pe regard dan Bidze, pou zot kapab donn nou alokasyon sa ki nou ti'n demande dan Bidze sa lannen.

So, *in a way* nou'n gannyen. E prezan si i annan plis travay pou nou fer. Nou ava gete dan nou Bidze si i annan landrwa ki ava annan *savings*, pou nou fini fer sa travay ki nou

pou deza konmanse. Mersi Mr Speaker.

MR DEPUTY SPEAKER

Mersi Madanm Clerk. Mon pou aprezan kriy –

HON SYLVANNE LEMIEL

(Off-Mic)

MR DEPUTY SPEAKER

I annan en keksoz ki pa kler pou ou? Ale dir mwan, dir.

HON SYLVANNE LEMIEL

Sorry Mr Chair. So Madanm Clerk, savedir sa larzan ti orizinalman in ganny demande me selman ou pann ganny *approved*, akoz ou'n bezwen al koz avek *DICT*, pou gete si nou kapab al anba son sistenm?

Me la ou pe sey dir poudir nou pe al gannyen sa larzan? Selman i pa en enkli dan sa 54 mil ekek ki nou'n gannyen, non?

MR DEPUTY SPEAKER

Madanm Clerk, ou ava zis re konfirmen. Mon'n konpran ki nou pou ganny li sa lannen. *It will not be in the 2024 budget*, me zot pou rode kot zot pou gannyen pou donn nou la avan lafen lannen 2023?

MADAM CLERK TANIA ISAAC

Wi, vwala.

MR DEPUTY SPEAKER

E si i ava mank adisyonnèl, Madanm Clerk in dir i ava regarde kot nou pou fer *saving* an 2024, pou *beef up* lo sa ki'n travay ki nou pou fer. *Ok, much clearer*. Onorab Porice.

HON DOYACE PORICE

Mersi Mr Speaker. Bonn apre midi a tous. Avan mon al lo mon kestyon, mon ti a kontan remerci tou *staff* Lasanble. Nou vremen apresye zot travay, servis ki zot in donn nou pandan sa lannen. E sa i konmans depi kot Speaker ziska sa *cleaner* ki met nou dan prop. E osi nou sekirite dan *gate*.

Mon kestyon i lekel bann konsiltan ki ganny peye anba sa Bidze 54 milyon kot Lasanble Nasyonal? Mersi.

MR DEPUTY SPEAKER

Mersi Onorab. Madanm Clerk kestyon lo *consultancy*.

MADAM CLERK TANIA ISAAC

Mr Speaker mersi. Onorab, ou pe koz konsiltan avek bann lofis bann *Leaders*?

HON DOYACE PORICE

Yes.

MADAM CLERK TANIA ISAAC

Mr Speaker, sak lofis bann *Leaders* zot annan zot 2 konsiltan. E se zot lofis ki apwent konsiltan pou zot – ki travay avek zot. E lofis *LGB* i annan 2; lofis *LOTO* i annan 2. Ou pe demann mwan pou donn zot non sa de dimoun?

HON DOYACE PORICE

Yes, lekel zot?

MADAM CLERK TANIA ISAAC

En moman Onorab. Mersi Mr Speaker. *Ok*, pou lofis *LOTO* i annan 2 dimoun. I annan Trevor Louise avek Patrick Herminie. Lo kote *LDS* i annan Ms Irine Fonseka avek en *post* ki *vacant*. Akoz *LGB* in servi sa pozisyon dan son lofis pou en *private secretary*. So i annan en pozisyon ki *vacant* kot lofis *LGB* pou le moman. Mersi Mr Speaker.

MR DEPUTY SPEAKER

Mersi Madanm Clerk. Mon pas laparol aprezan avek Onorab Hoareau.

HON JOHN HOAREAU

Mersi Mr Chair. Mr Chair, dabor mon le profit loportinite pou mwan felisit nou *SLO* dan *Bills Committee*, ki fer en travay vreman formidab avek *Bills Committee*. Tou Manm osi mon

le felisit zot pou travay ki nou'n fer ansanm.

E mon kestyon i baze lo *program 2 - Members support services*. Mon le gete avek Madanm Clerk si vi ki nou annan 19 milyon ki'n ganny vote pou sa program, eski nou pou vwar ki sa lannen nou annan *capacity building* sirtou lo kote *Bills Committee*?

E osi lo kote bann Manm osi, lezot Manm ki pa dan *Bills Committee*, an vi ki depi ler Lasanble i egziste pandan sa 30 an. Nou'n pas selman zis 4 *Private Members' Bill* ki montre poudir la i en domenn ki nou kapab fer bokou pli byen avek plis kapasite.

So mon pe gete si i annan en striktir formel ki nou kapab met an plas e osi *capacity building*? Mersi.

MR DEPUTY SPEAKER

Mersi Onorab. Madanm Clerk?

MADAM CLERK TANIA ISAAC

Mersi Mr Speaker. Mersi Onorab pou ou kestyon. Onorab, eski ou pe koz lo *constituency clerk* oubyen ou pe dir *capacity building* an term-?

MR DEPUTY SPEAKER

I pe koz lo Manm, *MNA*, bann Manm.

HON JOHN HOAREAU

Mon pe koz lo bann *MNAs* avek osi –

MADAM CLERK TANIA ISAAC

Lo komite?

HON JOHN HOAREAU

Wi, apre avek osi *Bills Committee*.

MADAM CLERK TANIA ISAAC

Ok. Mersi Mr Speaker. Mersi Onorab pou ou kestyon. Wi, pou lannen prosenn nou'n ganny en Bidze 1.8 milyon pou Komite. E dan sa *committee support* i annan provizyon pou ki i annan komite ki kapab ganny sa *capacity building* pou lannen prosenn. E sa i en rekomandasyon ki ti sorti dan *Chairpersons Committee Meeting*.

So, i annan provizyon pou sa me selman i pa pou tou komite *basically* ki pou kapab al fer *capacity building*.

So, *Chairpersons Committee* pou bezwen zwenn e selekte lekel bann komite ki pou kapab *travel* lannen prosenn, dan ki domenn. Mersi Mr Speaker.

MR DEPUTY SPEAKER

Mersi, Madanm Clerk.

HON JOHN HOAREAU

Petet Madanm Clerk, i kapab donn nou en pti pe si osi annan provizyon pou bann Manm ordiner, bann lezot Manm ki pa dan *Bills Committee* pou osi kapab pou nou kapab zisteman *build up capacity* pou anmenn *Private Members' Bill*.

Akoz antre nou bann Manm, i annan bokou fwa ki Manm i eksprimen ki zot ti ava kontan anmenn *Private Members' Bill*. Be napa sa *capacity building*. So mon pe gete si i annan serten keksoz dan sa laliny ki pou vini.

MR DEPUTY SPEAKER

Ok mersi.

MADAM CLERK TANIA ISAAC

Mersi Onorab pou ou kestyon. Wi lo kote *legal* nou pou annan *capacity building* pou bann Manm an term *staff* ki nou'n azoute dan *Legal Unit*.

Nou pe anploy en *Project Secretary* ki pou travay avek nou *Legal Counsel*. So lannen prosenn si bann Manm i anvizaze anmenn bann *Private Members' Bill*, pou annan sa servis dan *Legal Unit* pou ed nou bann Manm anmennen. Mersi Mr Speaker.

MR DEPUTY SPEAKER

Mersi Madanm Clerk. Onorab Gill.

HON CHURCHILL GILL

Mersi Mr Chair. Bonn apre midi *panel*. Mon annan 2 kestyon. Mon kestyon i lo *how secure verbatim* Lasanble i ete? E si tou *verbatim as we speak* i *available*, oubyen i annan ki serten problem ou pa kapab *retrieve*.

Mon dezyenm kestyon tou-le-z-an Lasanble i fer sorti en *journal*, kot i *compile* tou bann travay Lasanble pandan lannen. Me selman ler mwan mon'n vizit *library*, i annan serten lannen ki sa *journal* pa egziste.

E mon kestyon alors, eski dan sa Bidze i annan posibilite kot nou kapab al vwar lannen ki *journal* napa, si i annan posibilite *reproduced*?

Sa legzanp ki mon pe donner se 2017 li ou pa kapab ganny *access* - i napa dan *library*. So eski dan sa Bidze i annan provizyon pou asire ki *verbatim* Lasanble i *secure*? *Anytime* Manm i kapab akse? Apre si bann *journals* ki manke i kapab ganny *print*, en manner nou kapab ganny akse ek tou rikord ki in egziste isi. Mersi.

MR DEPUTY SPEAKER

Mersi Onorab. *Panel*.

MADAM CLERK TANIA ISAAC

Mersi Mr Speaker. Mersi Onorab pou ou kestyon. Wi, tou bann *verbatim* ki Lasanble i tipe, i *secure*. Annefe bann *verbatim* ki ganny tipe zot rikord tou sa ki Manm i dir, egzaktman parey bann Manm i dir dan Lasanble. Nou annan en tim bann *Hansard Reporters* ki zot louvraz se zis tipe.

E zot fer sa avek bann dimoun ki ed zot adisyonnelman, ki zot siny bann kontra avek nou. E sa bann kontra ki zot sinyen avek nou i *bidding*. E rezon aköz nou'n bezwen fer li, set aköz nou'n vwar i annan en gran *increase* dan lakantite bann *verbatim* ki pe tipe.

Dan senkyenm Lasanble *verbatim* ti apepre 15 paz. Me nou vwar dan sizyenm e plis la dan setyenm, setyenm en *verbatim* dan en lazournen i apepre 200 paz. So nou tim i bezwen tipe e an menm tan fer sir poudir tou keksoz ki ganny rikorde, i ganny rikorde.

Akoz sa *verbatim* i ganny servi menm konman levidans Ankour. Plizyer fwa in ganny servi konman levidans Ankour kot Clerk i sertifye.

E tou nou *verbatim* i *available* dan *Hansard Unit*. E pou bann ki an se moman parey pou sa lannen, lannen pase si

ou al lo nou *website* ou pou vwar tou sa bann *verbatim* i lo nou *website*. E ou kapab, ou kapab – Wi, i *secure* e ou kapab servi.

Lo kote zournal mon vwar li en pti pe drol akoz nou annan tou zournal. 2017 nou annan, petet mon ava fer ou ganny en kopi pou 2017 si ou pa vwar dan *library*. Me selman nou tou nou annan tou *soft copy*.

Akoz nou pe *go towards e-copies* trwa kar nou bann *journals*. So petet rezon akoz ou pa pe vwar laba. So mon ava fer ou ganny en kopi Onorab. Mersi.

MR DEPUTY SPEAKER

Pou mwan konmsi mon napa en 2020. Wi. I annan? Solman mwan mon fek gete sa semenn mon napa 2020. So mon ava vin rod enn kot Madanm Clerk. Lot entervenans ki pou mon pou apele se Onorab Naddy Zialor.

HON NADDY ZIALOR

Mersi Mr Chair. Bonn apre midi Madanm Clerk ek ou lekip. Bonn apre midi tou dimoun ki a lekout. E mon ava profite ankor enn fwa pou swet bonn aniverser Lasanble Nasyonal. E zwenn avek lezot mon bann koleg, pou ankor enn fwa remerci tou *staff* pou zot

devosyon, pou zot lanmour, pou zot pasyans.

E pou fer sir ki vreman nou lakour i reste en lakour ki ler nou travay, nou travay ansan koman en tim. So ankor enn fwa mersi bokou e felisitasyon.

Madanm Clerk, Mr Chair, mon annan en kestyon baze lo zot *challenges* lo kote *IT* in fini ganny demande. Enn bann *challenges* ki mon vwar zot in mete, se ki zot napa “*adequate funding* pou *improve facility*” pou akomodasyon bann dimoun avek *special needs*.

E la ankor enn fwa mon ti a kontan felisit Lasanble, parske sirtou sa lannen nou’n vwar bokou bann dimoun avek *special needs* ki pe vin kot Lasanble Nasyonal. E Lasanble Nasyonal i reste pli ouver.

So petet Madanm Clerk, si ou kapab dir mwan dan ou Bidze ki swa eksteryer oubyen enternman, eski i annan okenn mwayen oubyen fasilite ki pou ganny ete *available* lannen prosen, pou fer sir ki sa *challenge* i ganny *meet* menm si i pa 100poursan? Mersi.

MR DEPUTY SPEAKER

Mersi Onorab. Madanm Clerk?

MADAM CLERK TANIA ISAAC

Mersi Mr Speaker. Mersi Onorab pou ou kestyon. Onorab, nou sey nou mye pou nou kapab *accommodate* bann dimoun ki annan dezabilite. E parey ou menn ou ou'n vwar, kot deza nou annan bann *railings* ki nou mete.

Even si ou pou get nou *Chamber*, nou'n sey fer li dan en fason kot si ou dan en *wheelchair*, oubyen si ou pe servi *crutches* ou pou kapab, ou pou kapab servi nou *Chamber*.

E osi nou pou vwar nou fasilite *toilet* osi; nou *entrance* nou *building*, ki nou pe sey fer nou mye pou nou kapab fer sa ki Lasanble i *accessible* avek bann dimoun ki annan dezabilite.

Me parey ou konnen poudir sa *building* in fer an 2009 e sa konponan pou vin *disability-friendly* pa ti ganny pran an kont, ler nou ti pe fer sa *building*.

Me dan le fitir, nou anvi petet vwar i mannyer nou kapab, mon pa konnen petet met en *lift* or bann lezot fasilite ankor ki nou kapab mete.

Me ki mon kapab dir ou Onorab, se ki an se moman nou pe travay avek *CPA*.

Akoz i annan en *fund* ki nou pe travay lo en proze, pou nou kapab amelyor bann fasilite, ki nou donn bann

dimoun ki annan dezabilite. Me selman Lasanble i *still* reste ouver, parey ou ti vwar dernyen fwa, ti annan sa lasosyasyon bann dimoun aveg ki ti vizit Lasanble.

So ou vwar ki menm si nou landrwa i pa *as friendly* as nou ti ava anvi. Me selman nou *still* sey nou mye pou fer li *accessible*. E nou *welcome* tou dimoun tou dimoun ki vini nenport ki abilite ki zot annan. Mersi Mr Speaker.

MR DEPUTY SPEAKER

Mersi Madanm Clerk. Mon ava apel Onorab Roucou.

HON MICHEL ROUCOU

Mersi Mr Speaker. Bonn apre midi Madanm Clerk. Mwan mon kestyon, nou dir mersi bann *staff*; nou apresye zot travay bann servis ki zot donn nou.

Madanm Clerk, dan ou *current challenge* la ou'n koz en pti pe lo kote *challenge* lo kote bann *staff*. Ou'n dir bann difikilte ki zot pe rankontre. Si ou kapab dir avek nou e osi pou bann *staff* ki pe ekout nou la, dan tou sa bann *challenge* ki zot pe rankontre pou kit *staff* kantmenm lo kote saler li menm li.

Ki travay Lasanble li menm li i pe fer pou kapab

ganny nouvo *staff* ki pou zwenn nou, ki nou *package* i ava atiran, e osi ki pou bann ki la bann *staff* ki'n la pour sitan bokou letan, ki nou fer sir ki zot reste?

Akoz nou'n war poudir bann lannen ki'n pase depi ler nou'n la 3 an bokou *staff* in kit nou, in al dan bann lezot departman. Mersi.

MR DEPUTY SPEAKER

Mersi Onorab. Madanm Clerk?

MADAM CLERK TANIA ISAAC

Mersi Mr Speaker. Mersi Onorab pou ou keston. Wi, sa i en *challenge* ki nou pe fer fas avek e nou pe vwar sa *challenge* i pa zis pou Lasanble, me i *across Government* i annan sa *challenge* kot *retention of staff* i vin en *issue*.

Me kot Lasanble ki nou fer nou sey revwar saler kot nou kapab, byensir an diskisyon avek Minister Finans. Nou servi en pti gin bann *skills* ki bann *staff* i annan e nou *second them* lo bann komite par egzanp, oubyen nou donn zot bann *desk* - bann lorganizasyon enternasyonal, ki nou met zot lo la e nou kapab donn zot en *allowance* an plis.

E apre nou kontan fer nou bann *staff* kot zot *shadow* en lot. Par egzanp ou pou vwar nou

housekeeper kot Lasanble, ou pou vwar li i pe ede avek travay resepsyon, kot i ganny li en nouvo *skill*.

E an menm tan nou donn li en *allowance* ki *compensate* dan bann sityasyon kot nou anvi *retain* nou bann *staff*, me selman nou Bidze pa permet nou.

Annefe dan nou Bidze sa lannen, *again* nou ti anvi rod bann fason ki mannyer nou kapab kit nou bann *staff*. Nou ti'n met pou *salary enhancement* e ti annan bann promosyon tou ki nou ti'n mete.

Me selman nou pa'n gannyen. Nou pa'n gannyen larzan dan nou Bidze pou sa. So nou pa pou bes lanmen. Lannen prosenn nou pou anmenn ankor. E mon pe mazine aköz petet sa 10 *percent increase* ki nou'n gannyen sa lannen, ki fer ki prezan i pe ganny anvoye pou en lannen pli tar.

Me selman mon anvi dir poudir malgre ki nou Bidze, nou *challenges* nou pa kapab donn bann *staff* bann saler. Nou pa kapab nou konpar nou avek *private sector*, aköz nou *budget-dependent*.

Nou annan bann lezot *non-monetary benefits* ki nou donn nou bann *staff*. Mon pa pou anvi al dan tou bann detay

ki nou donn nou bann *staff*. Akoz parey mon'n dir nou an konpetisyon avek bann lezot lorganizasyon.

Me selman nou annan en kantite bann lezot keksoz ki nou donn zot. Par egzanp i annan bann petet mon ava nonm enn i annan bann *Wellness Day* ki nou donn nou bann *staff* e lezot ankor. E nou vwar poudir nou bann *staff* i apresye.

E sa in ede, parey zot vwar ki en kantite nou bann *staff* ek Lasanble. E nou pou vwar wi, i annan enn de bann *staff* ki ale, me selman nou vwar poudir bann ki reste pou travay ek Lasanble, i bann dimoun ki anv i annan en karyer avek Lasanble.

Petet bann zot vwar poudir ler zot vini Lasanble i pa sa landrwa ki zot anv i travay. Petet ler zot vin *interview* zot annan en persepsyon, be ler zot fini *interview* ler nou donn zot *the offer* zot refize. Oubyen i annan lot landrwa i donn zot, zot war poudir sa *skill* zot kapab servi en lot landrwa. Oubyen sa lekspektasyon ki Lasanble i annan, zot pa pou kapab *meet*. So, zot deside pou al en lot landrwa.

So basically, these sa i sa bann *challenges* ki nou gannyen. Me selman nou, nou

sey nou mye pou nou fer sir poudir nou lanvironnman travay i enn kot nou bann *staff* i kapab grandi e devlope. Mersi Mr Speaker.

MR DEPUTY SPEAKER

Mersi Madanm Clerk. Ki ou annan klarifikasyon?

HON MICHEL ROUCOU

Mr Speaker, zis en pti mo an pasan. An vi ki nou annan *staff* ki pa tou *staff* ki lo komite. Parey mon kapab mazin bann *staff* ki dan biro nou *2 Leaders*, pou mazin zot en pti osi dan zot bann diskisyon ki zot fer. Mersi.

MR DEPUTY SPEAKER

Ok, mersi pou sa komanter Onorab. Mon ava kriy Onorab Vidot.

HON AUDREY VIDOT

Mersi Mr Chairman. Bonn apre midi Madanm Thelermont avek Madanm Clerk pou zwenn nou apre midi.

Mr Chairman, mwan mon kestyon pou vize an ver en *major achievement* ki Madanm Clerk in site, konsernan kreasyon sa *National Assembly Council*. Mon mazin letan zot in *set up* sa *Council*, i annan en lalis bann priyorite, bann *set targets* ki zot in anv i akonplir. E mon le konnen avek sa bann

target, baze ek sa Bidze ki zot in gannyen avek Gouvernman, konbyen dan sa bann *set of targets* ki sa *Council* in nobou kapab *achieve* zeneral?

E akoz swivan tou sa bann konstrent ki mon'n vwar dan zot dan lalis pou bann *challenges* ki Lasanble in site, osi byen bann konsern ki bann Manm in souleve ankor la apre midi, i montre poudir i annan serten konsern ki nou Manm, nou pe ekspekte poudir sa Bidze 2024 pou vremen permet Sekretarya, pou ki fonksyon sa laoter ki ti ava voudre.

E byensir spesyalman kot i konsern motiv bann zenn, ou bann lezot dimoun ki annan lentera pou zwenn nou lenstitisyon. E mon a profite osi pou mwan Mr Chairman, pou mwan dir bonn aniverser e mersi tou bann endividi ki'n kontribye pou ki nou Lasanble Nasyonal in evolye. Pou nou ozordi selebre lanniverser 30an. E osi bann ki'n kit nou e bann ki ankor la avek nou. Mersi.

MR DEPUTY SPEAKER

Mersi Onorab. Madanm Clerk.

MADAM CLERK TANIA ISAAC

Mersi Mr Speaker. Mersi Onorab pou ou kestyon. Wi, enn nou *achievement* se sa *National Assembly Council*. Dan

lepase nou ti napa enn kot i vin sa *governance structure*, pou Lasanble kot nou kapab fer bann desizyon stratezik lo direksyon ki Lasanble i ale. E i en *Council* ki *bipartisan* - vedir ki tou bann parti i ganny reprezante lo la.

E *The Executive Board of Parliamentary Service* osi i lo la. So Clerk, Deputy Clerk e bann lezot Heads, bann departman i lo la.

E ou'n demann mwan ki bann *achievement* ki nou bann lobzektif pou 2024 ki'n ganny pran an kont dan sa Bidze, ki nou nou'n *set* dan sa *Council*.

Committee clerks sa 5 *committee clerks*, annefe ti konmans dan bann diskisyon dan sa *Council* menm. E ki ti apre ki ti ekoule dan sa *Chairpersons Committee*. E nou vwar dan nou Bidze poudir nou'n gannyen.

So sa *again* i *improve* nou *service*, akoz nou bann komite, zot pou annan zot prezan bann *staff* ki spesyalize dan travay komite. An se moman, bann *staff* ki pe travay avek komite, zot pe fer *mostly secretarial work* zot.

Zot pe zis fer *minutes*, fer en pti rapor, ouswa al en pti *field trip*, oubyen si ou annan en pti *Committee hearing*. Zot pa pe vremen *scrutinise* e analiz

okenn lenformasyon vreman an detay, pou zot kapab *advise* bann Manm. E se sa ki nou pou vwar konmansman lannen prosenn.

E dezyenm keksoz ankor ki sa *Council* in koz lo la, se lespas. E nou'n fer en konversasyon avek Minister Finans lo la. E zot in dir nou ki an 2027 sa *annex* ki nou'n demande, nou pou ganny larzan dan nou Bidze pou li.

E en lot ankor ki ti nou priyorite sa *Parliamentary Service Act*. Nou deza annan en *draft* sa *Parliamentary Service Act*. E *again* nou bezwen fer en diskisyon avek Finans, avek tou bann lezot *stakeholders* pou nou kapab enplimant li.

Mon pa konnen si lannen prosenn, oubyen si dan wityenm Lasanble. Me selman tousala i bann travay ki *the Council* in konmans fer. Mersi Mr Speaker.

MR DEPUTY SPEAKER

Mersi Madanm Clerk. Mon ava kriy Onorab Mondon.

HON TERENCE MONDON

Mersi Mr Chair. Mr Chair, parey ou konnen en lobzektif stratezik nou lenstitisyon, se pou kapab fonksyonn avek lotonomi ladministrativ e finansyel, zis parey Legzekitiv e Zidisyer.

Eski i annan okenn provizyon dan sa Bidze, pou siport nou lenstitisyon dan son laspirasyon koman en brans Gouvernman endepandan?

E par egzanp provizyon pou devlop sa kad legal, ki pou lotonomi finansyel e administrativ parey zot in koz lo la.

E mon dezyenm kestyon, ziska dernyerman nou ankor pe ganny dir ki napa Bidze pou nou fer nou travay. Travay an relasyon avek bann komitman enternasyonal e lezot travay komite, ki demann serten deplasman.

E bann nesesite eksper pou asiste komite ki bezwen adres bann size ki annan serten kompleksite teknik. Kwa ki pou diferan ek sa Bidze an term provizyon, pou nou kapab fer travay ki nou sipoze fer konman Lezislatif? Mersi Mr Chair.

MR DEPUTY SPEAKER

Mersi Onorab. Madanm Clerk.

MADAM CLERK TANIA ISAAC

Mersi Mr Speaker. Mersi Onorab pou ou kestyon. Onorab, pou lannen prosenn Lasanble atraver *Council* nou pou bezwen bouz avek sa *Parliamentary Service Act*. Parey mon'n dir nou bezwen formaliz li, e letan nou'n formaliz li la i

pou pli fasil pou nou kapab ganny bann resours.

Akoz i pou vin en kad legal e si nou fer sa lannen prosen oubyen lannen ki vini. *Then* mon krwar i pou pli fasil pou nou kapab annan bann konversasyon avek Finans. Akoz *once* nou annan sa *Act then* i vedir ki Lasanble i annan en konversasyon avek Finans, sak fwa i bezwen travay lo son Bidze.

So Finans pou *meet* avek nou tou le-z-an. E nou, nou met devan zot atraver sa *Council*. Nou, nou met devan zot nou bezwen ki annan pou lannen ki pe vini. E prezan zot dir nou kwa ki nou kapab annan, kwa ki nou pa pou kapab gannyen.

E i ava en konsiltasyon, dan plas ki la an se moman nou pe ganny en *ceiling*, ki prezan nou travay dapre sa *ceiling* ki nou gannyen.

So dan sa Bidze li menm li pou le moman lefet ki sa Lezislasyon i ankor an diskisyon. Nou pe mazine ki lannen prosenn i pou en lannen kot pou annan sa diskisyon swa son konsiltasyon. E ou pou vwar plis petet dan nou Bidze 2025 ki ava annan en pti pe plis lo sa bout lotonomi.

So i en diskisyon ki Lasanble bezwen kontinyen fer avek Finans, avek *DICT*, avek

PSB osi, pou nou kapab enplimant sa *Parliamentary Service Act*. Mersi Mr Speaker.

MR DEPUTY SPEAKER

Mersi Madanm Clerk. Mon ava kriy aprezan Onorab –

HON TERENCE MONDON

Mersi Mr Chair. I pa'n – Madanm Clerk pa'n adres sa size provizyon pou nou travay an relasyon avek bann komitman ki nou annan.

MR DEPUTY SPEAKER

Enternasyonal e bann – wi.

HON TERENCE MONDON

Wi. Mersi.

MADAM CLERK TANIA ISAAC

Onorab, lo pou lannen prosenn nou'n ganny nou apepre R700 mil dan *overseas travel*. Me selman dan Komite osi nou'n ganny R1.8 milyon.

E nou pe regarde lannen prosenn si sa Bidze ki nou'n resevwar, i pa ase *then* nou pou bezwen revwar bann lezot landrwa kot nou'n fer *savings* dan nou Bidze, pou nou kapab *cater* pou bann komitman ki Lasanble i annan. En pe parey ki nou'n fer sa lannen. Mersi Mr Speaker.

MR DEPUTY SPEAKER

Mersi Madanm Clerk. Onorab Esparon.

HON REGINA ESPARON

Mersi Mr Chairman. Mr Chairman, lo paz 103 anba ‘*current challenges*’ i site ki i annan ‘*inadequate office space ek meeting room*’, ki koz lenkonvenyans sirtou pou bann travay Komite e osi bann *virtual meeting*. An prenon kont ki bokou bann *meeting* rezyonal, i parfwa ganny fer lo bann *digital platform*.

Ki- Ti annan plan Madanm Clerk, ti annan plan pou sa *annexe building*. Mon konnen ki larzan zot pa’n gannyen dan sa Bidze la, pwiske ti pe kout 131 milyon ekek. Me selman mon pe demande antretan, antretan ki lazisteman tanporer ki pou kapab ganny fer pou *overcome* sa bann *challenges* sirtou kot i konsern bann *meeting* komite, pou nou ganny lespas pou bann *meeting* Komite?

Epi zis en pti pwen an pasan, letan nou ti pe koz lo napa fasilite *lift* pou akse anler, mon ti pe menm mazine osi si a lavenir nou pa kapab met bann *ramp* kot ki annan peron, sirtou lo kote deryer la pou akse *wheelchair*? Mersi.

MR DEPUTY SPEAKER

Mersi Onorab. Mon ava envit Madanm Clerk pou donn en larepons.

MADAM CLERK TANIA ISAAC

Mersi Mr Speaker. Mr Speaker, pou travay komite, mon’n perdi en pti kou la kestyon ki Onorab in demande. Petet ou kapab repete silvouple sa premye kestyon.

MR DEPUTY SPEAKER

I ti pe koz lo laranzman ki’n fer pou –

HON REGINA ESPARON

Lespas pou travay komite, parske souvandfwa ler nou annan bann *virtual meeting*, napa ase lespas. E menm pou komite *meeting*, detrwa komite pa kapab zwenn an menm tan.

MADAM CLERK TANIA ISAAC

Ok, mersi Onorab. Onorab, lespas ki nou manke, i pa zis pou travay komite. I ou a krwar nou pe sey priyoritiz tou keksoz, pou nou ganny lespas. Parey zot vwar even *Members Lounge* nou pe servi pou ede avek travay komite. E nou konnen poudir bann Manm zot pa tro, tro kontan nou servi sa *room*. Akoz nou pe sey rod lespas menm.

Akoz letan nou demande pou nou annan bann nouvo

staff, nou bezwen vwar partisyonnen, rod bann landrwa kot nou pou met zot aköz nou annan en konstrent lespas.

As much as possible nou seye kot nou servi *even Ministers Receiving Room*, pou donn bann Manm pou zot kapab fer zot travay komite.

Nou annan *Committee Room 3*. Nou annan *Speaker's Conference Room*. Pou le moman se sa 3 landrwa ki nou annan pou nou donner. Larestan nou sey rode petet si en *staff* pa la nou dir en Manm *ok* servi sa lasal.

Nou konnen i pa apropiye, be lefet ki nek 2027 ki nou pou kapab ganny sa *annex*, then an se moman nou i en travay ki pa fasil. Me selman nou seye pou ki bann Manm zot kapab ganny sa bann servis ki zot devret gannyen. E pou le moman se sa ki nou pe fer.

E sa sizesyon pou annan bann *ramps* parey ou pe dir, sa i en keksoz ki nou ava kapab konsidere dan nou Bidze pou 2025. Nou ava mete dan nou Bidze pou annan bann *ramps*. Mersi Mr Speaker.

MR DEPUTY SPEAKER

Mersi Madanm Clerk. Mon pa konnen si ou le azout keksoz lo letan *auxiliary building*, pou'n

pare, ki mannyer sa i pou ede avek liber serten lespas dan *the main building*? Pou reponn en pe kestyon Onorab Esparon.

MADAM CLERK TANIA ISAAC

Mr Speaker, sa *auxiliary facility basically* li i pou vin *the administration block*. An se moman nou *housekeeping* i annan zot apepre 8 zot. Zot tou zot dan en pti *room* ki zot tou zot vini sel keksoz zot fer la, se ki zot kit zot *locker*, zot latab drese i lanmenm, tou zot bann keksoz i lanmenm. E zot napa en landrwa pou zot en *proper* lofis.

E nou pe vwar kot bann *staff admin* zot pe *share* bann lespas. So nou pe fer sa *admin block*, kot tou bann dimoun ki travay dan ladministrasyon zot kapab ganny *allocate* laba dan sa lot *building*. E sa i ouver en pe lespas, aköz pa bliye nou annan nou 5 nouvo *committee clerks*.

So, sa i pou donn nou en lespas pou nou kapab met zot ladan. An menm tan nou bezwen mazine poudir nou annan bann lezot *staff* ki la ki la pe *share* lespas ansanm. Par egzanp nou *Media Operations Team*, zot tou zot pe asize devan en *screen* apepre 3 zot. E zot sipoze annan zot en lofis apar pou zot asize. me pa dan *Media Control Room*.

So, sa lespas ki nou pou annan, i pou ed nou pou nou kapab ganny lespas pou bann *staff* ki deza la. E petet enn de ki pe vini parey nou bann *committee clerks*. Nou kapab met zot petet 3, 4 zot dan en sel lofis. Akoz nou napa bokou lofis. Mersi Mr Speaker.

MR DEPUTY SPEAKER

Mersi Madanm Clerk. Aprezan nou ava apel Onorab Loze.

HON JOHAN LOZE

Mersi Mr Speaker. Bonswar Mr Speaker. Madanm Clerk, Madanm *Kilindo (Thelermont), Ms Tamatave, bonswar. Mr Speaker, mon en dimoun depi mon dan Lasanble mon toultan pe lager pou *everybody and sundry*. Zot saler, zot benefis zot lo kote sosyal ozordi permet mwan koz en kou pou mon lenstitisyon.

Madanm Clerk, mon santi letan ou'n reponn kestyon Onorab Georges, ou'n tre diplomatik. E *t'as bien peser tes mots*. Be selman si nou pou *être* fran nou lenstitisyon, nou *behind* sa *curve of being* en sant *d'excellence*, ki nou tou isi anndan nou ti a kontan vwar nou ete.

Pa pou al dan bann detay selman nou annan nou *a very good SLO* ki *serve* Lasanble e i

serve en *Bills Committee*. Be enn bann keksoz ki devret annan atase avek tou lede lofis tou lede *Leaders* - mon konnen Onorab Georges i en ekselan *homme de loi* dan li menm. Be selman lofis le 2 *Leaders* zot bezwen annan en *Legal Officer* atase avek zot zot osi.

E i bann detay koumsa ki pou pous nou devan. *The way forward rightly said*, se ki Lasanble i vin en sant *d'excellence*. I devret en landrwa kot letan en *staff member* i kite pou li ale, i pou *sought after* dan tou lezot landrwa. E en pe parey bann *staff* Labank Santral.

E dan sa direksyon, mon santi ki petet *rapport de force* dan negosyasyon avek Minister Finans petet i en pti pe *lopsided*. Nou ganny trete parey en nenport ki *MDA*, Minister ou departman, dan plas en brans Gouvernman endepandan lo nou menm. Dan plas garan Konstitisyon nasyonal Sesel e *again* ou'n dir poudir *the way forward* se nou prop Lezislasyon.

So, eski nou pou kapab ganny nou Lezislasyon lannen prosen parey ou'n sizere? Me konman en fe e eski enn fwa nou Lezislasyon i vini, eski sa pou sanz *rapport force* negosyasyon ant Lasanble

Nasyonal avek Minister Finans. kot nou, nou aret ganny gete konman en pti zanfan Gouvernman ki *suborn to the powers of the Executive*? Me nou ganny gete konman garan Konstitisyon.

E Mr Speaker, an terminan, mon bezwen met devan ou Mr Speaker. En dimoun ki'n abiz benefis envalidite ki i pe rode avek konsiltan anba lofis LOTO silvouple? Get dan son laglas. Mersi Mr Speaker.

MR DEPUTY SPEAKER

Mon krwar sa dernyen komanter pa ti nesaser. Nou ti pe byen ale nou pe fini byen. Nou'n deza koze lo bann latak personnel. *Any issue* ki nou annan pou anmenn kont en Manm personnelman. nou fer li anba *Order 59(7)(d)* si mon memwar i servi mwan byen. Madanm Clerk, ou ava reponn sa de lezot komanter. Mersi.

MADAM CLERK TANIA ISAAC

Mersi Mr Speaker. Mersi Onorab pou ou kestyon. *Ok*, mon krwar dan lepase letan nou'n annan diskisyon lo nou Bidze mon'n koz lo lotonomi Lasanble e son benefis annan son *financial* e son *administrative independence*.

E sa in ganny anmennen dan sa *Parliamentary Service Act* ki nou pe travay lo la. Me selman sa travay ki pou ganny fer i *The National Assembly Council*.

Nou konman en lenstitisyon, tou bann *Leaders* nou pou bezwen lannen prosenn travay lo sa *Parliamentary Service Act*. E se Lasanble li konman en lenstitisyon ki pou bezwen pouse, pou ki sa Lezisasyon i ganny enplimante. So nou ava gete lannen prosenn bann travay ki sa *Council* i ava fer. Mersi Mr Speaker.

MR DEPUTY SPEAKER

Mersi. Ou annan klarifikasyon?

HON JOHAN LOZE

Mr Speaker, mon vwar tou i dekoul lo *Council*. Me vi ki sa *Act* e tou sa ki pou dekoul ladan *it's about the office of the Members - not the Members themselves*. Nou tant pou get sa Mamm konman lendividi, me lofis Manm.

Be Madanm Clerk, si ou ek *Council* zot bezwen led Manm koze, nou pare nou. Nou a brousay Minister Finans ek Minis Finans en pe. Ou pa kapab demann 67 ganny 54! Mersi Mr Speaker.

MR DEPUTY SPEAKER

Mersi Onorab. Prosen enterven an Onorab Woodcock.

HON WAVEL WOODCOCK

Mersi Mr Chair. Onorab Mondon in deza pran en kestyon. Me pou konmanse, zis permet mwan pou mwan remersye tou bann *staff* Lasanble Nasyonal, pou sa bon servis ki zot in donn nou pandan sa bann dernyen detruwa lannen sirtou.

E sekreter lo bann komite sirtou sekreter mon komite MYSCC, Mr Vincent Quatre e sekreter *International Affairs Committee* Emma Didon.

Mon kestyon Mr Speaker, i baze lo Bidze lofis *Leader of the Opposition*. Annefe i annan en sonm R990 mil pou 2023 - sa ti son Bidze 990 mil pou 2023. Me pou 2024 i pe ogmante par plis ki R200 mil. E mon pe vwar anba son lofis i annan sonm R300 mil pou *local consultancy fee*, ki parey Madanm Clerk in dir nou i annan en sonm pou Mr Patrick Herminie ki ganny en mwenz li osi *on top of* son R50 mil pansyon. En pe pti pe voras kantmenm Mr Speaker, me selman i pe ganny tousala.

So sa logmantasyon R200 mil *extra*. Madanm Clerk, eski i logmantasyon? I en logmantasyon *extra* pou

konsiltan dan biro *Leader* Lopoziyon, ouswa i pou bann lezot depans adisyonnèl sa R200 mil *extra*? Si ou kapab donn en pti pe detay lo sa *extra* larzan pou biro *Leader* Lopoziyon. Mersi.

MR DEPUTY SPEAKER

Mersi Onorab. Madanm Clerk.

MADAM CLERK TANIA ISAAC

Mersi Mr Speaker. Mersi Onorab pou ou kestyon. Sa logmantasyon i dan *local consultancy fee* i pou sa 2 konsiltan ki dan lofis LOTO. Non LOTO e lofis LGB osi tou, en. Tou lede lofis nou'n *increase, consultancy fee* pou sa 2 konsiltan ki travay avek zot lofis. In sorti 10mil in vin R12500. Mersi.

MR DEPUTY SPEAKER

I annan –

HON WAVEL WOODCOCK

Zis, si ou kapab donn nou en pti pe sa bann konsiltan konbyen zot pe gannyen, bann konsiltan anba biro –

MR DEPUTY SPEAKER

Non in dir taler. In fek dir pou sorti R10 mil pou vin R12500 *extra*.

HON WAVEL WOODCOCK

Pou vin 12000, *extra*.

MR DEPUTY SPEAKER

Already answered. Prosen entervenan Onorab Pillay.

HON SEBASTIEN PILLAY

Mersi Mr Chairman. Bonn apre midi Madanm Clerk ek zofisyè Minister Finans. I byen war bann zanfan pe demann kestyon, par fwa zot pa realize ki zot demande.

Madanm Clerk in eksplike ki anba mon lofis parey lofis *Leader* Zafer Gouvernman tou keksoz –

MR DEPUTY SPEAKER

Mon ti anba lenpresyon bann Manm Onorab Lasanble Nasyonal ki pe demann kestyon, napa zanfan la anndan.

HON SEBASTIEN PILLAY

Prezan Mr Chairman –

MR DEPUTY SPEAKER

Onorab! Onorab! Onorab Pillay ou ava retir sa remark ‘zanfan’ silvouple.

HON SEBASTIEN PILLAY

Mr Chairman, mon a retir sa remark ‘zanfan’. Ou konnen akoz mon war li drol. Nou pe debat Bidze Lasanble Nasyonal i annan de lofis *Leaders* dan

Lasanble Nasyonal. Tou lede *Leaders* i ganny egzakteman parey. Tou lede *Leaders* i ganny tou bann *entitlement*. Par kont zot *Leader* - e la zot ki’n ouver laport pou sa, li i pe pran en konsiltan i pe fer vin en *private secretary*.

E i pa sipoze fer sa, akoz i deza annan en *post private secretary* ki kouver. So kote ki son *private secretary* i ete li? Si li i pe met anba konsiltan. *Ok* ou ki’n al ouver sa laport. Oule ouver laport nou a ouver laport.

Prezan mon le vin lo en lot size ki konsern *staff* Lasanble Nasyonal. Mon *issue* mwan Mr Chairman, se ki mon pa satisfè avek pozisyon Minister Finans, an se ki konsern *staff* Lasanble Nasyonal.

Rezon mon dir sa se akoz tou dimoun ki’n koze in remersye sa bann *staff* Lasanble Nasyonal. Me selman ler nou regard posibilite pou Lasanble Nasyonal renimer sa bann *staff* lo nivo ki zot sipoze pe gannnen, ki mwan personnelman mon krwar zot sipoze pe gannnen, prenon kont *input* ki zot donner, mon santi ki Lasanble Nasyonal pa dan en pozisyon pou fer li.

Alor kestyon mon ti a kontan demann Madanm Clerk. Par egzanp ler nou vwar Lasanble i ankor pe *sit* se ler la.

Nou annan nou bann *staff* ki ankor deryer. E i annan - mon war i annan en provizyon pou *overtime*.

Sa ki mon ti a kontan konnen nou annan bann *staff housekeeping*, nou annan bann *staff* lo nivo ladministrasyon, nou annan bann *staff* sekirite.

Eski dan demann ki zot ti fer avek Finans, zot in enkorpor okenn demann, pou bann *staff* dan diferan gad ganny serten logmantasyon prenon kont legzisans travay Lasanble Nasyonal, bann ler ki Lasanble Nasyonal i garde e bann ler fini ki Lasanble Nasyonal i fini?

Aprezan mon ti a kontan osi Mr Chairman, ki si Madanm Clerk ti a kapab eksplik nou. Mon konnen ki demann ki zot in fer ek Finans e *ceiling* ki Finans in donnen i pa parey. Mon ti a kontan petet ganny en apersi *from* Minister Finans.

Eski Lasanble Nasyonal i ganny trete *as an MDA*, oubyen eski Lasanble Nasyonal i ganny trete *as en* brans gouvrenans pei, e *therefore* i bezwen ganny *afforded* serten resours nesaser? Zisteman parey Zidisyer i gannyen e parey Legzekitiv i gannyen pou li kapab *fulfil* son travay ki i annan. Mersi Mr Chairman.

MR DEPUTY SPEAKER

Mersi Onorab. Dan bann pwen ki'n ganny fer, lo sa enn ki koz lo kestyon *private secretary* dan biro *LGB*, mon ti ava prefere nou kit li ater. Mon pa pou le nou diskrit sa dan labsans *LGB* ki an se moman i dan en levennman *zoom online* pou *PGA*. Donk sa enn la nou pa pe al koz lo la. Mersi.

MADAM CLERK TANIA ISAAC

Mersi Mr Speaker. Mon krwar lo kestyon ki *LOTO* in demann mwan sa zafer bann *remuneration* pou *staff*.

MR DEPUTY SPEAKER

Wi, i annan reminerasyon *staff* Sekretarya apre lot kestyon *MDA* avek en brans Gouvrenman.

MADAM CLERK TANIA ISAAC

Ok. Lo kote *staff*. i annan en keksoz ki nou menm nou letan nou pe get dan nou Bidze i annan en pti *oversight*. *Actually*, nou'n ganny pou *salary enhancement* ki nou'n demande. Apre i annan enn de *post* ki nou'n demann promosyon nou'n gannyen.

Me selman nou letan nou'n gete nou pa'n - wi, nou'n mank li dan nou Bidze. So lannen prosenn i annan en kantite nou bann *post*, bann *post* ki ou'n demande

housekeepers, bann ladministrasyon se sanmenm sa bann pozisyon ki nou pe donn *salary enhancement* lannen prosenn.

Aprè lo kote MDAs Mr Speaker –

MR DEPUTY SPEAKER

Oule ki Manmzel Tamatave ki reponn oubyen?

MADAM CLERK TANIA ISAAC

Ou ti le mwan ki reponn oubyen Finans?

MR DEPUTY SPEAKER

Please proceed.

**COMPTROLLER GENERAL
ASTRIDE TAMATAVE**

Mersi Mr Chair. Mr Chair, tou antite Gouvernman ki resevwar Bidze avek Gouvernman *through public funds,* nou annan nou prosedir Bidze ki ganny swiv.

Tou antite i ganny *allocated with a ceiling* e sa i prosedir ki – malgre letan zot pei mon mazine zot annan serten *financial autonomy,* zot osi zot ganny *allocate* en serten alokasyon avek zot Minister Finans, pou zot kapab travay anba la.

Prosedir Bidze ki nou fer avek Lasanble konman en brans Gouvernman e avek

Zidisyer konman en brans Gouvernman. I pa vreman diferan, me selman zot kapab konstate ki i annan serten fleksibilite ki nou Gouvernman nou apote avek sa 2 brans Gouvernman.

Letan nou pe koz *financial autonomy* mon konnen sa i en diskisyon ki tou le lannen, letan nou vin Bidze sa kestyon i monte. Nou ankor pe fer louvraz avek IMF an vi ki nou bezwen eksplor, regarde ki mannyer ziridiksyon i *allow* sa *financial autonomy within* zot PFM *framework.*

E lannen prosenn, Gouvernman pe *review* nou PFM *framework* ansanm avek lasistans IMF. *And as part of* sa *review* nou fini signal zot ki nou pou enkorpor *the financial autonomy of* bann lenstitisyon ki annan lendependans.

Me nou bezwen tenan kont *when it comes to public funds,* i annan serten lotonomi. I annan serten Lalwa, reg ki *still* bezwen ganny aplikab e ganny swiv. Par egzantp *Procurement Act* pou *still* bezwen ganny respekte. I annan serten regilasyon ki pou *still* bezwen ganny swiv.

Tou Minister, tou departman Lasanble konman lenstitisyon endependan e Zidisyer konman en

lenstitisyon endepandan, personn pann gannyen sa larzan ki zot in demande dan Bidze.

Tou Minister letan zot in *submit zot budget request* tou lenstitisyon ti par lao *ceiling* ki Minister Finans ti'n donner. Tou lenstitisyon. Endepandan, pa endepandan tou ti par lao. E natirelman Bidze nou *operate within* sa reveni ki nou anmase.

So nou bezwen fer en desizyon kolektivman konman en Gouvernman responsab, pou nou regarde kwa ki Gouvernman i kapab *afford within* sa *fiscal space* ki nou annan; non ki nou pa akimil det e non pa, ki nou osi *increase* taks an plis ki pou ede siport sa Bidze ki ganny *request*.

So natirelman toultan nou pa pou kapab *meet* demann tou lorganizasyon. *And this is where* nou, nou travay an drwat kolaborasyon avek zot *within the year* ki Bidze pe ganny enplimante, kot nou vwar lespas kot nou kapab *as part of the mid-year review process meet* zot en pe *halfway* pou nou *provide additional support within the year*.

E *even* par egzanp i annan bann ki'n fer *request* pou lannen prosenn ki enkli Lasanble Nasyonal, ki sa lannen nou vwar lespas kekfw

i *allowed* nou *provide* sa sipor en pe pli davans. *So, this is* mon repons Mr Chair. Mersi.

MR DEPUTY SPEAKER

Mersi Manmzel Tamatave. Ou annan klarifikasyon lo la?

HON SEBASTIEN PILLAY

Mersi Mr Chairman. Mr Chairman, mon respekte ou premye komanter. Mon zis *wonder* si mon ti pou ganny menm kourtwazi, si mwan mon pa ti la dan Lasanble. Me *reste à voir* ki mon pa ti pou gannyen e kestyon ti pou ganny demande kantmenm mon pa la lo mon Bidze.

Mr Chairman, i annan sa larepons ki Madanm Clerk in donn mwan, in dir mwan i pou annan bann *salary enhancement* ki pou fer pou bann diferan kad dan Lasanble Nasyonal. Be la nou konnen poudir par egzanp i en pe difisil pou separ en kad ek en lot, akoz tou dimoun i donner. Bann *cleaners* i la i fer sir tou keksoz i annord. Bann *maintenance* pe travay, sekirite osi i fer sir so i en pti pe difisil.

So ler ou dir mwan *salary enhancement*, eski ou kapab en pti pe plis spesifik. Eski sa i zis enkorpor sa 10poursan ki Gouvernman pe donner, oubyen sa i enkli en *salary*

enhancement ki Lasanble Nasyonal in war li nesese, an relasyon avek la kantite travay ki nou bann *staff* i ganny demande pou fer dan Lasanble Nasyonal? Mersi Mr Chairman.

MR DEPUTY SPEAKER

Mersi Onorab. *Panel*, i ava klarifye sa.

MADAM CLERK TANIA ISAAC

Mr Speaker, mersi. Mersi *LOTO* pou ou kestyon. Bann *salary enhancement* ki nou pe fer nou pe fer *across* bann diferan *scheme* ki nou annan. E sa i enkli nou *housekeepers*, nou resepsyonnis, nou bann *staff* dan ladministrasyon, *documentation* e diferan, diferan *staff*.

So i en pe *across* sa. E i napa nanryen pou fer avek sa *10percent increase*. Me i en larzan adisyonnal ki nou pe donn nou bann *staff* akoz nou bann *staff* i travay en kantite. E i bann fason ki nou vwar pou nou rekonnet zot kantite travay ki zot pou Lasanble. So nou pe fer li an adisyon sa *10percent increase* ki zot in gannyen. Mersi Mr Speaker.

MR DEPUTY SPEAKER

Mersi Madanm Clerk. E dernyen entervenans lo sa *heading*, se Onorab Arissol.

Mon asire mon pa'n mank person. *Very well*.

HON SANDY ARISSOL

Mersi Mr Chair. Bonn apre midi Madanm Clerk e Mrs Thelermont. Mon ti a voudre letan nou pe swet bonn anniverser Lasanble Nasyonal, mon bezwen osi swet Mrs Thelermont en bonn lanniverser. Parske Mrs Thelermont mon krwar i enn bann *staff* Lasanble ki la pou 23 an. E mon krwar i deserve en *round of applause*.

(APPLAUSE)

HON SANDY ARISSOL

Mon ti a kontan osi profite dir mersi bann *staff* atraver Madanm Clerk ki la, pou tou servis ki zot rann nou lo kote biro *LGB*. Pou bann traka ki nou donn zot koman bann Manm. Bann difikilte sirtou bann ki tip sa ki nou dir, la nou'n ganny dir kantite i annan pou tipe pli ale. So, nou dir zot mersi pou tou zot servis.

E nou swete ki sa bon lanmitye ant bann Manm avek *staff* i kontinyen. Selman Mr Speaker, de lot kote mon sagrinen ozordi. E mon leker i fermal letan mon'n aprann poudir Lasanble Nasyonal konsiltan se Patrick Herminie,

kot biro *LOTO*. Parske - e Doyace ki'n demann sa kestyon, zot pe rode akoz Onorab Doyace Porice in demann sa kestyon.

Se parski sanmenm sa zonn ki mont lo televizyon, ki dir ek nou,

Dimoun pe mor lafen;

Bann zanfan pe dormi vant vid. E li i ganny en larzan avek son parti. I ganny en larzan avek Lasanble Nasyonal koman en pansyon. I pran sa dernyen sou ki reste koman konsiltan R12,500. E dan sa R12,500, 2 dimoun ti kapab ganny zot omwen R6,250 pou komanse.

Me non, li i deside koman Patrick Herminie avek son parti, i deside pran tou zis pou li tousel *almost* R112 mil, R115 mil par mwan. E pou mwan sa i sagrin mwan en kantite ozordi.

(APPLAUSE)

HON SANDY ARISSOL

E mon anv i fini ek mon kestyon Mr Speaker. E fotespere Lepep Seselwa pe ekoute, zot pe swiv. E nou ava enn de lenstans Lopoziyon pa'n vot Bidze plizyer Seselwa. Zot in vot kont plizyer Bidze Seselwa dan nou Lasanble Nasyonal. E la nou ava gete si zot vot pou Bidze pou ki Patrick Herminie i ganny li

R12,500 tou le mwan koman konsiltan.

Mon ti a kontan demann Madanm Clerk mon kestyon. Mon kestyon ki mon ti a kontan demann Madanm Clerk Mr Speaker, se an relasyon avek bann *staff* nou'n tann koz en kantite lo *staff retention*. Sakenn i ale pou plizyer rezon, e parey i arive dan tou Minister, dan tou *MDAS*.

Eski nou bann *staff* ki vin travay kot Lasanble Nasyonal, zot kapab enterakte avek nou koman bann Manm Lasanble? Eski zot kapab pratik zot lopinyon politik ouvertman, libreman an deor apre zot ler travay zis parey Konstitisyon i permet zot pou fer? Mon remersye ou Mr Speaker.

MR DEPUTY SPEAKER

Mersi Onorab. Madanm Clerk ou oule zis klarifye sa?

MADAM CLERK TANIA ISAAC

Mersi Mr Speaker. Mersi Onorab pou ou kestyon. Nou bann *staff* Lasanble Nasyonal ki deservi Lasanble, zot travay avek bann diferan parti politik. E zot travay ki zot fer i tonm anba en *Code of Conduct* ki bann *staff* i swiv. E nou annan nou bann *core values* ki bann *staff* Lasanble i annan.

E enn ladan i enparsyalite. Savedir dan tou servis ki zot pe donn bann Manm, zot pa sipoze pe koz lo apartenans politik. E zot pe donn servis tou Manm parey. E se sa bann *code* ki nou bann *staff* Lasanble i swiv.

Bann aktivite politik an deor Lasanble, wi. Konstitisyon i fer provizyon ki tou dimoun i kapab partisipe dan politik koman en sitwayen.

Me selman pou vin travay Lasanble, parey i annan plizyer bann landrwa, parey nou vwar i annan bann labank, i annan lezot bann landrwa letan bann *staff* i decide pou zot vin travay Lasanble, zot osi zot bezwen fer sa swa.

Akoz lefet ki zot pe travay direkteman avek politisyen, zot bezwen zot osi decide dan sa lanvironnman, *whether* letan zot pe montre zot lapartenans politik, i pa pou *compromise* zot enparsyalite ler zot pou vin donn sa servis bann Manm.

Petet ou kapab ganny dir pou dir i *ok* pou ou partisipe dan bann aktivite politik. Me selman sa persepsyon ki vini par deryer osi, letan ou pe deservi bann Manm sirtou diferan parti politik, i annan sa bann *mistrust* ki vini. I annan tou sort kalite bann *challenges* ki ou kapab fer fas avek.

Alors nou, nou - mon pa dir ki nou anpes zot, me nou dekouraze ki nou bann *staff* i angaz zot dan bann aktivite politik ki vizib sirtou. Parey pou ou monte lo en *stage*, sa nou pa ankouraze pou ou fer.

Me si i annan bann lezot keksoz ki ou pe fer, me ki pa vizib ki pa pou dan lizye piblik, ki pa pou sanz persepsyon dimoun ler i pou vwar ou, i annan sa bann aktivite ki nou, nou *ok* avek.

Me selman i annan ki nou totalman dekouraze, akoz nou pe travay en lenstitisyon ki profesyonnel. E nou anvi ki nou bann *staff* i kapab servi nenport ki, nenport ki ler. Mersi Mr Speaker.

MR DEPUTY SPEAKER

Mersi Madanm Clerk. Sa ti dernyen entervansyon lo *heading Legislature*, trouve lo paz 102 a 108. Ki mon krwar prezan in ler pou nou pran en vot lo...

HON SEBASTIEN PILLAY

(Off-Mic)

MR DEPUTY SPEAKER

En *matter of privilege*? Ki... dir mwan ou *matter of privilege*, Onorab?

HON SEBASTIEN PILLAY

Mr Chairman, ou'n dir koumsa poudir nou, nou pa kapab demann kestyon lo lefe ki *Leader Zafer* Gouvernman i anploy en *private secretary* koman en konsiltan, *at the same time* ki annan pos pou en *private secretary*.

At the same time ki lo lot kote i kapab fer komanter lo lekel ki mon swazir koman konsiltan. I senp Mr Speaker, si nou annan problem ek Patrick Herminie nou, nou siport Patrick Herminie. *Call* en eleksyon 2000 lannen prosenn e Patrick Herminie pou bat Ramkalawan dan eleksyon!

(APPLAUSE)

MR DEPUTY SPEAKER

Mersi Onorab. *This*, i pa ti okenn *matter of privilege*. I ti en labi *Order 59(7)*, kot en Manm i servi *free speech* pou li *disrupt the proceeding of the National Assembly and you keep doing it*. Menm si ou *apologies* ou'n fini fer. *I don't accept your apology! I don't accept your apology!*

It's an abuse and you have to stop doing this Onorab. In ariv ler pou nou pran en vot lo sa *heading*. Donk, mon a demann tou bann Manm ki an faver pou endike silvouple? Mersi. Okenn Manm ki kont? Mersi.

Donk, vot lo Bidze Lasanble Nasyonal pou en sonm R54 milyon 899 mil i annan 26 Manm ki'n vot an faver. Napa Manm ki'n vot kont. E napa Manm ki'n *abstain*. Donk, sa vot in pase par linanimite.

(APPLAUSE)

MR DEPUTY SPEAKER

Avan ki nou separe pou ozordi, mon ava zis enform bann Manm briyevman ki bann *headings*.

(comments off-mic)

MR DEPUTY SPEAKER

Mon krwar *Standing Orders* i dir zot letan Speaker pe koze, nou sipoze trankil. Nou pou zwenn Komisyon Anti-Koripsyon demen. Apre sa i pou swiv par Departman Sanzman Klima avek Departman Lanvironnman. I ava swiv par Departman Lagrikiltir.

Nou pou osi pran vot koman en sel. Malgre nou pou enterakte avek zot par departman. E apre midi nou pou zwenn bann zofisyé sorti kot *Landscape and Waste Management Agency*. E nou pou osi pran vot lo Lazans pou Servis Meteoloji, avek

Komisyon Lenerzi Sesel. Sa i demen.

Donk, nou ava remersi Madanm Clerk, Mrs Tania Isaac ki ti avek nou, Mrs Ghislaine Thelermont ki *Senior Accountant* kot Lasanble Nasyonal osi Manmzel Astride Tamatave ki'n avek nou depi bomaten *Comptroller General* avek Ms Karen Bedier *Senior Finance Analyst* sorti kot Minister Finans, ki'n avek nou depi bomaten.

Nou ava *adjourn* la, e nou pou rebran travay demen bomaten 9er. Bonswar tou dimoun.

(ADJOURNMENT)

